

## **Ranáq Tốp Puai Yê-su Táq Santoiq Atõng**

Saráq nâi Luca chĩc to loah saráq án chĩc nhũang atõng tẽ dõĩ tamoong Yê-su. Án chĩc saráq nâi sám 60 cumo ntun Yê-su canõt. Saráq nâi atõng tẽ Yê-su chõn chu paloõng. Ranẽng tẽ paloõng ớn tốp puai Yê-su chu loah põ vil Yaru-salem cõp acoan Raviei Yiang Sursĩ sẽng õt cõp alói.

Raviei Yiang Sursĩ sẽng õt cõp alói yõn alói cõt cloq lúq põq atõng parnai Yiang Sursĩ, cõp ayõng máh tốp sa-âm. Alói bũn chõc dõq tuih aloõh máh yiang sâuq tẽ tũ cũai, cõp palai máh cũai a-ĩ cõt bán.

Saráq nâi atõng loah máh ranáq tốp puai Yê-su khoiq táq, nhơ tẽ chõc Raviei Yiang Sursĩ. Alói põq atõng parnai o tẽ Yiang Sursĩ tâng vil Yaru-salem, tâng cruang Yudê, tâng cruang Sa-mari, cõp toau chũop nheq pũn paloõng cutrúq nâi.

<sup>1</sup> Cúq la Luca cõiq saráq nâi yõn yõu cúq Theu-phulo. Tẽ nhũang cúq khoiq chĩc muoi pơ saráq yõn mới dáng samoat samoi máh ramúh tẽ Yê-su. Tâng saráq ki cúq atõng nheq ranáq Yê-su khoiq táq cõp nheq óc án khoiq atõng, tẽ nhũang án tũ yũah chõn chu paloõng. <sup>2</sup> Nhũang án chõn, Raviei Yiang Sursĩ yõn án patáp tốp alói ca án khoiq ruroh cõt tốp ayũng atĩ án, yõn alói dáng cóq alói táq nõq. <sup>3</sup> Yê-su khoiq ramóh sa-ũĩ

ramúh túh coat. Vót án cuchĩt, án tamoonq loah, cóp án toâq loah pở tốp rien tễ án. Bo ki án táq sa-ũi tếc yỗn alóĩ têq dáng raloaih ralêng án lứq tamoonq loah. Yê-su ốt cóp tốp rien tễ án nheq pỗn chít tangái pỗn chít sadâu, cóp án atông alóĩ tễ Yiang Sursĩ táq sốt. <sup>4</sup> Muoi trở bo Yê-su ốt rôm cóp tốp rien tễ án, án atông alóĩ neq: “Anhia chõĩ loõh yũah tễ vil Yaru-salem. Ma anhia ốt acoan yỗn toau toâq Raviei Yiang Sursĩ ca Mpoaq cứq ữq yỗn anhia, samoât cứq atông anhia tễ nhũang chơ. <sup>5</sup> Yuaq Yang khoiq táq batêm yỗn anhia toâq dõq, ma tở bữn dũn noâng Raviei Yiang Sursĩ lứq toâq. Cóp án mut ốt tâng mút pahõm anhia. Nâi la anhia roap batêm tễ Raviei Yiang Sursĩ.”

### *Yê-su Chõn Chu Paloõng*

<sup>6</sup> Bo tốp puai Yê-su rôm cóp án, alóĩ blóh án neq: “Sanua Ncháu ẽ táq yỗn cruang I-sarel cõt sốt bữm tở?”

<sup>7</sup> Yê-su ta-õĩ alóĩ neq: “Anhia tở bữn túh dáng tễ ọc nâi. Mách ranáq ki ống Yiang Sursĩ toâp dáng, yuaq án toâp anoat. <sup>8</sup> Ma tở Raviei Yiang Sursĩ mut ốt tâng mút pahõm anhia, án yỗn anhia riap pởq atông tễ cứq yỗn nheq tữh cũai dáng. Nỡ-ra anhia bữn atông tễ cứq tâng vil Yaru-salem, cruang Yudê, cruang Sa-mari, cóp dũ cruang pũn paloõng cutrúq nâi.”

<sup>9</sup> Moâm Yê-su pai ngkít án chõn chu paloõng, cóp ramúh catáng chíq tở án. Alóĩ ốt tâng pũn tở bữn hữm noâng án. <sup>10</sup> Tở Yê-su chõn chu

paloõng, alóí õt tapoang níc. Bo ki toáp bữn bar náq samiang õt cheq tốp alóí. Bar náq ki sớp au cloc, <sup>11</sup> cớp alóí pai neq: “Máh cũai tễ cruang Cali-lê ơ! Nớq anhía õt tayúng níc ntốq nài, cớp nhêng níc chu paloõng? Yê-su ca anhía hữm chõn chu paloõng, nõ-ra án sễng loah pớq cớc cutễq nài machớng anhía hữm án chõn sanua tê.”

<sup>12</sup> Tữ tốp puai Yê-su sâng santoiq ki, alóí sễng tễ dũal O-li-vê, chu loah pờ vil Yaru-salem. Dũal nài yớng tễ vil Yaru-salem mán muoi ki-lô-mết.

<sup>13</sup> Alóí chu loah pờ đống alóí rôm tễ nling, cớp alóí chõn tâng tran bar, mut õt tâng muoi clống. Máh cũai rôm ngki bữn neq: Phi-er, Yang, Yacõ, Anrê, Phi-lip, Thô-mat, Batê-lami, Mathia, Yacõ con samiang Al-phê, Si-môn Sê-lôt, cớp Yuda con samiang Yacõ. <sup>14</sup> Nheq tữh alóí đốq rôm pruum câu muoi mứt muoi pahõm tâng ntốq ki. Bữn máh cũai mansẽm, đếh Mari, mpiq Yê-su, cớp máh a-ẽm samiang Yê-su hỡ rôm ngki.

<sup>15</sup> Bữn muoi tangái ntun ễn Phi-er yuor tayúng đốq atống tốp sa-âm Yê-su õt rôm ngki. Tốp alóí sám muoi culám bar chít náq. Phi-er pai neq:

<sup>16</sup> “Nheq tữh sễm ai sễm ơ ơ! Máh santoiq tâm saráq Yiang Sursĩ khoiq atống tễ mbốq, lứq hái hữm cõt rapĩeiq tễ ranáq Yuda I-cari-ôt khoiq táq. Yuda táq samoât Raviei Yiang Sursĩ yõn Davĩt atống tễ mbốq; án đứng cũai pớq cớp Yê-su. <sup>17</sup> Án la lứq tễ tốp hái, táq ranáq machớng hái tê. <sup>18</sup> Ma Yuda ít práq noau chang; chớ án ayông rana yõn noau cớp Yê-su. Moâm ki án pớq

chõng muoi tâm cutẽq, chơ ntun ki Yuda yác. Púng án puoih cớp padõh, chơ ruaiq án sarliei yáng tiah. <sup>19</sup> Tữ máh cũai õt tâng vil Yaru-salem sâng tẽ ranáq ki, alóí amứh ntốq ki la Hakeldama. Santoiq ki parlong loah la 'Ntốq cutẽq bữn aham cũai cuchĩt'. <sup>20</sup> Nheq ramứh nâi puo Davĩt khoiq atõng chơ tâng tâm saráq Parnai Ủat Khẽn neq:

'Sẽq anhia táq yõn đõng án cõt đõng rangual sâng,  
 cớp tở bữn noau õt noâng tâng đõng ki.' ✧  
 Cớp Davĩt atõng muoi santoiq ẽn tâng ntốq ki:  
 'Yõn cũai canõh pláih loah ranáq án táq.' " ✧

<sup>21-22</sup> Phi-er atõng sĩa neq: "Tõp hếq cóq bữn loah manoaq ẽn đõq táq ranáq cóp hếq. Cóq hái ruroh manoaq ca õt cóp hếq tẽ tangái Yang táq batẽm yõn Yê-su, yõn toau toâq tangái Yê-su chõn chu paloõng. Cũai nâi, cóq án khoiq hữm Yê-su cuchĩt cóp tamõng loah, đõq têq án atõng parnoi cóp hếq yõn cũai canõh dáng."

<sup>23</sup> Ngkíq alóí aloõh ramứh bar náq, ma ruroh ĩt õng manoaq sâng. Bar náq ki ramứh Mathiat cóp Yô-sep. Yô-sep nâi, noau đõq án Ba-saba tở la Yutu hữ. <sup>24-25</sup> Chơ tởp alóí câu neq: "Ncháu hếq ơi! Anhia dáng dữ ốc tâng mứt pahõm cũai. Ngkíq Ncháu ơi, sẽq anhia apáh yõn hếq dáng aléq tẽ bar náq nâi ca anhia ruroh yõn án táq ranáq anhia tang loah Yuda. Yuda khoiq táh

✧ **1:20** 1:20 Ủat Khẽn 69:25 ✧ **1:20** 1:20 Ủat Khẽn 109:8

ranáq nâi, cóp án pǝq õt tâng ntǝq cũai sâuq ẽn.”

<sup>26</sup> Moâm alóí câu, chơ alóí séng yoc ẽ ruroh manoaq tẽ bar náq ki. Chơ, p̄ieiḡ Mathiat. Ngkíḡ Mathiat mut táq ranáq parnoi cóp tǝp muoi chít la muoi noaq. Chơ noau đǝq tǝp alóí muoi chít la bar náq la ayũng atĩ Yê-su Crít.

## 2

### *Raviei Yiang Sursĩ Toâq*

<sup>1</sup> Toâq tangái tǝp I-sarel cha bũi Tangái Susot,\* tǝp puai Yê-su pǝq rôm muoi ntǝq. <sup>2</sup> Bo alóí rôm, alóí santar sâng bũn srong tẽ paloõng samoât srong cuyal hâp lúq. Srong nâi ralông chũop clǝng đǝng alóí õt. <sup>3</sup> Alóí hũm ariang lieih cõt pla ùih, chơ án caryoah cóp tót tâng tǝp dĩ náq cũai. <sup>4</sup> Ki la tẽc Raviei Yiang Sursĩ mut cõt sõt tâng mút alóí. Cóp alóí mbõiq tẽq táq ntǝng sa-ũi parnai cũai canõh ẽn, cõ Raviei Yiang Sursĩ yõn alóí pai.

<sup>5</sup> Tangái ki, õt tâng vil Yaru-salem bũn cũai I-sarel tẽ dĩ cruang pũn paloõng cutrúq toâq rôm pǝ ki. Alóí ki puai phẽp rit Yiang Sursĩ samoât samoi lúq. <sup>6</sup> Tũ alóí sâng srong ki, máh cũai toâq rôm clũng lúq pǝ đǝng tǝp puai Yê-su õt. Dĩ náq cũai ki sâng noau táq ntǝng toâq parnai alóí bũm; chơ alóí sâng đót lúq. <sup>7</sup> Alóí sâng salẽh lúq, cóp pai neq: “Nheq tũh cũai ca atǝng nâi la cũai Cali-lê. <sup>8</sup> Ma nǝq hái sâng alóí táq ntǝng

\* **2:1** 2:1 Tangái Susot la sǝng chít tangái ntun Tangái Loõh.

parnai hái bữm ma raloaih lứq? <sup>9</sup> Hái la cũai tễ sa-ữi cruang, dếh cũai tễ cruang Bathê, Mê-dia, E-lam, Mê-sapô-tamia, Yudê, Cap-badôc, Pôn-tu, Asia, <sup>10</sup> Phu-rayia, Bam-phuli, Ê-yip-tô, cớp Li-bia cheq Si-rên. Cớp bữn cũai tamoi tễ cruang Rô-ma hỡ. <sup>11</sup> Muoi pún tễ tốp hái lứq cũai I-sarel. Muoi pún ễn la cũai tễ tốp canõh ca pruum tũoiq phễp rit I-sarel. Muoi pún hái la cũai Crêr, muoi pún la cũai Arap. Hái la cũai tễ miar cruang, ma hái têq sâng alới atõng toâq parnai hái bữm; alới atõng tễ máh ranáq toâr lứq Yiang Sursĩ khoiq táq.”

<sup>12</sup> Ngkiq nheq tữh alới santar cớp sâng dót lứq. Chơ manoaq blớh manoaq: “Ntróu toâp ranáq nãi?”

<sup>13</sup> Ma bữn máh cũai ayê ra-ac pai neq: “Alới ki bữl blống.”

### *Phi-er Atõng Cũai Clúng*

<sup>14</sup> Chơ Phi-er cớp muoi chít la muoi noaq tốp án, alới yuor tayúng. Phi-er atõng cũai clúng ki casang lứq neq: “Cũai I-sarel cớp nheq tữh anhia ca õt tâng vil Yaru-salem ơ! Sếq anhia tamúng yõn samoât tễ parnai cứq atõng anhia. <sup>15</sup> Anhia chanchóm hếq bữl blống. Ma hếq tỡ bữn bữl blống. Mbõiq mandang cháh kễ, loan léq hếq ễ bữl? <sup>16</sup> Máh ốc anhia sâng sanua, ốc ki la lứq cũai tang bõq Yiang Sursĩ, ramứh Yô-el, khoiq atõng tễ mbõq. Án pai neq:

<sup>17</sup> ‘Yiang Sursĩ patâp cũai neq:

Tâng máh tangái cheq ễ toâq tangái parsôt,

- cúq satóh Raviei cúq yõn neq tũh cũai.  
 Chơ máh con mansẽm samiang anhia,  
 têq atõng tang parnai cúq.  
 Máh cũai samiang póng tẽ tốp anhia,  
 cúq atõng na sapáh baih.  
 Cóp máh cũai samiang thâu tẽ tốp anhia,  
 cúq atõng na parnáu láu mpáu.
- 18 Tâng tangái ki cúq satóh Raviei cúq tâng máh cũai táq ranáq cúq,  
 dẽh samiang mansẽm,  
 yõn alói têq atõng tang parnai cúq.
- 19 Cúq lúq táq tếc salẽh tâng paloõng cóp tâng cutêq la neq:  
 aham, ùih blũ, cóp phĩac suol achõn.
- 20 Moat mandang cõt canám,  
 cóp rliang casái cõt cusâu samoât aham.  
 Toâq anhia hũm tếc nâi,  
 ngkíq khoiq cheq chơ Ncháu anhia ẽ toâq.
- 21 Ma dũ náq cũai ca arô sếq nhơ ramứh Yiang Sursĩ,  
 án lúq chuai amoong cũai ki.' "✧
- 22 Chơ Phi-er atõng ẽn neq: "Cũai I-sarel ơi!  
 Sếq anhia tamứng parnai cúq. Yê-su, la cũai tẽ vil Na-sarết, lúq Yiang Sursĩ yõn án táq sa-ữi ranáq salẽh cóp tếc canõh hữ yõn anhia dáng samoât lúq án toâq tẽ Yiang Sursĩ. Lúq anhia khoiq sâng chơ án táq ranáq salẽh cóp tếc nâi.
- 23 Ma Yiang Sursĩ khoiq thữan ranáq nâi tẽ nhũang, yõn anhia têq táq Yê-su. Yiang Sursĩ

khoiq dáng tễ nhũang, anhia lúq chiau Yê-su toâq pở cũai sâuq yỗn alóí cachĩt chíq án. <sup>24</sup> Ma Yiang Sursĩ yỗn Yê-su tamoong loah. Bo ki la samoât riang ốc cuchĩt chốq Yê-su khâm lúq, ma Yiang Sursĩ leh loah tễ ốc cuchĩt ki. Án tở yỗn ốc cuchĩt cõt sốt noâng Con án. <sup>25</sup> Puo Davĩt khoiq atỡng tễ mbốq chơ máh ramứh anâi. Án pai neq: 'Cứq dáng samoât lúq la Yiang Sursĩ ốt níc cốp cứq.

Yuaq án ốt cốp cứq,

ngkíq tở bữn ốc ntróu ma táq yỗn cứq cõt tở bữn sabống.

<sup>26</sup> Ngkíq cứq sâng bũi óh lúq, cốp toâq cứq táq ntỡng la bữn moang ốc bũi. Tở bữn ntróu tở cứq cuchĩt.

Ma cứq dáng samoât samoi nỡ-ra cứq tamooong loah,

<sup>27</sup> yuaq anhia tở bữn táh cứq pở ntốq cũai cuchĩt ốt.

Anhia tở bữn yỗn án ca bráh o lúq ma cõt abuoiq.

<sup>28</sup> Anhia khoiq sadoi yỗn cứq dáng rana pởq chu ntốq tamoong mantái.

Choâng moat anhia, mút pahỡm cứq cõt bũi óh lúq.' "✧

<sup>29</sup> Chơ Phi-er atỡng ễn neq: "Sễm ai ời! Cứq yoc atỡng yỗn anhia dáng raloaih lúq tễ Davĩt. Án la achúc achiac hái. Lúq samoât án khoiq cuchĩt chơ, cốp noau tứp án tâng ping. Tangái nâi hái lúq dáng ntốq ping án. <sup>30</sup> Ma Davĩt, án lúq cũai tang bởq Yiang Sursĩ tê. Davĩt dáng



samoât samoi, la Yiang Sursĩ pruum cóp án, nõ-ra bũn manoaq tẽ tổng án cõt puo pláih loah án. ✧ <sup>31</sup> Davĩt la thrap nhũang, cóp Crĩt la thrap ntun. Ma Davĩt dáng nhũang Crĩt cuchĩt tẽq tamoonq loah. Ngkĩq Davĩt dáng samoât lủq raviei Yê-su tở bũn õt dũn tâng ntốq cũai cuchĩt õt, cóp tở Yê-su cuchĩt tở bũn abuoiq ntróu thánq. ✧ <sup>32</sup> Tẽ ranáq Yê-su tamoonq loah nâi, lủq moat hẽq khoiq hũm. Yuaq ngkĩq tẽq hẽq atõng yõn anhia dáng samoât. <sup>33</sup> Yiang Sursĩ yõn Yê-su õt tacu coah atoam án. Ngkĩq Yiang Sursĩ táq tẽc án ayooq lủq Yê-su clũĩ tẽ canõh. Yiang Sursĩ yõn Raviei án pở Yê-su, ariang án khoiq ữq tẽ nhũang. Chơ Yê-su cõiq Raviei Yiang Sursĩ yõn õt tâng dõĩ nâi sanua. Ngkĩq ranáq anhia sâng cóp hũm sanua, ranáq nâi la lủq Raviei Yiang Sursĩ tồp táq. <sup>34-35</sup> Cóp máh santoiq Davĩt atõng, tở cõn án pai tẽ tở án bũm chõn chu paloõng. Ma Davĩt atõng neq:

‘Yiang Sursĩ atõng chỏq Ncháu cứq neq:

Mới tacu coah atoam cứq

toau tồp tangái léq cứq yõn alóĩ ca ẽ cachĩt mới, õt pũn talang ayũng mới, cõt sũl mới.’ ” ✧

<sup>36</sup> Chơ Phi-er atõng ẽn neq: “Máh cũai I-sarel ơ! Cứq atõng yõn anhia dáng samoât lủq tẽ ỏc nâi. Yiang Sursĩ yõn Yê-su cõt Ncháu nheq tũh cũai. Cóp Yiang Sursĩ yõn Yê-su cõt Crĩt, án ca Yiang Sursĩ rườh đỏq chuai amoonq cũai. Ma anhia khoiq cachĩt Yê-su chơ.”

✧ **2:30** 2:30 Ûat Khẽn 132:11 ✧ **2:31** 2:31 Ûat Khẽn 16:10

✧ **2:34-35** 2:34-35 Ûat Khẽn 110:1

37 Tũr tũp alói sâng parnai nâi, mút alói sâng lavoâiq loah. Chơ alói blóh Phi-er cốp tũp muoi chít la muoi noaq neq: “Sẽm ai ơi! Nổq hếq ẽ táq sanua?”

38 Phi-er ta-õi alói neq: “Cóq anhia ngin lôi h lêq cõt mút tamái ẽn. Cốp cóq anhia roap batẽm nhơ ramúh Yê-su Crít. Ngkíq Yiang Sursĩ táh lôi h anhia, cốp Raviei Yiang Sursĩ õt cốp anhia tê.

39 Lũq Yiang Sursĩ yoc ẽ yõn Raviei án pữ anhia, dẽh con acái anhia cốp cũai tẽ cruang canõh hữ. Yiang Sursĩ la Ncháu hái, án yõn nheq tũh cũai án rươh bữn Raviei án.”

40 Phi-er atõng sa-ũi lũq ẽn tẽ ranáq Yê-su. Cốp án sươq alói neq: “Cóq anhia táh nheq máh ranáq sâuq, yõn anhia têq viaq vót tẽ ốc túh coat ca toâq pữ tũng toiq cũai lôi h nâi.”

41 Bữn sám pái ngin náq cũai sa-âm parnai Phi-er atõng. Cốp pái ngin náq ki roap batẽm loâng, táq tẽc alói sa-âm Yê-su Crít. Ngkíq alói pruum muoi mút cốp tũp puai Yê-su. 42 Alói pữq rôm níc cốp tũp ayũng atĩ Yê-su Crít. Alói rôm câu parnoi, cốp pĩh bẽng cha sanhữ Yê-su cuchĩt tang alói.

### *Tũp Sa-âm Yê-su Pruum Muoi Mút*

43 Nheq tũh cũai sâng dót, cốp tũp ayũng atĩ Yê-su táq sa-ũi ranáq salẽh ariang Yiang Sursĩ yõn alói táq. 44 Nheq cũai sa-âm, alói cõt níc muoi mút. Máh crõng alói bữn, alói pruum chõng. 45 Alói chẽq máh mun alói; chơ parõm đõq práq alói muoi ntõq. Cũai aléq ốq, alói chuai

cūai ki. <sup>46</sup> Cu rangái alóí pǝq rǝm pǝ Dǝng Sang Toár. Cǝp alóí cha bǝi parnǝi hǝ, muoi tangái dǝng án nái, muoi tangái ẽn dǝng án ki. Alóí ǝt bǝi óh lǝq, yuaq alóí bǝn muoi mút muoi luam. <sup>47</sup> Mantái lǝq alóí khẽn Yiang Sursĩ. Nheq tǝh cūai tǝng vil Yaru-salem khẽn tǝp sa-âm Yê-su. Cǝp cu rangái Yiang Sursĩ yǝn cūai canǝh sa-âm Yê-su, chǝ mut tǝng tǝp sa-âm Yê-su tẽ.

### 3

#### *Cūai Yǝt Cǝt Bán*

<sup>1</sup> Cu rangái toáq mandang priang tǝp puai Yê-su pǝq rǝm câu tǝng Dǝng Sang Toár tǝp I-sarel. Bǝn muoi tangái, Phi-er cǝp Yang pǝq câu pǝ ki tẽ. <sup>2</sup> Alóí khoiq cheq ẽ toáq ngoah toong noau dǝq Toong Nêuq. ǝt cheq toong ki alóí hǝm cūai yǝt tacu. Án yǝt tẽ mpiq án canǝt. Cu rangái noau dǝng dǝq án pǝ ntǝq ki, yǝn án sǝq práq tẽ cūai mut ngoah toong ki. <sup>3</sup> Tǝ cūai yǝt ki hǝm Phi-er cǝp Yang ẽ mut dǝng sang, án sǝq práq tẽ alóí. <sup>4</sup> Chǝ Phi-er cǝp Yang cloán nhẽng chu án, cǝp Phi-er pai neq: “Mói nhẽng chu hẽq nái.”

<sup>5</sup> Ngkíq cūai yǝt ki nhẽng chu alóí. Án tẽng alóí ẽ yǝn án práq. <sup>6</sup> Ma Phi-er pai neq: “Práq yẽng cúq tǝ bǝn bǝn tẽ. Ma ramúh ntrǝu cúq bǝn, cúq yoc ẽ chuai aki. Nhǝ ramúh Yê-su Crít tẽ vil Na-sarêt, cúq ón mói yuor tayúng, chǝ pǝq!”

<sup>7</sup> Phi-er tẽc atĩ atoam cūai yǝt ki, ayuor án tayúng. Bo ki toáp ayũng án cǝt bán. <sup>8</sup> Yóiq

toáp án yuor. Án pǒq na ayǔng mut tâng đống sang manoi nǔng Phi-er cóp Yang. Ntơn án pǒq ntơn án ỡn tamprũol khẽn Yiang Sursĩ. <sup>9</sup> Nheq tũh cũai tâng đống sang ki hữm án pǒq ayǔng cóp khẽn Yiang Sursĩ. <sup>10</sup> Alói saccoal án la cũai đốq crốq sêq práq cheq ngoah Toong Nêuq. Alói sâng dót lứq hữm ayǔng án cõt o loah.

### *Phi-er Atǒng Tâng Đống Sang Toâr*

<sup>11</sup> Tâng đống sang ki bữn muoi lám ntrỡn noau đốq Ntrỡn Sa-lamôn. Phi-er cóp Yang ỡt tâng ntrỡn ki; cóp bữn án ca ayǔng cõt bán la ỡt cóp alói tê. Clứng lứq cũai lúh parlǒng toáp pữ ntốq alói ỡt, cóp alói sâng dót lứq. <sup>12</sup> Toáp Phi-er hữm cũai clứng toáp, án atǒng alói neq: “Tổp I-sarel ơi! Nốq anhia sâng dót tể ranáq nâi? Nốq anhia nhêng cloân níc chu hếq? Anhia chanchóm hếq tềq táq bữm ranáq nâi tở? Cóp anhia chanchóm hếq o hữn tể cũai canốh yáng moat Yiang Sursĩ tở? Tở cỡn! Cũai nâi cõt bán la nhơ tể Yê-su Crít toáp. <sup>13</sup> Yiang Sursĩ, án ca achúc achiac hái A-praham, I-sac, cóp Yacóp sang, ✧ lứq Yiang Sursĩ yỗn Yê-su, la cũai ca táq ranáq án cõt sốt toâr lứq. Ma anhia chiau Yê-su pữ atĩ Phi-lat la cũai sốt tâng cruang nâi. Toáp Phi-lat yoc ẽ acláh Yê-su, anhia tở yỗn án acláh. <sup>14</sup> Anhia calõih táh Yê-su, la cũai tanoang tapứng cóp bráh o lứq. Ma anhia sểq Phi-lat acláh cũai pla ca khoiq cachĩt cũai. <sup>15</sup> Anhia cachĩt Yê-su, án ca tềq yỗn hái tamoong. Ma Yiang Sursĩ yỗn án tamoong loah.

---

✧ 3:13 3:13 Loõh Tể Ê-yip-tô 3:15

Héq dáng ranáq nâi lúq p̄ieiq, yuaq héq khoiq hũm chơ máh ranáq nâi. <sup>16</sup> Lúq anhia sacoal cũai yốt nâi. Cỗ héq sa-âm Yê-su, cốp cỗ nhơ ramứh án, cũai nâi cốt bán. Lúq Yê-su toáp táq ranáq nâi yỗn moat anhia hũm.

<sup>17</sup> “Sẽm ai ơi! Cúq dáng anhia cốp sốt anhia cachĩt chíq Yê-su cỗ anhia sacũl. <sup>18</sup> Ma ốc nâi Yiang Sursĩ khoiq atõng chơ tễ mbỗq na cũai tang bỗq án. Alới pai Crĩt, án ca Yiang Sursĩ rườh đốq chuai amoong cũai, cóq chũuq sa-ũĩ ramứh túh coat. Parnai nâi lúq cốt santruoq cốp Yê-su. <sup>19</sup> Ngkĩq, cóq anhia ngin lôih lêq cốt mút tamái ẽn, cốp pĩh loah puai ngê Yiang Sursĩ, đốq án ariau yỗn bráh máh lôih anhia. Khân anhia táq ngkĩq, Yiang Sursĩ lúq chuai mút pahõm anhia yỗn cốt práih loah. <sup>20</sup> Cốp nữ-ra Yiang Sursĩ ớn Yê-su Crĩt sễng loah pỡ cutẽq nâi machõng án khoiq atõng tễ nhũang chơ. <sup>21</sup> Ma sanua Yê-su cóq ốt tâng paloõng toau toáq tangái Yiang Sursĩ atức cốc cutẽq nâi yỗn o loah samoat án mbỗiq tễng tễ dâu lúq ki. Yiang Sursĩ khoiq atõng ngkĩq tễ mbỗq na máh cũai tang bỗq án ca bráh o. <sup>22</sup> Mõi-se, la manoaq tễ cũai tang bỗq ki, pai neq:

‘Nữ-ra Yiang Sursĩ ớn manoaq tễ tốp hái  
 cốt cũai tang bỗq án machõng cúq tê.  
 Cóq anhia tamứng cốp trĩh máh ốc án atõng.

<sup>23</sup> Cũai aléq ma tỡ bữn trĩh parnai cũai tang bỗq  
 Yiang Sursĩ,  
 cũai ki tỡ têq cốt noâng cũai proai Yiang

Sursĩ. '☆

24 “Samu-êl cốp máh cũai tang bỗq ca toáq ntun Samu-êl, nehq tữh alóí khiq atỡng tễ ranáq hái hữm tâng dôi sanua. 25 Máh cũai tang bỗq Yiang Sursĩ ki la achúc achiac hái tê. Cốp hái chống tê máh ramứh Yiang Sursĩ par-ữq cốp achúc achiac hái A-praham. Yiang Sursĩ par-ữq neq:

‘Nữ-ra cồ nhơ tễ tống toiq mới,

dữ tốp cũai pưn paloỡng cutrúq nâi bữn roap ốc bốn.’☆

26 Ngkíq Yiang Sursĩ yỗn Yê-su, la cũai táq ranáq án, toáq pữ anhia voai. Án yỗn anhia bữn ốc bốn nhũang lứq, cốp yỗn anhia têq viaq vớt tễ ngê sâuq anhia đốq táq.”

## 4

### *Phi-er Cốp Yang Ồt Yáng Moat Cũai Sốt*

1 Bo Phi-er cốp Yang noâng atỡng, máh cũai sốt tốp tểng rit sang, cũai sốt tahan kĩaq Dống Sang Toâr, cốp máh cũai Sa-dusê toáq toáp pữ ntốq ki. 2 Máh cũai ki ũan lứq chốq Phi-er cốp Yang, yuaq alóí bar náq atỡng tễ Yê-su khiq tamoonq loah. Cốp alóí pai cồ nhơ tễ Yê-su tamoonq loah, ngkíq cũai canỗh têq tamoonq loah machống Yê-su tê. 3 Ngkíq máh cũai sốt cốp toáp alóí bar náq, cốp khang tâng cuaq tũ. Tangái ki khiq cheq sadâu chơ. Ngkíq alóí yoc ễ blóh bar náq ki tâng tangái parnữ ễn. 4 Ma clứng

☆ 3:23 3:23 Patáp Loah 18:15, 18, 19 ☆ 3:25 3:25 Saráq Tễ Dâu 22:18

lúq cũai sa-âm parnai alói bar náq ki atõng. Mách cũai samiang ca sa-âm bo ki, bữn sám sỡng ngin náq.

<sup>5-6</sup> Toâq tangái parnõ ẽn, máh cũai sớt tộp I-sarel, máh cũai sớt nheq sâu, cốp máh cũai yống rit, nheq tữh alói rôm tâng vil Yaru-salem. Alói pỡq ramóh An-na, án ca sớt nheq tễ rit sang Yiang Sursĩ. Cốp bữn máh cũai tễ đống An-na ỡt ngki tê, đếh Cai-pha, Yang, cốp Alec-sandơ. <sup>7</sup> Tộp alói ớn noau đững Phi-er cốp Yang toâq pỡ alói; chơ alói blóh bar náq ki neq: “Noau yỗn anhia bữn chớq táq bán cũai yỗt ki? Ntróu ramứh án?”

<sup>8</sup> Bo ki Raviei Yiang Sursĩ cớt sớt tâng mút pahỡm Phi-er, chơ án pai neq: “Cũn anhi ơi! Cúq sếq atõng anhia. <sup>9</sup> Khân anhia yoc ẽ dáng cỗ nốq hếq têq chuai cũai yỗt nâi yỗn cớt bán, <sup>10</sup> cốp anhia cốp nheq tữh cũai I-sarel dáng raloaih tễ ranáq nâi. Ranáq nâi ống Yê-su Crít toâp têq táq. Yê-su la cũai tễ vil Na-sarết, án ca anhia khoi q cachit na téh án tâng aluang sangcáng. Ma Yiang Sursĩ yỗn án tamoong loah. <sup>11</sup> Án la samoât cốc tamáu cũai táq đống khoi q táh. Ma tamáu nâi o hỡn tễ nheq tamáu canõh; chơ noau ỉt cốp chip bán soq đống. ✧ <sup>12</sup> Pụn paloõng nâi tỡ bữn noau nõng têq chuai amoong hái. Yiang Sursĩ yỗn ống Yê-su toâp táq ranáq chuai amoong hái.”

<sup>13</sup> Mách cũai sớt ki sâng đót lứq Phi-er cốp Yang atõng clốq lứq, yuaq alói dáng bar náq ki la cũai proai miat sâng cốp tỡ bữn rien sa-ữi. Ma alói dáng bar náq ki coi ỡt cốp Yê-su. <sup>14</sup> Ma

✧ 4:11 4:11 ũat Khển 118:22

cūai sôt ki tở dáng tể ntróu tể ranáq Phi-er cốp Yang táq, yuaq alóí hữm cūai yốt khoiq cốt bán chơ cốp tayúng parnơi cheq Phi-er cốp Yang. <sup>15</sup> Ngkíq alóí ón Phi-er cốp Yang loõh chíq tể ntốq alóí rôm, yuaq alóí yoc ẽ sarhống tuoiq ống alóí sâng. <sup>16</sup> Alóí pai neq: “Nốq hái ẽ táq chóc bar náq nâi? Nheq tữh cūai tâng vil Yaru-salem khoiq hữm chơ tể alóí táq ranáq salẽh lứq yõn cūai yốt nâi. Hái tở têq suon pai alóí tở bữn táq ranáq ki. <sup>17</sup> Ma hái chõ yõn ranáq nâi trởh la-ũt la-ũi yõn cūai canõh dáng. Ngkíq cóq hái sươq alóí chõ atõng noâng tể ramứh Yê-su.”

<sup>18</sup> Moâm ki alóí arô loah Phi-er cốp Yang mut loah pở ntốq alóí sarhống. Alóí sươq bar náq ki tở yõn pởq atõng noâng tể ramứh Yê-su.

<sup>19</sup> Ma Phi-er cốp Yang ta-õi máh cūai sôt ki neq: “Nốq anhia chanchóm, ranáq aléq Yiang Sursĩ hữm o hõn? O hếq trĩh anhia, ma o hếq trĩh Yiang Sursĩ? <sup>20</sup> Khãn hếq tở bữn pởq atõng, ki tở têq. Máh ranáq hếq hữm Yê-su táq cốp máh parnai hếq sâng án atõng, hếq cóq atõng yõn cūai canõh dáng.”

<sup>21</sup> Ma máh cūai sôt ki prut Phi-er cốp Yang tở yõn atõng noâng parnai nâi. Moâm alóí sươq ngkíq, chơ alóí acláh. Alóí tở têq táq ntróu chóc bar náq ki, yuaq alóí ngcõh cūai proai táq loah alóí. Nheq máh cūai proai khẽn Yiang Sursĩ cõ án chuai cūai yốt nâi. <sup>22</sup> Cūai yốt nâi khoiq clữi põn chíq cumo chơ, noap tể mpiq án canõt.

*Tổp Yê-su Câu Yõn Cốt Clỏq Lứq Ẽn*



23 Tũr máh cũai sớt acláh Phi-er cốp Yang, alói chu loah pở tốp alói, cốp atỡng loah máh parnai cũai sớt tốp tểng rit sang Yiang Sursĩ cốp cũai sớt nheq sâu khoiq pai chóq alói. 24 Ngkíq nheq tũh tốp alói mpruam câu muoi mút neq: “Yiang Sursĩ Ncháu Nheq Tũh Cũai ơi! Lứq anhia toáp tểng paloõng, cốc cutểq nâi, dỡq mut, cốp túc ramứh õt tâng ki. 25 Tể mbốq anhia khoiq atỡng na achúc achiac hếq, Davĩt, tể máh ốc Raviei Yiang Sursĩ yõn án atỡng. Davĩt pai neq: ‘Cỗ nốq máh cruang cũai tâng cốc cutểq nâi ma ùan lứq chóq Yiang Sursĩ?’

Cỗ nốq alói sarhống ngê tở bữn cõt kia ntrớu?

26 Máh puo tâng cốc cutểq nâi cốp máh cũai sớt canõh sarhống parnoi cốp pruam ẽ chíl Yiang Sursĩ cốp Puo ca Yiang Sursĩ khoiq rườh.’✧

27 Davĩt khoiq atỡng máh ốc pñeiq lứq tể mbốq; sanua hếq hữm ốc ki khoiq toâq chơ. Hê-rôt cốp Phi-lat, alói khoiq rôm tâng vil Yaru-salem parnoi cốp máh cũai I-sarel cốp máh cũai tể cruang canõh hỡ, yoc ẽ táq Yê-su. Yê-su la cũai táq ranáq anhia ca bráh o lứq. Nừm manoaq án toáp anhia rườh dỡq chuai amoong cũai. 28 Máh cũai sớt ki lứq rôm parnoi cốp táq máh ốc anhia khoiq anoat tể mbốq. 29 Sanua, Ncháu hếq ơi, anhia sâng santoiq máh cũai sớt ki yoc ẽ táq hếq. Sếq anhia chuai yõn mút hếq cõt clốq lứq ẽn dỡq atỡng níc tể parnai anhia. 30 Hếq sếq anhia

✧ 4:26 4:26 Ûat Khẻn 2:1-2

tahâu satoaq cũai a-ĩ yõn cõt bán. Cóp hếq sếq anhia apáh ranáq salễh cốp tếc tể chóc anhia nhơ ramứh Yê-su, án ca táq ranáq anhia, bráh o lứq.”

<sup>31</sup> Moâm alói câu, đồng alói rôm cõt cacut. Cóp Raviei Yiang Sursĩ cõt sốt tâng mút pahõm alói. Chơ alói atõng parnai Yiang Sursĩ clốq lứq ễn.

### *Tõp Puai Yê-su Pruum Chõng Mun Alói*

<sup>32</sup> Nheq tữh tốp sa-âm Yê-su cõt muoi mút muoi luam. Aléq bữn máh mun, án tở bữn ndõm manoaq án, ma nheq tữh alói pruum ndõm chõng mun ki. <sup>33</sup> Santoiq tốp ayững atĩ Yê-su atõng tể Ncháu alói tamoong loah cõt blễng lứq. Cóp Yiang Sursĩ satõh ọc bốn yõn tốp alói ca puai Yê-su. <sup>34-35</sup> Tâng tốp alói tở bữn noau ốq ntrứu. Aléq bữn ntốq cutểq tở la đồng, cốp alói bũi pahõm yoc ễ chuai yóu, alói chếc máh mun alói. Cóp alói pruum parõm práq ki, chơ dững pở tốp muoi chít la bar náq ayững atĩ Yê-su. Chơ tốp ki tampểq yõn cũai ca ốq.

<sup>36-37</sup> Bữn manoaq samiang ramứh Yô-sep tể sâu Lê-vi toáq tể cõn Sip-rơ. Án bữn muoi liang sarái, chơ án chếc sarái ki cốp dững asuoi práq kia pở tốp muoi chít la bar náq. Tốp muoi chít la bar náq đốq án ramứh tamái Ba-naba. Santoiq Ba-naba parlong loah la ‘aliam cũai bữn ọc ngua’.

## 5

*A-nania Cóp Sapi-ra*

<sup>1</sup> Ma bữn manoaq samiang ramứh A-nania. Án cóp lacuoi án, ramứh Sapi-ra, alóí chềq tê muoi tâm cutềq yoc ẽ chuai yóu. <sup>2</sup> Muoi pún tễ práq kia ki, A-nania dững asuoi pở tốp ayững atĩ Yê-su. Ma muoi pún ẽn, án cutooq ỉt dỏq. Lacuoi án la dáng tê cayac án táq ngkíq. <sup>3</sup> Chơ Phi-er pai chóq A-nania neq: “A-nania ơi! Nỏq mới puai rangứh yiang Satan? Mới cakéq chóq Raviei Yiang Sursĩ tễ práq kia anhia chềq cutềq, cóp anhia ỉt dỏq muoi pún tễ práq ki, ma mới yỗn ống muoi pún sâng. <sup>4</sup> Bo anhia tở yũah chềq, cutềq ki lứq cutềq anhia. Práq kia chềq cutềq ki la lứq práq anhia. Ma nỏq anhia pai khioq chiau nheq práq kia cutềq ki, ma anhia ỉt dỏq loah muoi pún? Anhia tở bữn cakéq chóq cũai, ma lứq anhia cakéq chóq Yiang Sursĩ.”

<sup>5</sup> Moâm Phi-er atởng ngkíq, bo ki toập A-nania dóm, chơ cuchĩt loâng. Ngkíq nheq tữh cũai sâng croỏq lứq. <sup>6</sup> Chơ máh samiang póng mut som cumuiq ki. Moâm alóí som, alóí dững túp toập.

<sup>7</sup> Vót ki sám chĩn pái adéh dỏi, chơ lacuoi A-nania ẽn mut tâng ntốq ki. Án tở yũah dáng pai cayac án khioq cuchĩt. <sup>8</sup> Phi-er blóh án ẽn neq: “Anhia dững nheq chơ máh práq kia anhia chềq cutềq ki tở?”

Mansẽm ki ta-đi neq: “Ớq. Práq hếq chềq cutềq ki khioq nheq cayac cứq dững chơ.”

<sup>9</sup> Phi-er pai neq: “Nốq anhia bar náq pruam muoi mút yoc ẽ chim Raviei Yiang Sursĩ? Cayac mới khoiq noau dững túp chơ. Sanua alóí ca túp cayac mới, khoiq chu toâq ngoah toong chơ. Sanua alóí ẽ dững túp mới ẽn.”

<sup>10</sup> Tữ án sâng Phi-er pai ngkiq án dóm, chơ cuchĩt tê. Máh cũai samiang póng mut cốp hũm án khoiq cuchĩt; chơ alóí dững túp án cheq ping cayac án. <sup>11</sup> Ngkiq tữ nheq tữh tốp sa-âm Yê-su cốp cũai canõh sâng tẽ ranáq nãi, alóí sâng ngcõh lứq.

### *Sa-ũĩ Ranáq Salẽh*

<sup>12</sup> Tốp ayũng aĩ Yê-su táq sa-ũĩ ranáq salẽh yáng moat máh cũai tâng vil ki. Cốp máh cũai puai Yê-su đốq rôm tâng Ntrõn Sa-lamôn tâng Dống Sang Toâr. Ngkiq alóí cõt muoi mút muoi luam. <sup>13</sup> Máh cũai tữ yũah sa-âm, alóí khẽn tốp puai Yê-su, ma alóí tữ khốn mut cốp tốp puai Yê-su. <sup>14</sup> Ma bữn cũai sa-âm Yê-su chũng la-ũt la-ũĩ, dếh samiang, dếh mansẽm. <sup>15</sup> Đốq noau dững đốq máh cũai a-ĩ tâng rana yõn bẻq tâng chĩaou cốp tâng cantrang. Alóí õt acoan Phi-er toâq, ẽq mul Phi-er cadóp yõn máh cũai a-ĩ cõt bán. <sup>16</sup> Chũng cũai tẽ vil canõh ca õt cheq vil Yaru-salem, alóí dững asuoi pữ ki máh cũai a-ĩ cốp cũai bữn yiang sâuq payõh. Chơ máh cũai ki cõt bán nheq.

### *Cũai Sốt Táq Tốp Puai Yê-su*

<sup>17</sup> Ma án ca sốt nheq tẽ rit sang Yiang Sursĩ cốp yóu án tẽ tốp Sa-dusê, alóí ũan chóq tốp

muoi chít la bar náq ayũng atĩ Yê-su. <sup>18</sup> Chơ alóí cõp tộp ki cớp chỏq tâng cuaq. <sup>19</sup> Ma toâq sadâu bữn manoaq ranẽng Yiang Sursĩ pớh chíq ngoah toong cuaq tũ, cớp án dũng aloõh tộp muoi chít la bar náq tẽ cuaq ki. <sup>20</sup> Ranẽng ki ớn alóí neq: “Anhia pớq atõng tâng Dõng Sang Toâr tộp I-sarel yõn máh cũai dáng nõq toâp Yiang Sursĩ khoiq yõn anhia ngê tamái nâi.”

<sup>21</sup> Ngkíq alóí trĩh ranẽng ki. Poang tarurp alóí mut atõng tâng Dõng Sang Toâr. Bo alóí atõng ngki, án ca sớt nheq tẽ rit sang Yiang Sursĩ cớp yóu án, alóí mut rôm parnơi cớp cũai sớt tộp I-sarel. Máh cũai sớt ki ớn tahan pớq coâiq tộp muoi chít la bar náq tẽ cuaq tũ, chơ dũng atoâq pở ntốq alóí ớt rôm.

<sup>22</sup> Ma từ tahan mut tâng cuaq tũ, alóí tở hữm noâng tộp muoi chít la bar náq. Chơ tahan ki chu atõng máh cũai sớt. <sup>23</sup> Alóí pai neq: “Từ hếq toâq pở cuaq tũ, hếq hữm cachũo tở bữn noau pớh yũah, cớp cũai kĩaq cuaq tũ noâng ớt ngki. Ma từ hếq pớh toong, hếq tở hữm noau noâng tâng cuaq tũ.”

<sup>24</sup> Từ án ca sớt tahan kĩaq dõng sang cớp alóí ca sớt tộp tẽng rit sang Yiang Sursĩ, sâng santoiq ki, alóí dớt lứq. Cớp alóí ớt chanchóm tở dáng ranáq ntrứu ên tộp muoi chít la bar náq ẽ táq.

<sup>25</sup> Moâm ki bữn cũai toâq atõng máh sớt ki neq: “Máh cũai anhia chỏq tâng cuaq tũ bữ hái, sanua alóí atõng máh cũai tâng Dõng Sang Toâr.”

<sup>26</sup> Ngkíq cũai sớt tahan ki dũng tahan án pớq coâiq tộp muoi chít la bar náq. Ma alóí táq

ngcuai lúq, yuaq alóí ngcõh máh cũai proai õt  
ngki tám tamáu chók alóí, khân alóí táq tachoát  
chók tốp ki.

<sup>27</sup> Tữ tahan ki dững tốp muoi chít la bar náq  
mut tayúng yáng moat cũai sốt, án ca sốt nheq tẽ  
rit sang Yiang Sursĩ atõng alóí neq: <sup>28</sup> “Hếq khoi  
sươq anhia samoát lúq, tỡ yõn anhia atõng  
noâng tẽ ngê Yê-su. Ma anhia tỡ trĩh hếq. Sanua  
parnai ki cõt parhan la-ũt la-ũi chũop vil Yaru-  
salem. Cóp anhia atõng cũai canõh, ẽq noau pai  
hếq cachĩt Yê-su.”

<sup>29</sup> Phi-er cốp yóu án ta-õi neq: “Khaq hếq  
trĩh parnai Yiang Sursĩ, saláng hếq trĩh parnai  
cũai. <sup>30</sup> Lúq p̄ieiq anhia khoi cachĩt Yê-su tâng  
aluang sangcáng. Ma Yiang Sursĩ achúc achiac  
háí sang tẽ mbốq, án khoi chuai Yê-su yõn  
tamoong loah. <sup>31</sup> Sanua Yiang Sursĩ yõn Yê-su  
õt coah atoam án cốp cõt sốt toâr lúq, đõq án  
têq chuai amoong cũai. Yiang Sursĩ yoc ẽ chuai  
tốp I-sarel, án ẽq alóí ngin lóih lêq cõt mút tamái  
ẽn; chơ án lúq táh lóih alóí. <sup>32</sup> Hếq la cũai khoi  
hữm cốp atõng loah tẽ máh ốc ki. Cóp Raviei  
Yiang Sursĩ la atõng ngkíq tê. Khân cũai aléq  
ma trĩh parnai án, Yiang Sursĩ yõn Raviei án õt  
loâng cốp cũai ki.”

<sup>33</sup> Tữ cũai sốt ki sâng ngkíq, alóí sâng ũan  
lúq ẽn. Alóí yoc ẽ cachĩt tốp muoi chít la bar  
náq. <sup>34</sup> Ma bữn manoaq tẽ tốp alóí yuor tayúng.  
Ramúh án la Ca-maliel, cốp án la tẽ tốp Pha-rasi.  
Án la cũai atõng tẽ phếp rit cũai I-sarel, cốp noau

yám noap lúq án. Án ớn tahan dững aloõh tốp muoi chít la bar náq tể ntốq ki. <sup>35</sup> Chơ án atỡng máh cũai sốt ki neq: “Sẽm ai ơi! Cóq anhia táq o dáih chốq tốp muoi chít la bar náq nâi. <sup>36</sup> Cóq anhia sanhữ tể manoaq ramứh Thêu-da. Án ẽq noau chanchóm án la cũai toâr. Bữn sám pồn culám náq dốq puai án. Ma vót noau cachít án, tốp puai án pláh cu ntốq, cóp ranáq alóí táq cõt pút neq. <sup>37</sup> Vót Thêu-da bữn manoaq ẽn ramứh Yuda tể cruang Cali-lê. Án yuor chõn cõt sốt, cóp bữn clứng cũai puai án. Ma noau cachít án tê, cóp máh tốp puai án lúh pláh neq. <sup>38</sup> Ngkíq cứq atỡng anhia sanua, anhia chõí táq ntróu cóp alóí muoi chít la bar náq nâi. Khân santoiq alóí pai, cóp ranáq alóí táq chống loõh tể mút alóí bữm, tở bữn dũn ranáq ki lúq pút neq. <sup>39</sup> Ma khân ranáq alóí táq, toâq tể Yiang Sursĩ, ki anhia tở têq pupút. Khân anhia yoc ẽ pupút ranáq ki, lúq samoât anhia chí Yiang Sursĩ toâp.”

<sup>40</sup> Ngkíq cũai sốt ki tamứng parnai án. Alóí arô loah tốp muoi chít la bar náq yõn toâq loah pữ alóí. Chơ alóí ớn noau toân tốp ki. Cóp alóí sươq tốp ki chõí atỡng noâng tể parnai Yê-su. Moâm alóí patâp, chơ alóí acláh. <sup>41</sup> Tốp muoi chít la bar náq loõh tể ntốq ki. Alóí sâng bũi lúq, yuaq Yiang Sursĩ yõn alóí riap chũuq máh ốc túh coat cõ tian alóí yám noap ramứh Yê-su. <sup>42</sup> Cu rangái tốp alóí mut tâng Dống Sang Toâr cóp tâng máh dống cũai hữ, chơ alóí atỡng níc parnai o tể Yê-su Crít.

## 6

### *Alóí Ruroh Tapul Náq Ndõm Ranáq Chuai Yóu*

<sup>1</sup> Máh tangái ki tốp puai Yê-su cõt clúng lúq ẽn. Cóp tâng tốp alóí bũn máh cũai I-sarel táq ntõng parnai Créc. Máh cũai ki voõq neq: “Cu rangái cán cumai hêq roap crõng tâc cha tở bũn li cốp cán cumai cũai I-sarel ca táq ntõng parnai Hê-bơ.”

<sup>2</sup> Ngkíq tốp muoi chít la bar náq parõm nheq máh tốp puai Yê-su, cốp pai neq: “Tở p̄ieiq hêq muoi chít la bar náq ma tở bũn atõng noàng parnai Yiang Sursĩ cõ miaq tampêq crõng tâc cha yõn anhia. <sup>3</sup> Ngkíq cóq anhia ruoh tẽ tốp anhia tapul náq ca rangoaiq cốp bũn Raviei Yiang Sursĩ táq sôt tâng mút alóí. Chơ hêq ẽ pachúh yõn tốp alóí tapul náq ki ẽn cõt sôt tẽ ranáq tampêq tampac sana yõn anhia. <sup>4</sup> Chơ hêq bũn câu níc, cốp bũn p̄õq atõng parnai Yiang Sursĩ hỡ.”

<sup>5</sup> Tở tốp puai Yê-su sâng santoiq ki, nheq tữh alóí sâng bũi lúq. Ngkíq alóí ruoh Satien; án la cũai sa-âm Yê-su samoat samõi, cốp án bũn Raviei Yiang Sursĩ sôt tâng mút pahõm án. Cốp alóí ruoh cũai canõh hỡ ramúh neq: Phi-lip, Prô-curo, Ni-cano, Tamôn, Barmê-na, cốp Ni-cula tẽ vil Anti-õt. Bo nhũang Ni-cula puai phêp rit I-sarel, ma ntun ki án sa-âm Yê-su ẽn. <sup>6</sup> Ngkíq tapul náq ki õt yáng moat tốp muoi chít la bar náq ayũng atĩ Yê-su Crĩt. Tốp ki câu cốp satoaq atĩ tâng alóí tapul náq, táq tếc alóí tabõq roap táq ranáq Yiang Sursĩ. <sup>7</sup> Yuaq ngkíq parnai Yiang Sursĩ cõt rúh sa-ũĩ ntõq, cốp bũn clúng lúq cũai



tâng vil Yaru-salem mut sa-âm Yê-su. Cóp bữn sa-ữi náq tễ tốp tềng rit sang Yiang Sursĩ la sa-âm Yê-su tề.

### *Noau Cốp Chíq Satien*

<sup>8</sup> Satien la cũai sa-âm Yê-su pacái lứq. Cóp Raviei Yiang Sursĩ yỗn án bữn chớc tềq táq ranáq salễh yáng moat máh cũai. <sup>9</sup> Ma bữn cũai tễ muoi đống sang tốp I-sarel rasuon cốp Satien. Sa-ữi náq tễ đống sang ki la cũai sũl noau khoiq acláh. Alói toâq tễ vil Si-rên, tễ vil Alec-santri, tễ cruang Si-lasi, cốp tễ cruang Asia. <sup>10</sup> Raviei Yiang Sursĩ yỗn Satien ta-ỡi cũai ki rangoaiq lứq. Ngkíq tốp alói tở dáng nỏq ễ pai noâng chỏq Satien. <sup>11</sup> Chơ tốp alói chang práq yỗn cũai canỏh apót Satien. Máh cũai ki pai neq: “Hếq khoiq sâng Satien acrieiq Mũi-se cốp Yiang Sursĩ.”

<sup>12</sup> Ngkíq tốp ki sasrúc máh cũai tâng vil ki, cũai sốt neq sâu cốp máh cũai yống rit, ễq alói táq Satien. Chơ neq tữh alói toâq cốp Satien cốp đưng án pỡ cũai sốt. <sup>13</sup> Alói đưng atoâq sĩa cũai ca apót Satien neq: “Cũai nâi đốq lứq táq ntông mumat Đống Sang Toâr, cốp án ayê phễp rit Yiang Sursĩ hỡ. <sup>14</sup> Hếq khoiq sâng án pai tễ manoaq cũai ramứh Yê-su tễ vil Na-sarết yoc ễ talốh Đống Sang Toâr cốp yoc ễ rapiên chíq máh phễp rit Mũi-se patập hái.”

<sup>15</sup> Vớt ki neq tữh cũai rôm ntốq ki, alói cloân níc chu Satien. Alói hữm mieiq án cốt samoât mieiq ranễng Yiang Sursĩ.

## 7

*Satien Nsũar Loah*

<sup>1</sup> Chơ án ca sôt nheq tẽ rit sang Yiang Sursĩ blóh Satien neq: “Máh ốc alóí pai ki, lứq ma tở bữn?”

<sup>2</sup> Satien ta-õi loah neq: “Nheq tữh sễm ai cũn anhi ơ! Sễq anhia tamứng santoiq cứq ruaih loah. Yiang Sursĩ hái bữn chóc ang-ữr clữi nheq tẽ yiang canỏh; án khoiạ toạ atởng achúc achiac hái A-praham tẽ mbỏq. Bo ki A-praham noạng ốt tâng cruang Mê-sapô-tamia; án tở yũah pỏq chu cruang Haran. <sup>3</sup> Yiang Sursĩ ớn A-praham neq: ‘Mới loỏh tẽ cruang mới, cớp táh nheq máh sễm ai mới. Chơ mới pỏq ốt pỏ cruang cứq sadoi yỏn mới ốt.’<sup>☆</sup>

<sup>4</sup> Ngkíq A-praham loỏh tẽ cruang Caldê, chơ án pỏq ốt pỏ cruang Haran ẻn. Ma tữ mpoaq án cuchĩt, Yiang Sursĩ đứng án pỏq ốt tâng cruang hái ốt sanua.

<sup>5</sup> Yiang Sursĩ tở yũah yỏn A-praham ndỏm cutẻq nài. Ma Yiang Sursĩ ửq cớp A-praham cớp tởng toiq án la nỏ-ra alóí bữn ndỏm nheq cruang nài toau toạ dỏi chẻ cho.<sup>☆</sup> Ma bo Yiang Sursĩ pai ngkíq chỏq A-praham, A-praham tở yũah bữn con.

<sup>6</sup> Cớp Yiang Sursĩ atởng A-praham ẻn neq: ‘Nỏ-ra tởng toiq mới cóq ốt tâng cruang ca alóí tở bữn ndỏm. Tâng cruang ki alóí cõt sủl nheq pỏn culám cumo, cớp cũai ndỏm alóí, táq alóí túh coat lứq.<sup>☆</sup> <sup>7</sup> Ma ntun ẻn, cứq culáh đởq chỏq cũai tâng cruang ca yỏn chẻ cho mới cõt sủl.

<sup>☆</sup> **7:3** 7:3 Saráq Tẻ Dâu 12:1    <sup>☆</sup> **7:5** 7:5 Saráq Tẻ Dâu 12:7; 13:15; 15:18; 17:8    <sup>☆</sup> **7:6** 7:6 Saráq Tẻ Dâu 15:13-14

Moâm ki chẽ cho mới bũn loõh tẽ cruang ki, chơ bũn sang toam cứq pỡ ntốq nãi.’ <sup>8</sup> Chơ Yiang Sursĩ khoiḡ par-ũḡ cớp A-praham, cớp án ớn A-praham táq rit cút yõn con samiang. Rit nãi la tếc án pruum cớp Yiang Sursĩ. Tũ A-praham bũn con samiang, án amứh con ki I-sac. Catâm tangái tacual noap tẽ canõt con ki, A-praham táq rit cút yõn I-sac, con án. Machớng ki tê I-sac táq tếc yõn Yacốp, con án. Cớp Yacốp táq tếc nãi yõn máh con samiang án. Yacốp bũn muoi chít la bar náq con samiang. Alói ki la achúc achiac hái tẽ mbốq.

<sup>9</sup> “Bũn manoaq tẽ máh achúc achiac hái con Yacốp, ramứh Yô-sep. Máh ai Yô-sep ũan án. Ngkíq alói chẽq án. Chơ cũai tẽ cruang Ê-yip-tô dũng án cõt sũl pỡ cruang alói. Ma Yiang Sursĩ õt nic cớp Yô-sep. <sup>10</sup> Ngkíq Yiang Sursĩ chuai Yô-sep yõn vót tẽ máh ốc túh coat noau ẽ táq án. Cớp Yiang Sursĩ táq tâng mứt pahõm puo cruang Ê-yip-tô sâng ayooq lứq Yô-sep. Cớp Yiang Sursĩ yõn Yô-sep cõt rangoaiq lứq. Ngkíq puo tâng cruang Ê-yip-tô chớh Yô-sep cõt sớt tâng cruang ki, cớp cõt sớt dếh tâng đống puo hỡ. <sup>11</sup> Bo ki bũn sa-ũi cumo ốq cớng sana tâng cruang Ê-yip-tô cớp cruang Cana-an, tỡ bũn cớng sana ntróu thánḡ. Máh cũai tâng cruang ki tởiḡ bap lứq. Cớp achúc achiac hái tẽ mbốq ruoah chuaq cớng sana, ma tỡ bũn bũn. <sup>12</sup> Tũ Yacốp sâng noau pai cruang Ê-yip-tô bũn cớng sana, ngkíq án ớn con samiang án, la máh achúc achiac hái

tẽ mbốq, pớq chu cruang Ê-yip-tô trỗ dâu lứq. <sup>13</sup> Toâq alớỉ pớq trỗ ntun ẽn, Yô-sep yỗn alớỉ dáng án la sễm ai alớỉ. Cớp Yô-sep amóh sễm ai án cớp puo tâng cruang Ê-yip-tô. <sup>14</sup> Ngkíq Yô-sep patâp Yacốp, mpoaq án, yỗn nheq sâu án pớq ốt cớp án tâng cruang Ê-yip-tô. Nheq tữh cũai tâng sâu án la tapul chít la sỡng náq. <sup>15</sup> Chơ Yacốp toâq ốt tâng cruang Ê-yip-tô. Án cớp máh achúc achiac hái tẽ mbốq ốt loâng tâng cruang ki toau sốt dỡi alớỉ. <sup>16</sup> Vốt ki noau dỡng achu loah cumuiq alớỉ pỡ vil Se-kem, cớp chốq tâng ping tâng cựp A-praham khoiq chỡng tẽ máh con samiang Hamor.

<sup>17</sup> “Khoiq cheq toâq tangái Yiang Sursĩ ẽ táq ranáq máh án khoiq ữq cớp A-praham tẽ nhũang, chơ tống toiq hái cốt rứh cứng lứq tâng cruang Ê-yip-tô. <sup>18</sup> Chơ bữn manoaq pláih cốt puo tâng cruang Ê-yip-tô, ma tỡ bữn dáng ntrớu tẽ Yô-sep. <sup>19</sup> Puo nâi dỡng túh coat lứq máh achúc achiac hái tẽ mbốq. Án ẽp padâm cũai mbỡiq sễt con samiang cóq pớq phốt tâng arũih. Puo nâi ẽq yỗn tống toiq achúc achiac hái cốt pứt nheq. <sup>20</sup> Tâng tangái túh coat ki, mpiq Mũi-se canốt Mũi-se. Yiang Sursĩ bũi lứq cớp Mũi-se. Mpiq mpoaq án rabán án tâng đống nheq pái casâi. <sup>21</sup> Tữ alớỉ tỡ tẽq cutooq noâng, alớỉ dỡng phốt Mũi-se pỡ dỡq, alớỉ chốq tâng ra-áu cốt. Ma bữn con mansễm puo ramóh; chơ án ỉt táq con án. <sup>22</sup> Ngkíq Mũi-se bữn rien nheq máh ngê

---

☆ **7:18** 7:18 Loõh Tẽ Ê-yip-tô 1:8

rangoaiq tẽ cũai Ê-yip-tô. Chơ parnai án pai la blẽng lứq, cốp ranáq án táq la khẽuq lứq.

<sup>23</sup> “Từ Môi-se toâr, anhúq án khoiḡ pỗn chít cumo, án yoc ẽ pỡq sa-óh sẽm ai sẽm ỡi án cũai I-sarel. <sup>24</sup> Bơ Môi-se pỡq sa-óh, án ramóh manoaq cũai Ê-yip-tô toân manoaq cũai I-sarel. Môi-se sâng ayooq táq cũai I-sarel ki cốp yoc ẽ chuai án. Chơ Môi-se cachĩt cũai Ê-yip-tô ki. <sup>25</sup> Môi-se chanchóm cũai I-sarel dáng Yiang Sursĩ yỗn án rachuai máh cũai I-sarel. Ma cũai I-sarel tỡ bữn dáng tẽ ốc nãi. <sup>26</sup> Tangái parnỡ ẽn, Môi-se ramóh bar náq cũai I-sarel carchĩt. Môi-se sươq alóı tỡ yỗn alóı carchĩt noâng. Án atỡng alóı neq: ‘Anhia la lứq sẽm ai. Nỗq anhia manoaq nhốp manoaq, cốp manoaq táq manoaq?’ <sup>27</sup> Ma án ca toân yóu, án cutóı Môi-se cốp pai neq: ‘Noau chóh mới cõt sốt cốp parchĩn hếq?’ <sup>28</sup> Mới yoc ẽ cachĩt cứq machóng mới khoiḡ cachĩt cũai Ê-yip-tô tangái mahái tỡ?’<sup>☆</sup> <sup>29</sup> Từ Môi-se sâng sântoıq ki, án ngcõh lứq. Chơ án lúh tẽ cruang Ê-yip-tô pỡq ỡt tâng cruang Madian ẽn. Tâng cruang ki án amia bar lám con samiang.

<sup>30</sup> “Nheq pỗn chít cumo Môi-se ỡt tâng ntốq aiq cheq cóh Si-nai. Vót ki bữn manoaq ranẽng Yiang Sursĩ sapáh yỗn Môi-se hữm ỹih blữ tâng prul rambũ.<sup>☆</sup> <sup>31</sup> Từ Môi-se hữm ỹih, án sâng dót lứq. Chơ toâq án pỡq cheq ẽ nhẽng samoât lứq rambũ ki, án sâng sương Yiang Sursĩ atỡng án neq: <sup>32</sup> ‘Cứq la Yiang Sursĩ achúc achiac anhia

<sup>☆</sup> **7:28** 7:28 Loõh Tẽ Ê-yip-tô 2:14 <sup>☆</sup> **7:30** 7:30 Loõh Tẽ Ê-yip-tô 3:1-10

A-praham sang, I-sac sang, cóp Yacốp sang.’ Chơ Mòi-se cangcoaih ngcòh lứq, cóp án tở khón nhêng noâng chu ùih ki. <sup>33</sup> Chơ Yiang Sursĩ atỡng án neq: ‘Mới pũot chíq cốp tể ayững mới. Ntốq cutểq mới tayững nài la ntốq miar khong Yiang Sursĩ. <sup>34</sup> Lứq cứq khoiq hữm chơ máh cũai proai cứq chiuq sa-ũi ramứh túh arức tâng cruang Ê-yip-tô. Cứq khoiq sâng chơ máh cũai cứq cuclôiq cucling. Ngkíq cứq sêng pở nài yoc ể chuai amoong alói. Ma sanua cứq ớn mới pih chu loah pở cruang Ê-yip-tô.’

<sup>35</sup> “Tể nhũang, Mòi-se yoc ể chuai tê tốp I-sarel, ma alói tở ểq án chuai. Cốp alói pai neq: ‘Noau chóh mới cốt sốt cóp parchin hếq?’ Ma ranểng Yiang Sursĩ ca ốt tâng rambũ ùih blữ ki atỡng Mòi-se yỗn dáng samoat lứq, la Yiang Sursĩ toáp ruroh Mòi-se yỗn cốt sốt tốp I-sarel cóp chuai amoong alói. <sup>36</sup> Ngkíq Mòi-se dững aloỏh tốp I-sarel tể cruang Ê-yip-tô. Án táq máh ranáq salểh lứq tâng cruang Ê-yip-tô cóp bo án chuai alói yang đởq mựt Cusâu. Vốt ki, alói toáp pở ntốq aiq; cóp alói ốt ngki pỗn chít cumo. <sup>37</sup> Mòi-se atỡng tốp I-sarel neq: ‘Nữ-ra Yiang Sursĩ ớn manoaq tể tốp anhia atỡng tang bỗq án machớng cứq tê.’ <sup>38</sup> Mòi-se ốt cóp tốp achúc achiac hái cũai I-sarel tể mbỗq tâng ntốq aiq, cóp cutỏ án toáp táq ntỡng cóp ranểng Yiang Sursĩ tâng cóh Si-nai. Bo ki án roap parnai ca tềq yỗn tamong tể Yiang Sursĩ, chơ án atỡng loah yỗn hái dáng.

39 “Ma achúc achiac hái tở bữn trĩh parnai ki. Alói yoc ẽ táh chíq Mòi-se, cớp alói yoc ẽ chu loah pở cruang Ê-yip-tô. 40 Bo Mòi-se noâng õt tâng cớh Si-nai, achúc achiac hái ớn Arôn neq: ‘Sẽq mới táq rup yiang đởq ayông hái. Yuaq tở dáng ọc ntróu khoiq toâq pở Mòi-se, la cũai đưng aloỏh hái tẽ cruang Ê-yip-tô.’ 41 Ngkíq alói táq muoi lám rup ntrỏq con. Chơ alói tutoong sang rup ki. Alói cha cớp loiq bũi. Alói ớn chỡ bữn rup alói tooc bữm. 42 Ngkíq Yiang Sursĩ calỏih chíq alói, đởq alói títng sang moat mandang, rliang casâi, cớp máh mantỏr. Alói ngin ramứh ki la yiang alói. Ma máh ramứh ki Yiang Sursĩ atởng tâng tâm saráq cũai tang bởq tẽ mbỏq, neq:

‘Tỏp I-sarel ơ! Bo anhia õt tâng nỏq aiq pỏn  
chít cumo,  
cứq tở bữn ớn anhia đưng crong chiau sang  
yỏn cứq.

43 Lứq anhia cưỡu đống aroâiq yiang Mô-lêc.  
Cớp anhia cưỡu rup mantỏr, táq tếc anhia  
sang yiang Rê-phan.

Acán ntróu anhia sâng yoc ẽ sang, ki anhia táq  
rup aki.

Cỏ ọc ki, cứq chiau anhia yỏn noau đưng chu  
cruang Ba-bulôn.’ ”☆

44 Satien pai ẻn neq: “Bo achúc achiac hái õt  
tâng nỏq aiq, alói pruam đưng muoi lám Đống  
Sang Aroâiq đởq sang toam Yiang Sursĩ. Đống  
sang ki alói táq puai ariang Yiang Sursĩ khoiq

☆ 7:43 7:43 Amôt 5:25

atõng alóí na Môí-se, cóp ariang Yiang Sursĩ khoiq sapáh yõn Môí-se hũm. <sup>45</sup> Achúc achiac hái tẽ mbỏq yõn dĩn con alóí bũn ndõm tê Dõng Sang Aroâiq ki. Bo Yô-sũa dĩng achúc achiac hái mut tâng cruang ca Yiang Sursĩ khoiq ữq yõn alóí ndõm, alóí dĩng dĩh Dõng Sang Aroâiq ki. Yiang Sursĩ tuih máh cũai tâng cruang ki, chơ yõn tốp hái ẽn õt. Chơ Dõng Sang Aroâiq ki nõang níc tâng cruang nài toau toâq tangái Davĩt cõt puo tốp I-sarel. <sup>46</sup> Yiang Sursĩ ayooq lứq Davĩt. Cóp Davĩt sẽq tẽ Yiang Sursĩ yõn án bũn táq dõng toâr dỏq sang toam Yiang Sursĩ achúc achiac hái, Yacốp, sang. <sup>47</sup> Ma Yiang Sursĩ tở yõn Davĩt táq Dõng Sang Toâr. Yiang Sursĩ yõn Sa-lamôn, con samiang Davĩt, táq Dõng Sang ki. <sup>48</sup> Ma lứq Yiang Sursĩ sõt clũi nheq tẽ canõh, án tở bũn õt tâng dõng sang cũai táq. Yiang Sursĩ khoiq pai na cũai tang bỗq án neq:

<sup>49</sup> ‘Paloõng cõt cachõng yõn cứq tacu,

cóp cõc cutẽq cõt ntỏq cứq achúh ayũng.

Khân ngkíq, nõq anhia chanchỏm ẽ táq dõng yõn cứq õt?

Cứq tở nai lakéh.

Nỏq anhia táq dõng yõn cứq rlu?

<sup>50</sup> Cứq toâp tẽng túc ramứh ca khoiq bũn, pĩeiq tở?’ ”✧

<sup>51</sup> Chơ Satien atõng ẽn neq: “Anhia bũn mút coang lứq. Cóp cutũr anhia tở bũn tamũng ntróu thánq. Anhia tở trĩh parnai Yiang Sursĩ, cóp anhia tở yõn Raviei Yiang Sursĩ cõt sõt tâng

✧ 7:50 7:50 Ê-sai 66:1-2



mút pahõm anhia. Anhia táq machõng thánq cóp achúc achiac anhia tẽ mbõq. <sup>52</sup> Alói ki khoiq táq túh coat máh cũai tang bõq Yiang Sursĩ. Cóp alói cachĩt máh cũai atõng saccoiq yõn alói dáng nõ-ra bữn manoaq Con Yiang Sursĩ sãng tâng cutẽq nãi. Sanua án khoiq toâq chơ pữ cutẽq nãi, ma anhia khoiq chẻq cóp cachĩt án. <sup>53</sup> Ranẽng Yiang Sursĩ khoiq atõng yõn anhia dáng phẻp rit tẽ Yiang Sursĩ, ma anhia tở trĩh parnai ki.”

### *Noau Cachĩt Satien*

<sup>54</sup> Tữ cũai sốt ki sâng máh santoiq ki, alói sâng la-ừn toâp tâng mút alói. Cóp alói carũot canẽng tabang chỏq Satien. <sup>55</sup> Ma Satien bữn Raviei Yiang Sursĩ cõt sốt tâng mút pahõm án. Chơ án tapoang achõn chu paloõng, cóp án hữm chỏc ang-ừr tẽ Yiang Sursĩ. Cóp án hữm Yê-su õt tayúng coah atoam Yiang Sursĩ. <sup>56</sup> Chơ Satien pai neq: “Tĩh! Anhia tapoang chu paloõng! Cừq hữm paloõng ariang noau pớh, cóp cừq hữm Con Yiang Cõt Cũai õt tayúng coah atoam Yiang Sursĩ.”

<sup>57</sup> Tữ máh cũai ki sâng Satien pai santoiq ki, alói cupât cutữ cóp u-õĩ casang lứq. Chơ alói palõng chu Satien. <sup>58</sup> Alói sadõh Satien aloõh yáng tiah vil. Cóp alói tám tamáu chỏq án toau cuchĩt. Tõp cũai cachĩt Satien ớn manoaq cũai póng, ramứh Salơ, kĩaq tampác alói. <sup>59</sup> Bo alói tám tamáu chỏq Satien, án câu neq: “Ncháu Yê-su ơ! Sẻq anhia roap ỉt raviei cừq.”

<sup>60</sup> Ngkíq án sacóh racól cóp pai casang lúq neq: “Ncháu oi! Sêq anhia chôi noap máh lôih alói táq chók cứq sanua.”

Moâm án pai ngkíq, chơ án cuchĩt.

## 8

<sup>1</sup> Ma Salơ pruum tê cóp alói ca cachĩt Satien.

### *Salơ Táq Túh Coat Tốp Puai Yê-su*

Bo ki tốp puai Yê-su tâng vil Yaru-saleem mbõiq ramóh noau táq túh coat lúq alói. Ngkíq tốp alói miar lúh mprieih neq. Bữn án ca ốt loah tâng cruang Yudê, cóp bữn án ca lúh ốt pữ cruang Sa-mari. Ma tốp muoi chít la bar náq ayũng aĩ Yê-su Crĩt noâng ốt tâng vil Yaru-saleem. <sup>2</sup> Bữn muoi tốp samiang ca yám noap Yiang Sursĩ; alói ỉt cumuiq Satien cóp dũng túp án. Alói nhiam atêh án. <sup>3</sup> Ma Salơ ẽ pupút neq máh cũai sa-âm Yê-su. Ngkíq án pợq chi-chuaq dũ dõng. Khân án ramóh cũai sa-âm, án âc aloõh, dểh mansẽm, dểh samiang, dũng chók tâng cuaq tũ.

### *Parnai O Tễ Yê-su Crĩt Toâq Pữ Sa-mari*

<sup>4</sup> Máh cũai sa-âm Yê-su ca lúh tễ vil Yaru-saleem, án ca pợq chu nãi, án ca pợq chu ki, dõq atõng parnai o tễ Yê-su Crĩt. <sup>5</sup> Bữn manoaq tễ tốp ki, ramúh Phi-lip. Án sễng chu vil Sa-mari cóp atõng cũai tâng vil ki tễ Crĩt. <sup>6</sup> Cỗ Phi-lip táq sa-ũri ranáq salẽh, ngkíq bữn cứng lúq cũai tâng vil ki tamũng parnai án atõng. <sup>7</sup> Bữn sa-ũri náq cũai bữn yiang sâuq payõh. Tũ Phi-lip tuih aloõh yiang sâuq tễ máh tễ cũai, yiang ki hẽr casang

lúq. Máh cũai a-ĩ coang, cốp máh cũai yốt, la án táq bán neq. <sup>8</sup> Yuaq ngkíq cũai tâng vil Sa-mari bữn moang ốc bũi.

<sup>9</sup> Bữn manoaq samiang ramứh Si-môn tâng vil Sa-mari. Tễ nhũang án la cũai mo. Cũai tễ vil Sa-mari sâng dót lúq tễ máh ranáq án táq. Cốp án ẽq noau khễn cốp ẽq yỗn cõt parchia pai án la mo khốt lúq. <sup>10</sup> Máh cũai sốt cốp máh cũai proai tâng vil ki, alóí tamứng níc parnai án atỡng. Alóí pai neq: “Chórc cũai nâi la samoât chórc Yiang Sursĩ tễ.”

<sup>11</sup> Máh cũai tâng vil ki puai Si-môn, yuaq khoi q dũn chơ alóí sâng dót lúq tễ ranáq án táq. <sup>12</sup> Ma tử Phi-lip atỡng parnai o tễ Yiang Sursĩ táq sốt, cốp tử án atỡng ngê tễ Yê-su Crít, bữn cũai tâng vil ki sa-âm, cốp alóí roap batễm, dếh samiang, dếh mansễm. <sup>13</sup> Si-môn la sa-âm tễ, cốp án roap batễm. Chu léq Phi-lip pỡq, Si-môn pỡq chu ki tễ. Ngkíq Si-môn bữn hữm máh ranáq salễh Phi-lip táq. Án sâng dót lúq tâng mút án. Án tở đáng nỡq Phi-lip tềq táq ranáq ngkíq.

<sup>14</sup> Tử tốp muoi chít la bar náq tâng vil Yarusalem sâng noau pai cũai tâng vil Sa-mari sa-âm parnai Yiang Sursĩ, alóí ớn Phi-er cốp Yang pỡq chu ki. <sup>15</sup> Tử Phi-er cốp Yang toâq pỡ vil ki, alóí câu yỗn cũai ca khoi q sa-âm, sễq Yiang Sursĩ yỗn Raviei Yiang Sursĩ ốt cốp alóí. <sup>16</sup> Yuaq bo nhũang Raviei Yiang Sursĩ tở yũah ốt cốp alóí, ma alóí roap batễm nhơ ống ramứh Yê-su sâng. <sup>17</sup> Tử Phi-er cốp Yang satoaq atĩ tâng tở cũai

sa-âm, chơ Raviei Yiang Sursĩ lứq ốt toâp tâng mút alóí.

<sup>18</sup> Si-môn, tễ nhũang la cūai mo, tữ án hữm Phi-er cóp Yang satoaq atĩ tâng tỗ cūai canõh, cóp Raviei Yiang Sursĩ mut toâp tâng mút cūai ki, ngkíq án dững práq yõn alóí yoc ẽ bữn tê chóc ki. <sup>19</sup> Si-môn pai neq: “Cứq sễq anhia yõn cứq bữn tê chóc nãi, đõq cứq satoaq atĩ tâng tỗ cūai canõh yõn alóí bữn Raviei Yiang Sursĩ tê.”

<sup>20</sup> Ma Phi-er ta-õi án: “Práq mới cóp tỗ mới lứq pút muoi tarúp. Nỗq mới chanchóm chóc Yiang Sursĩ tềq chõng toâq práq? <sup>21</sup> Mới tở tềq táq ranáq nãi, yuaq mới tở bữn tanoang yáng moat Yiang Sursĩ. <sup>22</sup> Ngkíq cóq mới táh chíq ngê tiaq, chơ ỉt mút tamái ẽn. Cóp cóq mới câu sễq tễ Yiang Sursĩ, moac moai án táh lôih mới tễ ranáq mới khoiq chanchóm yoc ẽ táq. <sup>23</sup> Cứq hữm mút mới liew-palieu yoc lứq táq ranáq machõng hếq, cóp ốc loai cõt sốt tâng mút mới.”

<sup>24</sup> Chơ Si-môn ta-õi Phi-er neq: “Sễq mới câu sễq tễ Yiang Sursĩ yõn cứq, đõq máh ốc ki chõĩ toâq pỡ cứq.”

<sup>25</sup> Moâm Phi-er cóp Yang atõng parnai Yiang Sursĩ tâng vil Sa-mari, cóp atõng tễ máh ranáq Yê-su táq ariang alóí khoiq hữm, chơ alóí chu loah pỡ vil Yaru-salem. Bo alóí pỡq tâng rana, alóí mut atõng parnai Yiang Sursĩ tâng máh vil mpễr rana tâng cruang Sa-mari.

*Phi-líp Cóp Cūai Ê-thia-bi*

<sup>26</sup> Bữn muoi noaq ranẽng Yiang Sursĩ pai chóq Phi-lip neq: “Mới thũan, chơ pỡq chu angia pũn. Mới pỡq rana tẽ vil Yaru-salem pỡq chu vil Casa, la rana pỡq tadáh tapúng ntốq aiq.”

<sup>27</sup> Ngkíq Phi-lip yuor tayúng, chơ pỡq. Tâng rana ki án hũm manoaq samiang tẽ cruang Ê-thia-bi. Samiang nâi, la ayũng atĩ puo mansẽm tâng cruang Ê-thia-bi. Án kĩaq nhêng máh sanốc Candac, la puo mansẽm ki. Samiang nâi khoiq pỡq sang toam Yiang Sursĩ tâng vil Yaru-salem. <sup>28</sup> Ma sanua án chu pỡ cruang án na sẽ aséh. Án ốt tâng sẽ aséh ki cóp án doc tâm saráq Ê-sai, la cũai tang bỗq Yiang Sursĩ, khoiq chĩc tẽ mbốq. <sup>29</sup> Raviei Yiang Sursĩ atống Phi-lip neq: “Mới rapuai cũai ốt tâng sẽ aséh ki.”

<sup>30</sup> Phi-lip rapuai; chơ án satõm sẽ aséh ki. Án sâng cũai tâng sẽ aséh ki doc tẽ saráq Ê-sai. Ngkíq án blốh cũai ki neq: “Máh ốc mới doc ki, mới sapúh tỡ?”

<sup>31</sup> Samiang ki ta-õi Phi-lip neq: “Mồ tẽq cứq dáng khân tỡ bữn noau atống cứq?”

Ngkíq án mới Phi-lip chõn tâng sẽ aséh, tacu cóp án. <sup>32</sup> Tâng tâm saráq Ê-sai cũai ki doc neq: “Noau dũng cũai nâi samoât noau dũng charán cữu dõq kiac.

Machóng noau cứt sóc cữu con, ma án ốt rangiac,

ngkíq tê cũai nâi tỡ bữn tabỗq ntróu.

<sup>33</sup> Án tỡ bữn táq lôih ntróu,  
ma noau ayê cóp táq án.

Alói cachĩt chíq án,

cóp án tở bữn bữn con tống ntróu,  
yuaq noau tở ẽq yõn án tamoong noâng tâng  
cốc cutẽq nâi.”✧

34 Moâm án doc, cũai Ê-thia-bi blóh Phi-lip  
neq: “Ê-sai atõng tẽ noau? Án atõng tẽ tở án  
bữm, ma án atõng tẽ cũai canõh? Sẽq mới atõng  
cứq.”

35 Chơ Phi-lip luoh bõq atõng parnai o tẽ Yê-su.  
Dâu lứq án atõng yõn cũai ki dáng raloaih lứq  
parnai nâi Ê-sai chĩc atõng tẽ Yê-su. 36 Bo alóí  
põq tâng rana, alóí toâq pở ntốq bữn dờq. Cũai  
Ê-thia-bi pai neq: “Ki! Mới nhêng dờq ki. Têq  
mới táq batẽm yõn cứq sanua tở?”

37 Phi-lip ta-õi án neq: “Khân lứq mới sa-âm,  
têq cứq táq batẽm yõn mới.”\*

Cũai ki ta-õi: “Lứq cứq sa-âm Yê-su Crĩt la Con  
Yiang Sursĩ.”

38 Ngkíq cũai Ê-thia-bi yõn sẽ aséh tangút cheq  
dờq. Chơ alóí bar náq sẽng chu dờq, cóp Phi-lip  
táq batẽm yõn án. 39 Tở alóí chõn tẽ dờq, Raviei  
Yiang Sursĩ acốq Phi-lip dững pở ntốq canõh ẽn.  
Cũai Ê-thia-bi tở bữn hữm noâng Phi-lip, ma án  
põq ống manoaq án ẽn tâng rana ki, cóp mút án  
sâng bũi lứq. 40 Ma Yiang Sursĩ achúh Phi-lip pở  
vil Asô-tut. Chơ Phi-lip atõng parnai o tẽ Yê-su  
Crĩt tâng dũ vil cheq rana án pởq, toau án toâq  
pở vil Sê-sarê.

✧ 8:33 8:33 Ê-sai 53:7-8

\* 8:37 8:37 Sa-ũi tâm saráq tiaq tở

bữn bữn rana 37 nâi.

## 9

*Salơ Ramóh Yê-su Tânq Rana*

<sup>1-2</sup> Ma Salơ noâng ùan lữq chỏq tốp puai Yê-su, cớp án yoc ẽ cachĩt nheq tốp ki. Ngkĩq án pớq sếq choaiq tẽ cũai sớt nheq tẽ rit sang Yiang Sursĩ yõn án tẽq cớp máh cũai sa-âm Yê-su, dẽh samiang, dẽh mansẽm, ca õt tâng vil Damac. Án yoc apáh choaiq nài yõn cũai sớt máh đống sang tốp I-sarel tâng vil Damac, đợq alới dáng samoát án tẽq cớp cũai. Cũai án ẽ cớp la tốp puai Yê-su, án ẽ chỏq alới cớp đưng chu vil Yarusalem. <sup>3</sup> Toáq cũai sớt yõn án bữn choaiq, chơ án pớq. Bo Salơ pớq tâng rana khoiq cheq ẽ toáq vil Damac, santar án hữm poang claq asẽng tẽ paloõng chu tở án. <sup>4</sup> Án dóm tâng cutẽq, cớp án sâng sường sabau án neq: “Salơ ơi! Ở Salơ! Nớq mới táq cứq?”

<sup>5</sup> Salơ ta-õi neq: “Ncháu ơi! Anhia la noau?”

Sường ki ta-õi loah Salơ neq: “Cứq la Yê-su. Mới táq ngkĩq tở pẽiq chỏq cứq. <sup>6</sup> Mới yuor toáp, chơ mut tâng vil. Tâng vil ki bữn cũai ẽ atõng mới yõn mới cóq táq ntróu.”

<sup>7</sup> Máh cũai pớq cớp Salơ, alới sâng dót lữq, tở tẽq tabõq ntróu noâng, yuaq alới sâng sường ki, ma alới tở bữn hữm noau. <sup>8</sup> Chơ Salơ yuor tayúng. Tở án culian, moat án cõt sũt chíq. Ngkĩq yóu án tẽc atĩ án ayũar amut chu vil Damac. <sup>9</sup> Nheq pái tangái án tở báng hữm ntróu, cớp án tở bữn cha nguaiq ntróu.

10 Ớt tâng vil Damac bữn manoaq tễ tộp puai Yê-su, ramứh A-nania. Yiang Sursĩ sapáh yỗn án hữm Yê-su. Yê-su arô án neq: “A-nania ời!”

A-nania ta-ỡi Yê-su neq: “Ớq. Ntrứu Ncháu ể bữn cứq?”

11 Yê-su atỡng án neq: “Cóq mới pỡq sanua toáp chu rana noau dỏq Rana Tanoang. Pỡ ki, mới chuaq manoaq samiang tễ vil Tarsỏ, ramứh Salỏ. Án ớt tâng dỏng Yuda. Sanua Salỏ câu sễq tễ cứq. 12 Cỏp Yiang Sursĩ khiỏq sapáh yỗn Salỏ dáng ramứh mới, cỏp yỗn án hữm mới toáp satoaq atỡ tâng tỗ án yỗn moat án cớt blang loah.”

13 A-nania ta-ỡi neq: “Ncháu ời! Cứq sâng noau pai tễ cũai nâi, án khiỏq táq túh coat lứq tộp anhia tâng vil Yaru-salem. 14 Cỏp sanua án bữn choaiq tễ máh cũai sớt tộp tểng rit sang Yiang Sursĩ yỗn tềq án cộp nheq từh cũai sa-âm Yê-su tâng vil Damac nâi.”

15 Ma Yê-su atỡng A-nania neq: “Cóq mới pỡq táq máh ốc cứq atỡng mới, yuaq cứq khiỏq rườh cũai nâi. Cứq yỗn án dững ramứh cứq cớt parhan dũ cruang yỗn cũai I-sarel, cỏp yỗn cũai tỡ cỡn cũai I-sarel, dểh máh puo alới hỡ. 16 Cứq ể yỗn án dáng máh ốc túh coat án cóq chiủq cỗ án cưỡ ramứh cứq.”

17 Ngkíq A-nania pỡq cỏp mut tâng dỏng Yuda. Án satoaq atỡ tâng Salỏ, cỏp atỡng Salỏ neq: “Salỏ ời! Mới la sễm ai cứq. Ncháu hái, Yê-su, khiỏq ramóh mới tâng rana. Án ớn cứq toáp pỡ



mới đợq táq moat mới cõt blang loah, cớp án yõn Raviei Yiang Sursĩ cõt sớt tâng mút pahõm mới.”

<sup>18</sup> Bo ki toáp samoat sarũoi chíq acán ca táq yõn moat án sũt, chơ moat án cõt poang loah. Án yuor tayúng cớp roap batẽm. <sup>19</sup> Án cha loah đõi, cớp án sâng bán rêng loah. Chơ án õt tâng vil Damac cớp tốp puai Yê-su bũn bĩq tangái ẽn.

### *Salơ Atõng Tâng Vil Damac*

<sup>20</sup> Chơ Salơ pợq toáp chu đõng sang tốp I-sarel, cớp án atõng ngki tẽ Yê-su la lứq Con Yiang Sursĩ.

<sup>21</sup> Nheq tũh cũai ca sâng santoiq án atõng, alới sâng dớt lứq. Cớp alới pai neq: “Án nâi tỡ, ca khoiq talõh tốp puai Yê-su tâng vil Yaru-salem? Cớp án toâq pỡ nâi cõ ẽ cớp máh cũai ca puai Yê-su. Án ẽ chớq cớp đũng alới chu pỡ máh cũai sớt tốp tẽng rit sang Yiang Sursĩ.”

<sup>22</sup> Ma parnai Salơ atõng cõt blẽng achõn. Tũ tốp I-sarel tâng vil Damac sâng án atõng tẽ Yê-su la manoaq ca Yiang Sursĩ ruroh đợq chuai amoong cũai, ngkíq alới tỡ tẽq rasuon ntrớu noâng.

<sup>23</sup> Vót tẽ ki máh cũai sớt tốp I-sarel sarhõng ẽ cachĩt chíq Salơ. <sup>24</sup> Alới crớq máh ngoah toong viang vil yoc ẽ cachĩt án. Ma Salơ sâng noau pai alới ẽ cachĩt án. <sup>25</sup> Ngkíq, toâq sadâu tốp puai Yê-su chõn tâng viang. Alới yõn Salơ õt tâng achoiq; chơ alới atĩar asẽng Salơ yáng tiah viang.

### *Salơ Tâng Vil Yaru-salem*

26 Tũ Salơ toáq pữ vil Yaru-salem, án yoc ẽ mut rôm cốp tốp puai Yê-su tâng vil ki tê. Ma tốp ki ngcõh lứq án, yuaq alóí tữ bữn noap án khoiq sa-âm Yê-su. 27 Ma bữn manoaq samiang tâng tốp ki, ramứh Ba-naba. Án pữq asuoi Salơ toáq pữ tốp ayững atĩ Yê-su. Cốp án atõng yõn alóí dáng Salơ khoiq hữm Yê-su tâng rana, cốp án khoiq sâng Yê-su pai chóq án. Ba-naba pai Salơ atõng parnai o tẽ Yê-su clóq lứq tâng vil Damac. 28 Ngkíq tốp ki yõn Salơ õt cốp alóí tâng vil Yaru-salem. Án pữq chũop nheq tâng vil Yaru-salem cốp atõng parnai o tẽ Yê-su Crít clóq lứq. 29 Án táq ntõng cốp sarhõng cốp muoi tốp cũai I-sarel ca táq ntõng parnai Créc. Ma máh cũai ki chichuaq ngê yoc ẽ cachĩt chíq án. 30 Tũ tốp puai Yê-su sâng ngkíq, alóí asuoi án pữ vil Sê-sarê ẽn. Toáq tangái ntun ẽn alóí yõn án chu loah pữ vil án, la vil Tarso.

31 Vót ki máh tốp sa-âm Yê-su tữ bữn ramóh noâng túh coat tâng cruang Yudê, cruang Calilê, cốp cruang Sa-mari. Alóí pruam muoi mút, manoaq catoaih atõng manoaq tẽ ngê Yê-su Crít. Cốp Raviei Yiang Sursĩ aliam mút pahõm alóí yõn õt ien o loah. Cũai sa-âm Yê-su cõt clứng lứq ẽn, cốp yám noap Ncháu.

*Phi-er Pữq Sa-óh Tâng Vil Li-da Cốp Vil Yôp-pa*

32 Bo ki Phi-er đốq pữq sa-óh dũ ntốq bữn cũai sa-âm Yê-su tâng cruang ki. Ngkíq án pữq sa-óh tốp sa-âm tâng vil Li-da. 33 Tâng vil ki án ramóh manoaq samiang, ramứh Ê-nê, án a-ĩ coang. Án

tua a-ĩ tâng chĩau khoiq tacual cumo chơ. <sup>34</sup> Phi-er atõng án neq: “Ê-nê ơi! Yê-su Crĩt táq yõn mới bán. Mới yuor tayúng. Mới pĩal dõq chĩau mới.”

Bo ki toáp Ê-nê yuor tayúng. <sup>35</sup> Nheq tũh cũai tâng vil Li-da cớp tâng vil Sarôn, alới hũm Ê-nê khoiq cõt bán. Ngkíq alới sa-âm Yê-su Crĩt tê.

<sup>36</sup> Tâng vil Yôp-pa bữn manoaq mansẽm tâng tốp sa-âm Yê-su, ramứh Ta-butha. Tâng parnai Créc noau dõq ramứh án la Dờ-ca. Mansẽm nãi táq ranáq o níc, cớp án chuai sa-ũĩ náq cũai cadĩt. <sup>37</sup> Bo ki án cõt a-ĩ, chơ án cuchĩt. Yóu án ãt dõq ariau tở án puai rit alới cơi táq. Moâm alới ariau, chơ alới dõq cumuiq ki tâng clống tran bar tâng dõng. <sup>38</sup> Vil Yôp-pa nãi cheq vil Li-da. Ngkíq tử tốp puai Yê-su tâng vil Yôp-pa sâng han Phi-er ớt tâng vil Li-da, alới ớn bar náq pỡq coaiq Phi-er. Alới atõng Phi-er neq: “Sẽq mới toaq toáp pỡ vil hếq.”

<sup>39</sup> Chơ Phi-er pỡq cớp alới. Tử án toaq pỡ dõng ki, alới dũng án chõn tâng clống tran bar. Bữn cứng lứq máh cán cumai tâng clống ki. Alới nhiam cớp aloõh tampác Dờ-ca khoiq yĩh yõn alới tễ nhũang. <sup>40</sup> Phi-er yõn nheq tũh alới loõh tễ clống ki. Chơ án sacõh racõl cớp án câu sẽq Yê-su Crĩt chuai Dờ-ca. Moâm án câu, chơ án pĩh nhẽng chu cumuiq ki. Cớp án pai neq: “Ta-butha ơi! Mới yuor tayúng.”

Bo ki toáp mansẽm ca khoiq cuchĩt ki, án culian loah moat. Tử án hũm Phi-er, án yuor tacu. <sup>41</sup> Phi-er tếc atĩ mansẽm ki yõn án yuor

tayúng. Chơ Phi-er arô tốp puai Yê-su cốp máh cán cumai. Án aloõh mansẽm ki yõn nheq tữh alóh hữm mansẽm ki khoiq tamooing loah. <sup>42</sup> Tữ ranáq nâi cõt parhan chũop vil Yôp-pa, bữn cứng lứq ẽn cũai sa-âm Yê-su. <sup>43</sup> Phi-er õt tâng vil Yôp-pa nâi tở dáng sếq tangái ẽn. Án õt cốp manoaq samiang ramứh Si-môn. Si-môn la cũai Chiang táq sa-ữi ramứh tẽ ngcâr charán.

## 10

### *Phi-er Cốp Cor-nai*

<sup>1</sup> Tâng vil Sê-sarê bữn manoaq samiang ramứh Cor-nai. Án sốt muoi culám náq tahan. Tốp tahan nâi noau đợq Tốp I-tali. <sup>2</sup> Cor-nai la cũai o cốp khữn lứq. Án cốp nheq đống án yám noap cốp sang Yiang Sursĩ. Án chuai práq yõn cũai cadĩt. Án câu sếq níc tẽ Yiang Sursĩ. <sup>3</sup> Bữn muoi tangái, toâq mandang priang, Yiang Sursĩ sapáh yõn án hữm manoaq ranẽng Yiang Sursĩ tẽ paloõng toâq pở án cốp arô án neq: “Cor-nai ời!”

<sup>4</sup> Ma Cor-nai ngcõh lứq. Án nhêng cloân níc chu ranẽng ki, cốp án blóh neq: “Ncháu ời! Ntróu anhia ẽ bữn cứq?”

Ranẽng Yiang Sursĩ ta-õi án neq: “Yiang Sursĩ khoiq sâng chơ máh santoiq mới câu sếq tẽ án. Cốp Yiang Sursĩ khoiq dáng tẽ práq mới chuai máh cũai cadĩt. Ngkíq yuaq Yiang Sursĩ sanhữ níc mới. <sup>5</sup> Sanua mới ớn cũai pợq chuaq manoaq samiang ramứh Si-môn tâng vil Yôp-pa. Noau

dõq án ramúh Phi-er hõ. Mói sêq án toâq pở  
dõng mới. <sup>6</sup> Cũai ncháu dõng Phi-er õt, ramúh  
Si-môn tê. Án la cũai Chiang táq sa-ũi ramúh  
toâq ngcâr charán. Dõng án cheq tor dõq mut.”

<sup>7</sup> Moâm ranẽng Yiang Sursĩ loõh tẽ ki, Cor-nai  
arô bar náq cũai táq ranáq tâng dõng án, cớp án  
arô manoaq tahan hõ. Cũai tahan nâi yám noap  
Yiang Sursĩ tê, cớp án chõng pahõm yoc ẽ chuai  
Cor-nai. <sup>8</sup> Cor-nai atõng loah pái náq ki tẽ máh  
santoiq ranẽng Yiang Sursĩ khoiq atõng án. Chơ  
án ón alóí pớq chu vil Yôp-pa.

<sup>9</sup> Máh tangái parnõ khoiq cheq mandang  
toâng, pái náq ki noâng õt tâng rana cheq vil  
Yôp-pa, Phi-er chõn tâng mpuol tapín tâng dõng  
án õt, ẽ câu ngki. <sup>10</sup> Bo ki Phi-er sâng panhieih  
púng, yoc ẽ cha dõi. Ma ntôm án acoan noau  
táq cha, án hữm muoi ramúh Yiang Sursĩ sapáh.

<sup>11</sup> Án hữm paloõng samoât riang noau pớh. Cớp  
án hữm ariang aroâiq la-a lúq samoât noau chõq  
samũ põn chẽng tâng aroâiq ki; chơ noau atĩar  
asẽng tẽ paloõng. <sup>12</sup> Tâng aroâiq ki bữn dũ  
ramúh charán, án ca pớq na ayũng, án ca pớq  
talor, cớp án ca pâr. <sup>13</sup> Cớp Phi-er sâng sường  
atõng án neq: “Phi-er ơi! Mói yuor tayũng. Máh  
charán nâi tẽq mới cha. Charán aléq mới yoc ẽ  
cha, mới ỉt táq charán ki.”

<sup>14</sup> Ma Phi-er ta-õi neq: “Tỡ bữn mỗ! Cúq tỡ ẽq  
cha, Ncháu ơi! Tẽ cớt toau toâr, cúq tỡ nai cha  
crong ca hẽq tỡ tẽq cha puai phẽp rit I-sarel.”

<sup>15</sup> Ma sường ki atõng loah Phi-er neq: “Ramúh  
ntróu Yiang Sursĩ yõn mới cha, mới chõi pai tỡ

têq cha.”

16 Pái trở srong ki atõng Phi-er ngkíq. Vót ki aroâiq ki cõt samoât noau âc achõn loah chu paloõng. 17 Phi-er sâng dót lúq máh ramúh án hữm. Bo Phi-er õt chanchóm tẽ ranáq ki, alóí pái náq tẽ dõng Cor-nai bữn ramóh dõng Si-môn. Alóí õt cheq ngoah toong dõng Si-môn. 18 Alóí sabau blóh neq: “Léq anhia hữm Si-môn Phi-er tâng dõng nâi tở?”

19 Ma bo Phi-er noâng õt chanchóm tẽ máh ramúh án khoiq hữm, Raviei Yiang Sursĩ atõng án neq: “Bữn pái náq toâq pở nâi yoc ẽ ramóh mới. 20 Mới sễng ramóh alóí, cóp mới chõi ngcõh ntróu pởq cóp alóí, cõ cúq ớn alóí toâq pở nâi.”

21 Ngkíq Phi-er sễng ramóh alóí cóp pai neq: “Cúq la án ca anhia chuaq. Ntróu anhia ẽ bữn cúq?”

22 Alóí ta-õi án neq: “Hếq toâq pở nâi yuaq Cor-nai, la cũai sốt muoi culám náq tahan, ớn hếq toâq pở mới. Án la cũai tanoang o, cóp án yám noap Yiang Sursĩ. Nheq tữh cũai I-sarel pai Cor-nai la cũai o. Cóp ranễng Yiang Sursĩ ớn Cor-nai mới mới pởq chu dõng án dõq án bữn sâng tê tẽ ớc ntróu mới ẽ atõng án.”

23 Ngkíq Phi-er yõn alóí pái náq mut tâng dõng cóp bết ngki muoi sadâu. Toâq poang tarurp parnữ Phi-er cóp tapoât náq tẽ tốp puai Yê-su tâng vil Yôp-pa pởq cóp pái náq ki. 24 Máh tangái pra ễn, alóí toâq pở vil Sê-sarê. Cor-nai õt acoan alóí tâng dõng án. Cor-nai khoiq parõm máh

sẽm ai cóp yóu ca án ratoi, yõn toâq rôm pở đồng án. <sup>25</sup> Cheq Phi-er ẽ mut tâng đồng, Cor-nai loõh ramóh án. Cor-nai sacõh racól cucõh Phi-er; án chanchóm Phi-er la yiang. <sup>26</sup> Ma Phi-er tếc atĩ Cor-nai yõn yuor tayúng, cóp án atõng Cor-nai neq: “Mới yuor tayúng. Cúq la cũai machóng mới tê.”

<sup>27</sup> Bo alóí noâng táq ntõng, alóí mut tâng đồng. Cóp Phi-er hữm chừng cũai rôm tâng đồng ki. <sup>28</sup> Chơ Phi-er atõng nheq tũh alóí ki neq: “Anhia dáng chơ phễp rit I-sarel tở yõn cũai I-sarel ratoi cóp cũai tẽ cruang canõh. Ma Yiang Sursĩ khioq atõng cúq chơ, cúq tở têq pai noâng tở têq ratoi cóp cũai cruang canõh. <sup>29</sup> Cõ ngkíq cúq tở bữn ngcõh ntróu toâq pở nâi. Sanua cúq yoc ẽ dáng, cõ nõq anhia sẽq cúq toâq pở nâi?”

<sup>30</sup> Cor-nai ta-õi án neq: “Tangái ntroai cúq õt câu tâng đồng cúq bo mandang priang máh sanua nâi. Santar bữn manoaq tayúng yáng moat cúq. Án tâc tampác ang-ữr lứq, <sup>31</sup> cóp án atõng cúq neq: ‘Cor-nai ơi! Yiang Sursĩ khioq sâng chơ mới câu, cóp Yiang Sursĩ khioq dáng chơ mới chuai cũai cadĩt. Ngkíq yuaq Yiang Sursĩ sanhữ níc mới. <sup>32</sup> Sanua cóq mới ớn cũai pởq chu vil Yôp-pa pởq mới manoaq samiàng, ramứh Si-môn, mỗ noau đợq án Phi-er hữ. Mới sẽq án toâq pở đồng mới. Án õt tâng đồng Si-môn cheq tor đợq mứt. Si-môn nâi la cũai Chiang táq sa-ữi ramứh toâq ngcâr charán.’ <sup>33</sup> Bo ki toâp cúq ớn cũai pởq mới mới toâq pở nâi. Ngkíq, moai lứq mới toâq pở nâi. Sanua Yiang Sursĩ hữm chơ

nheq náq hếq ca rôm nnâi, yoc ẽ tamúng parnai Yiang Sursĩ ớn mới atỡng yõn hếq dáng.”

*Phi-er Atỡng Tâng Dống Cor-nai*

<sup>34</sup> Moâm Cor-nai pai ngkíq, Phi-er atỡng alói neq: “Sanua cứq dáng samoât samoi Yiang Sursĩ táq yõn neq tửh cũai cõt lĩ-ralĩ neq. <sup>35</sup> Tâng dũ cruang, khân cũai yám noap Yiang Sursĩ cốp táq ranáq tanoang o, Yiang Sursĩ lứq bũ pahõm yõn cũai ki cõt con acái án tê. <sup>36</sup> Anhia khoiq dáng chơ Yiang Sursĩ yõn parnai o án pở cũai I-sarel. Parnai nâi atỡng neq: Cũai aléq trĩh parnai o tẽ Yê-su Crĩt, mút pahõm cũai ki cõt ien khể níc, tở bữn croõq ntróu. Yê-su Crĩt la Ncháu neq tửh cũai. <sup>37</sup> Anhia khoiq sâng chơ tẽ Yang, án atỡng máh cũai yõn roap batẽm. Vót ki, Yê-su tabỏq atỡng parnai o tẽ Yiang Sursĩ tâng cruang Cali-lê. Moâm ki án atỡng tâng cruang Yudê ẽn. <sup>38</sup> Yê-su la cũai tẽ vil Na-sarẽt. Yiang Sursĩ ruroh án cốp yõn án bữn Raviei Yiang Sursĩ. Ngkíq Yê-su bữn chóc toâr lứq. Án pởq chu nâi pởq chu ki táq ranáq o cốp tuih aloõh yiang sâuq tẽ tở cũai hữ, yuaq Yiang Sursĩ õt cốp án. <sup>39</sup> Hếq khoiq hữm máh ranáq Yê-su táq chũop neq cruang I-sarel cốp tâng vil Yaru-salem; ngkíq hếq tẽq atỡng loah anhia. Tốp I-sarel khoiq cachĩt án na ayõng tâng aluang sangcáng. <sup>40-41</sup> Ma catâm tangái pái Yiang Sursĩ yõn Yê-su tamoong loah. Tở Yê-su tamoong loah, Yiang Sursĩ yõn tốp hếq hữm loah tở Yê-su. Ma Yiang Sursĩ tở yõn neq tửh cũai hữm tở án. Án yõn ống alói ca án khoiq ruroh tẽ



nhũang sâng têq hũm tở án. Vót Yê-su tamoong loah, nheq tữh tởp hếq bữn cha nguaiq parnơi cớp án. <sup>42</sup> Yê-su ớn tởp hếq pởq atởng yỏn nheq tữh cũai dáng tở án. Cớp án ớn hếq atởng cũai dáng Yê-su la manoaq ca Yiang Sursĩ khoiq rườh yỏn pác nheq tữh cũai, dềh cũai noâng tamoong, cớp cũai khoiq cuchĩt. <sup>43</sup> Nheq tữh cũai tang bởq Yiang Sursĩ tở mbởq, alới khoiq chĩc tở ranáq Yê-su táq. Cớp alới pai cũai aléq sa-âm Yê-su, lứq Yiang Sursĩ táh lôih cũai ki nhơ tở ramứh Yê-su.”

*Raviei Yiang Sursĩ Mut Tâng Mút Pahỡm Cũai Ki*

<sup>44</sup> Bo Phi-er noâng atởng ngkíq, Raviei Yiang Sursĩ mut cớt sớt tâng mút pahỡm máh cũai ca tamứng Phi-er atởng. <sup>45</sup> Tapoát náq ca toâq tở vil Yôp-pa pởq nứng Phi-er, alới sâng dớt lứq cũai tở cớn cũai I-sarel ma bữn Raviei Yiang Sursĩ tở. Tapoát náq ki la cũai I-sarel ca khoiq sa-âm Yê-su chơ. <sup>46</sup> Alới sâng máh cũai tâng đớng Cor-nai táq ntởng toâq parnai mpha cớp khển Yiang Sursĩ. <sup>47</sup> Ngkíq Phi-er atởng ển neq: “Máh cũai nâi bữn Raviei Yiang Sursĩ ariang hếq bữn tở nhũang tở. Tở bữn noau têq catáng tở yỏn alới roap batểm.”

<sup>48</sup> Ngkíq Phi-er ớn noau táq batểm yỏn alới nhơ ramứh Yê-su Crĩt. Alới ca mbởiq roap batểm sểq Phi-er ớt cớp alới pái pỏn tangái ển.

## 11

*Phi-er Atởng Tởp Yê-su Tâng Vil Yaru-salem*

<sup>1</sup> Vót ki tǔp muoi chít la bar náq ayǔng atĩ Yê-su cóp neq tǔh cũai sa-âm Yê-su tâng cruang Yudê, alóí sâng noau pai cũai tǔ cǔn cũai I-sarel khoiq sa-âm parnai Yiang Sursĩ tê. <sup>2</sup> Bǔn muoi tǔp tể cũai sa-âm Yê-su, alóí chanchóm cũai aléq yoc ẽ puai Yê-su cóq táq rit cǔt samoât cũai I-sarel táq tê. Ngkíq tǔ Phi-er chu loah pǔ vil Yarusalem, alóí tểq án, <sup>3</sup> pai neq: “Mói khoiq pǔq ốt cóp tacu cha parnoi cóp cũai tǔ yǔah táq rit cǔt.”

<sup>4</sup> Ma Phi-er ruaih loah yǔn alóí sâng tể neq máh ranáq án khoiq hǔm.

<sup>5</sup> Án pai neq: “Bǔn muoi tangái, bo cǔq ốt tâng vil Yóp-pa, cǔq pǔq câu. Chơ Yiang Sursĩ sapáh yǔn cǔq hǔm ariang aroaiq la-a lǔq. Cǔq hǔm samoât noau chǔq samǔ pǔn chềng tâng aroaiq ki, cóp noau atĩar asềng tể paloǔng toáq pǔ cǔq. <sup>6</sup> Cǔq nhềng aroaiq ki samoât lǔq. Chơ cǔq hǔm máh thǔ charán đǔng cóp charán cruang, án ca pǔq na ayǔng, án ca pǔq talor, cóp án ca pâr tâng pǔng. <sup>7</sup> Cóp cǔq sâng sǔng atǔng cǔq neq: ‘Phi-er ơi! Mói yuor tayǔng. Máh charán nâi tềq neq mới cha. Charán aléq mới yoc ẽ cha, mới ỉt táq charán ki.’ <sup>8</sup> Ma cǔq ta-ơi sǔng ki: ‘Tǔ bǔn mǔ! Cǔq tǔ ềq cha, Ncháu ơi! Tể cót toau toâr, cǔq tǔ nai cha crǔng ca hếq tǔ tềq cha puai phểp rit I-sarel.’ <sup>9</sup> Ma sǔng ki atǔng loah cǔq: ‘Ramứh ntróu Yiang Sursĩ yǔn mới cha, mới chǔi pai tǔ tềq cha.’ <sup>10</sup> Pái trǔ sǔng ki atǔng cǔq ngkíq. Vót ki, samoât noau âc achǔn loah aroaiq ki chu paloǔng. <sup>11</sup> Bo ki toáp bǔn pái náq tể vil Sê-sarê ốt yáng tiah đǔng

cúq òt. Alói toáq chuaq ẽ ramóh cúq. <sup>12</sup> Cóp Raviei Yiang Sursĩ atõng cúq yõn põq cóp alói, chõỉ ngcõh ntróu. Ngkíq bũn tapoát náq sẽm ai tẽ tốp puai Yê-su tâng vil Yôp-pa, alói põq cóp cúq chu dõng Cor-nai. <sup>13</sup> Cor-nai atõng hẽq tẽ án khoi q hũm ranẽng Yiang Sursĩ paloo h tâng dõng án. Ranẽng ki atõng án neq: ‘Mói ón cũai põq moi Si-môn Phi-er tâng vil Yôp-pa. <sup>14</sup> Phi-er lúq atõng yõn mói cóp nheq dõng mói dáng na léq Yiang Sursĩ têq chuai amoong anhia.’ <sup>15</sup> Bo cúq atõng alói ca rôm põ dõng ki, Raviei Yiang Sursĩ mut cõt sõt tâng mút pahõm alói machõng án mut tâng mút pahõm hái tẽ nhũang. <sup>16</sup> Tũ ki cúq sanhũ loah tẽ parnai Yê-su khoi q atõng hẽq tẽ nhũang neq: ‘Yang khoi q táq batẽm yõn anhia toáq dõq, ma nõ-ra Yiang Sursĩ táq batẽm yõn anhia toáq Raviei án.’ <sup>17</sup> Ngkíq sanua Yiang Sursĩ yõn Raviei án põ cũai tở cõn cũai I-sarel hõ, machõng án khoi q yõn Raviei án põ hẽq ca sa-âm Yê-su Crít, Ncháu hái, tẽ nhũang tê. Nõq anhia chanchóm cúq têq sroq Yiang Sursĩ tở? Ranáq ntróu án yoc ẽ táq, ki án táq.”

<sup>18</sup> Tũ tốp ki sâng Phi-er atõng ngkíq, alói tở têq tẽq ntróu noâng. Ma alói khẽn Yiang Sursĩ neq: “Lúq Yiang Sursĩ yõn cũai tở cõn cũai I-sarel têq ngin lôih lêq cõt mút tamái ẽn; chơ Yiang Sursĩ chuai amoong alói tê.”

### *Tốp Puai Yê-su Tâng Vil Anti-ôt*

<sup>19</sup> Vót tangái noau cachĩt Satien, máh tốp puai Yê-su khoi q chũuq sa-ũĩ túh coat. Chơ alói loõh tẽ

vil Yaru-salem, án ca pǝq atúng, án ca pǝq atoooc. Bǝn cũai pǝq chu cruang Phê-nasi, cǝn Sip-rơ, cǝp chu vil Anti-ôt. Ntốq léq alóí pǝq, alóí atǝng parnai Yiang Sursĩ tâng ntốq ki. Ma alóí atǝng ǝng cũai I-sarel sâng. <sup>20</sup> Ma tâng tǝp puai Yê-su, bǝn cũai samiang tể cǝn Sip-rơ cǝp cruang Si-rên pǝq chu vil Anti-ôt, cǝp atǝng parnai o tể Yê-su, Ncháu hái, yǝn cũai tǝ cǝn cũai I-sarel dáng tể. <sup>21</sup> Yiang Sursĩ chuai alóí atǝng parnai Yiang Sursĩ. Ngkíq clúng lúq cũai sa-âm cǝp puai ngê Yê-su Crít tể.

<sup>22</sup> Tǝ tǝp sa-âm Yê-su tâng vil Yaru-salem sâng noau pai clúng cũai tâng vil Anti-ôt sa-âm Yê-su, ngkíq alóí ǝn Ba-naba pǝq sa-óh vil Anti-ôt. <sup>23</sup> Tǝ Ba-naba toâq pǝ vil ki, án hǝm Yiang Sursĩ satǝh sa-ũí ǝc bốn yǝn máh cũai tâng vil ki. Ngkíq Ba-naba sâng bǝi tể, cǝp án patáp cũai sa-âm ki yǝn alóí sa-âm pacái lúq ẽn, cǝp puai ǝng ngê Yê-su Crít sâng. <sup>24</sup> Ba-naba la cũai mantoat o lúq. Án sa-âm Yê-su Crít pacái lúq. Cǝp Raviei Yiang Sursĩ cǝt sǝt tâng mút pahǝm án. Bo ki bǝn clúng cũai canǝh mut sa-âm Yê-su Crít tể.

<sup>25</sup> Vót ki, Ba-naba pǝq chuaq Salơ tâng vil Tarso. <sup>26</sup> Tǝ án ramóh Salơ, án dǝng Salơ pǝq chu vil Anti-ôt. Alóí ǝt rǝm parnoi cǝp tǝp sa-âm Yê-su tâng vil ki nheq muoi cumo. Cǝp alóí atǝng tǝp ki sa-ũí ẽn tể parnai Yiang Sursĩ. Tâng vil Anti-ôt noau mbǝiq dǝq tǝp puai ngê Yê-su la Tǝp Yê-su Crít.

<sup>27</sup> Tâng máh tangái ki bǝn máh cũai tang bǝq Yiang Sursĩ tể vil Yaru-salem pǝq chu vil Anti-

ôt. <sup>28</sup> Bữn manoaq tẽ tốp ki ramứh A-cabut. Án yuor tayúng cốp án atõng saccoaiq satoiq Raviei Yiang Sursĩ ớn án atõng. Án pai neq: Cheq ẽ toađ tangái máh cruang pũn paloõng cutrúq nãi ốq crong sana cha. Chơ ntun ẽn, lứq cõt p̄ieiq ranáq ariang án pai, bo Calôt cõt puo cũai Rô-ma. <sup>29</sup> Ngkíq tốp puai Yê-su tâng vil Anti-ôt pruam yõn práq pở yếu ca puai Yê-su tâng cruang Yudê. Maléq alóir bữn, alóir chuai máh ki. <sup>30</sup> Moâm alóir parõm práq, chơ alóir ớn Ba-naba cốp Salơ dũng asuoi práq ki yõn pở cũai sốt tốp puai Yê-su tâng cruang Yudê.

## 12

### *Hê-rôt Cachĩt Yacõ Cốp Cỗp Phi-er*

<sup>1</sup> Bo ki puo Hê-rôt táq túh coat lứq máh tốp sa-âm Yê-su. <sup>2</sup> Án yõn noau tráh Yacõ, ai Yang, toađ dau. <sup>3</sup> Tữ Hê-rôt yõn noau cachĩt Yacõ, cũai I-sarel sâng bũi lứq. Yuaq án hữm cũai I-sarel bũi tẽ ranáq nãi; ngkíq án cỗp Phi-er ẽn. Tangái ki cũai I-sarel Táq Rit Cha Bẽng Mi Ốq Crong Pluoih. <sup>4</sup> Puo Hê-rôt chóq Phi-er tâng cuaq cốp án yõn muoi chít tapoát náq tahan kĩaq Phi-er. Vót tốp I-sarel cha sanhữ Tangái Loõh,\* Hê-rôt yoc ẽ cachĩt Phi-er. <sup>5</sup> Ngkíq noau kháng Phi-er tâng cuaq tữ. Ma máh tốp sa-âm Yê-su câu sểq níc Yiang Sursĩ yõn chuai Phi-er.

---

\* **12:4** 12:4 Tangái ki alóir sanhữ tangái Yiang Sursĩ chuai yõn alóir loõh tẽ cruang Ê-yip-tô tẽ mbốq.

<sup>6</sup> Sadâu ki alói kĩaq Phi-er samoât lúq, yuaq tangái parnõ puo Hê-rôt ẽ cachĩt Phi-er. Alói yõn Phi-er bẽq mpúng dĩ bar náq cũai tahan. Alói clũong ayũng atĩ án toâq bar ntreh sái-sô. Cóp bữn tahan canõh kĩaq ngoah toong cuaq. <sup>7</sup> Ma santar bữn ranẽng Yiang Sursĩ tẽ paloõng palooh tâng cuaq cheq Phi-er. Cóp bữn poang claq chũop clõng cuaq ki. Ranẽng ki tatoah tâng bran Phi-er amoaih án yõn tamõ. Ranẽng ki pai chók Phi-er neq: “Mói yuor tayũng toâp!”

Bo ki toâp sái-sô cõt rakiãq tẽ atĩ Phi-er. <sup>8</sup> Cóp ranẽng Yiang Sursĩ atõng Phi-er neq: “Mói caléh loah au, cóp sóp loah cõp.”

Moâm Phi-er sóp cõp, chơ ranẽng Yiang Sursĩ atõng ẽn neq: “Mói sóp au tuar, chơ puai cứq.”

<sup>9</sup> Ngkíq Phi-er loõh puai ranẽng Yiang Sursĩ. Án tở dáng lúq samoât ranẽng ki dĩng án loõh tẽ cuaq, tở la án rláu mpáu sâng. <sup>10</sup> Ma toâq alói põq vót bar ntõq tahan kĩaq, cóp toâq põ ngoah toong tac loõh chu yáng tiah. Toong tac ki raplõh bữm; chơ alói loõh. Tữ alói põq tâng rana, ranẽng Yiang Sursĩ cõt biet chíq, tở bữn hữm noâng.

<sup>11</sup> Ngkíq Phi-er dáng lúq samoât ranáq ki, tở cõn án láu mpáu. Cóp án chanchóm neq: “Sanua cứq dáng samoât samõi ranáq nâi lúq pĩeiq. Lúq Yiang Sursĩ yõn ranẽng án toâq chuai amoong cứq yõn vót tẽ puo Hê-rôt cachĩt cứq, cóp yõn vót tẽ máh ranáq tốp I-sarel ẽ táq cứq.”

<sup>12</sup> Bo Phi-er noâng chanchóm tẽ ranáq ki, án toâq põ dĩng Mari, mpiq Yang Mac. Bữn clũng

cũai tẽ tốp puai Yê-su ốt rôm câu ngki. <sup>13</sup> Phi-er cucốq toong đốq arô cũai tâng đống. Bữn manoaq mansẽm táq ranáq tâng đống ki, ramứh Rô-da; án pữq nhêng yoc ẽ dáng noau cucốq toong. <sup>14</sup> Tữ mansẽm nâi sacoal samữong Phi-er, án sâng bữi lứq. Ma án khữr pớh toong yỗn Phi-er mut, yuaq coáp án lúh atỡng máh cũai tâng đống, pai Phi-er ốt tayứng yáng tiah ngoah toong. <sup>15</sup> Cũai ốt tâng đống ki pai chốq án neq: “Ngcỏh lơ mới yúh!”

Ma án ta-ỡi loah neq: “Tỡ bữn! Lứq án ốt yáng tiah ki.”

Ma alới pai loah chốq án neq: “Sưong nâi la sưong ranẽng Yiang Sursĩ ca bán kĩaq Phi-er. Tỡ cõn lứq cutõ Phi-er.”

<sup>16</sup> Ma Phi-er cucốq toong cớp arô loah sĩa yỗn alới pớh toong. Tữ alới pớh toong, alới hữm lứq Phi-er. Ngkíq alới sâng dớt lứq. <sup>17</sup> Phi-er avút atĩ sươq alới tỡ yỗn tabốq. Cớp án atỡng alới nốq toáp Yiang Sursĩ táq yỗn án bữn racláh tẽ cuaq tũ. Chơ án patáp alới neq: “Anhia atỡng loah máh ốc nâi yỗn Yacỡ cớp máh sẽm ai hái dáng tẽ.”

Moâm ki Phi-er loõh pữq chu ntốq canõh ẽn.

<sup>18</sup> Mbõiq poang rừm-rừm, tahan kĩaq cuaq ki sâng croốq lứq, yuaq tỡ dáng nốq cõt sarbiet chíq Phi-er tẽ cuaq. <sup>19</sup> Puo Hê-rôt ớn cũai pữq ravoat loah Phi-er. Ma alới tỡ ramóh. Chơ puo Hê-rôt blớh loah tahan kĩaq cuaq tũ, ma alới tỡ dáng nốq Phi-er bữn loõh tẽ cuaq. Ngkíq Hê-rôt yỗn noau cachĩt nheq máh tahan ki. Vớt ki puo

Hê-rôt loǎh tễ cruang Yudê pǒq ốt tâng vil Sê-sarê ễn.

*Yiang Sursĩ Cachĩt Hê-rôt*

<sup>20</sup> Tữ Hê-rôt ốt tâng vil Sê-sarê, bữn muoi tốp cũai tễ vil Ti-rơ cốp vil Sadôn yoc ễ ramóh án. Tễ nhữang Hê-rôt ũa lứq cốp cũai tâng bar vil ki. Ma sanua alóit yoc ratoit loah cốp Hê-rôt, yuaq alóit nhơ tễ crơng sana tễ cruang Hê-rôt nốq bữn tamooing. Ngkíq alóit táq ntốing nhữang cốp manoaq ayũng atĩ puo Hê-rôt, ramứh Ba-latut. Alóit ễq Ba-latut atốing yỗn puo Hê-rôt dáng alóit yoc ễ ốt ratoit loah cốp án. <sup>21</sup> Tâng tangái ki puo Hê-rôt tâc tampác nêuq lứq, cốp án tacu tâng cachơng puo. Án atốing santoiq o lứq yỗn cũai proai tamứng. <sup>22</sup> Tữ máh cũai proai tamứng án atốing, chơ alóit pai casang lứq: “Parnai nâi lứq tở cởn parnai cũai, ma lứq parnai yiang.”

<sup>23</sup> Bo ki toáp manoaq ranểng Yiang Sursĩ táq Hê-rôt yỗn cốt a-ĩ hập lứq. Bữn bở cha tâng púng án; chơ án cuchĩt. Yiang Sursĩ táq Hê-rôt ngkíq, yuaq án tở bữn yám noap Yiang Sursĩ.

<sup>24</sup> Vốt ki parnai Yiang Sursĩ cốt blểng lứq ễn, cốp clứng lứq cũai sa-âm parnai ki.

<sup>25</sup> Toáp Ba-naba cốp Salơ táq moâm ranáq chuai yóu tâng vil Yaru-salem, chơ alóit píp chu loah pở vil Anti-ốt. Cốp alóit dửng Yang Mac pởq cốp alóit tề.

## 13

*Raviei Yiang Sursĩ Rườh Ba-naba Cốp Salơ*



<sup>1</sup> Tõp sa-âm Yê-su tâng vil Anti-õt bũn máh cũai tang bõq Yiang Sursĩ cõp bũn cũai canõh atõng parnai Yiang Sursĩ. Ramúh alói la neq: Ba-naba, Si-mê-ôn (noau dõq án Ni-yê hõ), Lusi-ut tẽ cruang Si-rên, Mana-en (án la samoat sẽm ai puo Hê-rõt yuaq alói bar náq noau rabán parnoi bo alói noâng cacót), cõp Salơ. <sup>2</sup> Bũn muoi tangái bo alói sang toam Yiang Sursĩ cõp ót sana, Raviei Yiang Sursĩ atõng alói neq: “Anhia pác dõq miar Ba-naba cõp Salơ yõn táq máh ranáq cứq ớn alói táq.”

<sup>3</sup> Moâm alói ót sana cõp câu, chơ alói satoaq atĩ tâng Ba-naba cõp Salơ. Cõp alói ớn bar náq ki põq táq ranáq samoat Raviei Yiang Sursĩ ớn alói táq.

*Phau-lô Cõp Ba-naba Tâng Cruang Sip-rơ*

<sup>4</sup> Ngkíq Ba-naba cõp Salơ loõh tẽ ki, cõp põq chu vil Sê-lusi samoat Raviei Yiang Sursĩ ớn alói. Tẽ vil ki alói põq na tuoc chu cõn Sip-rơ. <sup>5</sup> Tũ alói toâq pữ cõn Sip-rơ, alói sãng tẽ tuoc bân vil Sa-lamít. Chơ alói mut tâng dõng sang cũai I-sarel tâng vil ki, yoc atõng parnai o tẽ Yiang Sursĩ. Dẽh Yang Mac hõ põq cõp alói dõq chuai alói. <sup>6</sup> Vót ki alói põq tadáh chũop nheq cõn Sip-rơ toau alói toâq pữ vil Baphô. Tâng vil Baphô alói ramóh manoaq cũai I-sarel ramúh Bayê-su. Án la cũai mo, cõp án la cũai táq nan tang bõq Yiang Sursĩ. Bayê-su nãi, noau dõq án Ê-luma hõ. <sup>7</sup> Ê-luma õt chuai ranáq yõn cũai sõt tâng cõn Sip-rơ, ramúh Sê-yut Phalut. Sê-yut Phalut la cũai rangoaiq lứq, cõp án arô Ba-naba cõp Salơ

yoc ẽ tamúng parnai Yiang Sursĩ. <sup>8</sup> Ma Ê-luma catáng tõ ẽq Sê-yut Phalut tamúng cốp sa-âm parnai ki. <sup>9</sup> Chơ Salơ, noau đờq ramứh Phau-lô hữ, án nhêng cloân níc chu Ê-luma. Cốp Raviei Yiang Sursĩ cõt sốt tâng mút pahỡm án. <sup>10</sup> Án pai chỏq Ê-luma neq: “Mới la cũai đờq ẽ cakéq, cốp yoc lứq raphếq rathũ. Mới la con yiang Satan. Mới yoc ẽ pupút ngê tanoang o. Nỏq mới tõ ẽq cũai puai ngê tanoang o tẽ Yiang Sursĩ? <sup>11</sup> Sanua Yiang Sursĩ táq yỗn mới cõt sũt. Tờ đáng maléq dũn nỏq tẽq mới hũm loah.”

Bo ki toáp Ê-luma cõt sũt. Chơ án chuchơ chuaq cũai ẽq noau tếc án. <sup>12</sup> Tũ cũai sốt cruang ki hũm ranáq ki, án sâng đót lứq, cốp án sa-âm Yê-su Crĩt tẽ.

### *Phau-lô Cốp Ba-naba Tâng Vil Anti-ôt Cruang Bi-sadi*

<sup>13</sup> Vốt ki Phau-lô cốp yớu án chõn tâng tuoc loỏh tẽ vil Baphô pỡq chu vil Pêr-ca tâng cruang Bam-phuli. Ớt tâng vil ki Yang Mac tõ bữn pỡq noâng cốp alới, ma án chu loah pỡ vil Yarusalem. <sup>14</sup> Chơ Ba-naba cốp Phau-lô loỏh tẽ vil Pêr-ca pỡq chu vil Anti-ôt tâng cruang Bi-sadi. Tâng Tangái Rlu alới bar náq mut rôm tâng đống sang tốp I-sarel tâng vil ki. <sup>15</sup> Moâm noau doc tẽ phếp rit Mũi-se khoiq atỡng tẽ mbỏq yỗn tốp I-sarel, cốp doc tẽ tâm saráq cũai tang bỗq Yiang Sursĩ khoiq chĩc tẽ mbỏq, alới ca ndỡm đống sang ki pai chỏq Ba-naba cốp Phau-lô neq: “Sẽm ai ơi! Khãn anhia bữn santoiq catoaih atỡng yỗn hếq

cốt rêng achôn, sêq anhia atông yôn tốp hêq dáng tê.”

<sup>16</sup> Ngkíq Phau-lô yuor tayúng cốp avút atĩ tở yôn alói tabôq. Chơ án atông alói neq: “Nheq tữh sêm ai cũai I-sarel ơ! Cốp nheq náq anhia ca yám noap Yiang Sursĩ tê, sêq anhia tamúng santoiq cứq. <sup>17</sup> Yiang Sursĩ nheq tữh cũai I-sarel sang, án toáp khoiq rươh achúc achiac hái tể mbôq. Bo alói ốt tâng cruang Ê-yip-tô, Yiang Sursĩ yôn alói cốt rứh cứng lứq. Toáq Yiang Sursĩ yôn tốp hái loõh tể cruang Ê-yip-tô, ki dũ náq cũai dáng án bữn chóc sốt toâr lứq. <sup>18</sup> Tốp I-sarel ốt tâng ntốq aiq nheq pôn chít cumo. Dốq alói tở trữh parnai Yiang Sursĩ, ma noâng Yiang Sursĩ ayooq alói. <sup>19</sup> Cốp tâng cruang Canaan, Yiang Sursĩ pupút chíq tapul cruang cũai, chơ yôn tốp hái ễn bữn ndõm nheq cutêq tâng cruang ki. <sup>20</sup> Ranáq ki cốt tâng sám pôn culám sỡng chít cumo. Vót ki Yiang Sursĩ rươh cũai dỏq rasũq tốp I-sarel, toau toáq dỡi Samu-êl, la cũai tang bỗq Yiang Sursĩ.

<sup>21</sup> “Moâm ki tốp I-sarel sêq Yiang Sursĩ yôn alói bữn puo. Ngkíq Yiang Sursĩ yôn Salơ cốt puo alói. Salơ la con samiang Ki-sơ tể tốp Ben-yamin, cốp án cốt puo nheq pôn chít cumo. <sup>22</sup> Vót ki Yiang Sursĩ táh Salơ, cốp án chớh Davĩt ễn yôn cốt puo. Yiang Sursĩ pai tể Davĩt neq:

‘Davĩt, con samiang Yê-sai, bữn muoi mút cốp cứq.

Ntróu cúq yoc án táq, án lúq táq aki.'☆

23 “Yiang Sursĩ khoiq par-ũq tẽ nhũang, án lúq yõn manoaq tẽ tống toiq Davĩt toâq chuai amoong cũai I-sarel. Manoaq nâi la Yê-su. 24 Bo Yê-su tở yũah toâq, Yang khoiq atõng yõn máh cũai I-sarel cóq roap batẽm, táq tếc alóí khoiq ngin lôih lêq cõt mút tamái ẽn. 25 Toâq Yang táq máh ranáq Yiang Sursĩ ớn án khoiq cheq ẽ moâm chơ, án pai neq: ‘Cúq la tở cõn án ca anhia ngcuang. Ma ntun nâi, án ca anhia ngcuang lúq toâq. Cúq la tở bữn p̃ieiq dẽh leh cansái cõp tẽ ayũng án, yuaq cúq bữn chóc cõt-cõt lúq.’

26 “Sẽm ai ơ! Háí ca tẽ tống toiq A-praham, cóp máh anhia ca yám noap Yiang Sursĩ, Yiang Sursĩ lúq yõn háí bữn parnai án, dõq háí noap án tẽq chuai amoong cũai. 27 Cũai proai tâng vil Yaru-salem cóp máh cũai sõt alóí hỡ, alóí tở bữn dáng Yê-su là Con Yiang Sursĩ. Cu Tangái Rlu tâng dõng sang, alóí doc tẽ tâm saráq cũai tang bõq Yiang Sursĩ khoiq chĩc tẽ mbõq, mỗ alóí tở bữn dáng ntróu tẽ máh ốc tâng tâm saráq ki. Ma toâq alóí cachĩt Yê-su, alóí táq yõn cõt rap̃ieiq samoât cũai tang bõq Yiang Sursĩ khoiq atõng. 28 Máh cũai tâng vil Yaru-salem chuaq ralíh ẽ cachĩt Yê-su, ma alóí tở ramóh muoi ốc ntróu tẽq cachĩt án. Ma nõang alóí sẽq tẽ Philat yõn án cachĩt Yê-su. 29 Toâq alóí khoiq táq moâm nheq samoât cũai tang bõq Yiang Sursĩ khoiq chĩc tẽ mbõq tẽ Yê-su, chơ alóí alíh asẽng

☆ 13:22 13:22 Samu-ẽl Muoi 13:14; Ûat Khẽn 89:20

Yê-su tễ aluang sangcáng, cốp dững túp án tâng ping. <sup>30</sup> Ma Yiang Sursĩ yỗn Yê-su tamoong loah tễ cuchĩt. <sup>31</sup> Chơ án ốt clũri muoi casai cốp alỏi ca khoiq puai án tễ cruang Cali-lê chu vil Yarusalem. Sanua, tốp nâi pỡq atỡng cũai I-sarel ca tỡ yũah dáng tễ ranáq Yê-su táq. <sup>32-33</sup> Ngkíq hếq toâq atỡng parnai o nâi yỗn anhia dáng tê, la parnai Yiang Sursĩ khoiq par-ữq cốp achúc achiac hái tễ mbỏq. Toâq Yiang Sursĩ yỗn Yê-su tamoong loah, án táq rapĩeiq máh ốc án khoiq ữq cốp achúc achiac hái. Yiang Sursĩ khoiq atỡng máh ốc nâi tâng pún bar tâm saráq Ũat Khẽn. Yiang Sursĩ pai tễ Yê-su neq:

‘Mới la Con cứq.

Tangái nâi cứq lứq cõt Mpoaq mới.’

<sup>34</sup> “Cốp muoi ntốq canõh ễn tâng tâm saráq Yiang Sursĩ, án pai tễ Yê-su neq:

‘Cứq lứq yỗn mới bữn máh ốc bốn cứq khoiq ữq cốp Davĩt tễ mbỏq chơ.’<sup>✧\*</sup>

<sup>35</sup> “Cốp bữn ntốq canõh ễn tâng tâm saráq Ũat Khẽn, Davĩt pai neq:

‘Anhia tỡ yỗn án ca bráh o lứq cõt abuoiq.’<sup>✧</sup>

<sup>36</sup> “Bo Davĩt noâng tamoong án táq máh ranáq Yiang Sursĩ ớn án táq. Ma toâq án cuchĩt, noau túp án tâng ping achúc achiac án tê. Tỡ án cõt abuoiq. <sup>37</sup> Ma Yê-su, Yiang Sursĩ yỗn án tamoong loah, cốp tỡ án tỡ bữn abuoiq ntróu. <sup>38-39</sup> Ngkíq,

---

✧ **13:34** 13:34 Ê-sai 55:3 \* **13:34** 13:34 Ốc nâi Yiang Sursĩ atỡng tễ Yê-su tamoong loah, cốp Yiang Sursĩ tỡ yỗn Yê-su cuchĩt noâng. ✧ **13:35** 13:35 Ũat Khẽn 16:10

sẽm ai oi, cúq yoc anhia dáng samoât lúq, ống manoaq Yê-su toáp têq táh lôi h anhia. Máh phễp rit Mòi-se yõn anhia, tở têq yõn anhia cõt tanoang o yáng moat Yiang Sursĩ. Ma cũai aléq sa-âm Yê-su, cũai ki lúq cõt tanoang o yáng moat Yiang Sursĩ. <sup>40</sup> Ngkíq anhia nhêng o, dỏq anhia têq viaq tẽ ramứh túh coat cũai tang bỏq Yiang Sursĩ khoi q pai tẽ mbỏq neq:

<sup>41</sup> ‘Máh anhia ca ayê ra-ac parnai Yiang Sursĩ,  
cỏq anhia tamúng yõn samoât.

Cỏq anhia sâng croỏq lúq,

cỏp cỏq anhia cuchĩt chíq,

yuaq cúq ẽ táq ranáq tâng dỡi anhia ca anhia tở  
bữn noap,

tam noau atõng anhia chơ tẽ ỏc ki.’ ”☆

<sup>42</sup> Tữ Phau-lô cỏp Ba-naba loỏh tẽ dỏng sang ki, bữn cũai sễq alói atõng loah santoi q ki toáq Tangái Rlu ntun ẽn. <sup>43</sup> Moâm alói rôm, alói miar chu. Ma bữn sa-ữi náq tẽ tốp I-sarel cỏp tẽ tốp canỏh ca puai phễp rit I-sarel, alói puai Phau-lô cỏp Ba-naba. Ngkíq Phau-lô cỏp Ba-naba táq ntõng cỏp alói, cỏp patáp alói chõi táh máh ỏc Yiang Sursĩ khoi q chuai miat alói.

<sup>44</sup> Toáq Tangái Rlu ntun ẽn, mán nheq tữ h cũai tẽ vil ki pỏq rôm yoc ẽ tamúng parnai Yiang Sursĩ. <sup>45</sup> Tữ cũai I-sarel hữm cứng lúq cũai rôm, alói sâng ũan, yuaq alói tở ẽq cũai tamúng parnai Phau-lô. Chơ alói acriei q Phau-lô. <sup>46</sup> Ma Phau-lô cỏp Ba-naba atõng clỏq lúq ẽn neq: “Cỏq hếq atõng yõn anhia cũai I-sarel tamúng parnai

Yiang Sursĩ nhũang tẽ cũai canõh. Ma anhia tở ẽq tamúng parnai nãi, samoât riang anhia tở ẽq tamoong mantái. Ngkíq sanua hếq pởq atõng cũai tở cõn cũai I-sarel ẽn. <sup>47</sup> Yiang Sursĩ toáp ón hếq táq ngkíq, cớp án pai neq:

‘Cứq chớh anhia yõn cõt samoât ốc poang yõn cũai tở cõn cũai I-sarel, dỏq nheq tữh cũai pữn paloõng cutrúq nãi bữn dáng cứq yoc ẽ chuai amoong alói.’ \*✧

<sup>48</sup> Tữ cũai tở cõn cũai I-sarel sâng parnai ki, alói sâng bũi hữr lứq, cớp alói khẽn parnai Yiang Sursĩ. Máh cũai ca Yiang Sursĩ arô yõn tamoong mantái, lứq alói sa-âm parnai ki.

<sup>49</sup> Ngkíq parnai Yiang Sursĩ cõt parhan la-ũt la-ũi chũop máh cruang ki. <sup>50</sup> Ma cũai I-sarel, pởq sasrúc chớq máh cũai sớt tâng vil ki cớp chớq máh cũai ayoaq ca sang toam Yiang Sursĩ. Cũai ayoaq ki, aléq la yám noap lứq alói. Ngkíq máh cũai I-sarel tuih Phau-lô cớp Ba-naba yõn loõh chíq tẽ cruang cutẽq alói. <sup>51</sup> Ma Phau-lô cớp Ba-naba trutrẻh phõn tẽ ayũng, táq tếc cũai tâng vil ki tở ẽq tamúng alói. Chơ alói pởq chu vil I-cuni ẽn. <sup>52</sup> Ma máh cũai khoi q sa-âm tâng vil Anti-ôt, alói sâng bũi lứq, cớp Raviei Yiang Sursĩ cõt sớt tâng mút pahõm alói.

## 14

### *Phau-lô Cớp Ba-naba Tâng Vil I-cuni*

<sup>1</sup> Tữ Phau-lô cớp Ba-naba toáp pở vil I-cuni, alói mut atõng sĩa tâng đống sang tốp I-sarel.

\* 13:47 13:47 Ê-sai 42:6; 49:6

Parnai alóí pai la blẽng lúq. Ngkíq clúng cūai tẽ tốp I-sarel cóp tẽ tốp tở cõn cūai I-sarel noap cóp sa-âm Yê-su tê. <sup>2</sup> Ma máh tốp I-sarel ca tở ẽq sa-âm parnai Yiang Sursĩ, alóí sasruc cūai tở cõn cūai I-sarel yõn alóí ùan chóq máh cūai khoiq sa-âm. <sup>3</sup> Ngkíq Phau-lô cóp Ba-naba õt atõng parnai Yiang Sursĩ dũn lúq tâng vil ki. Alóí atõng clóq lúq. Cóp Yiang Sursĩ apáh yõn cūai dáng parnai alóí pai la lúq parnai Yiang Sursĩ, yuaq án yõn alóí bũn chóc têq táq ranáq salẽh. <sup>4</sup> Ma máh cūai tâng vil ki caryoah cõt bar tốp. Muoi tốp yoc ẽ puai tốp I-sarel ca tở bũn sa-âm. Ma muoi tốp ẽn yoc ẽ puai Phau-lô cóp Ba-naba. <sup>5</sup> Chơ cūai I-sarel ca tở bũn sa-âm, kí pruum cóp cūai tở cõn cūai I-sarel cóp máh cūai sốt tâng vil, alóí pai vial Phau-lô cóp Ba-naba, cóp tám tamáu chóq alóí hữ. <sup>6</sup> Ma tữ alóí bar náq sâng ngkíq, alóí lúh aloõh chíq tẽ vil ki, pỏq chu cruang Lu-cani cóp mut tâng vil Lutơ, vil Der-bơ, cóp máh vil mpẽr ki. <sup>7</sup> Tâng máh vil ki alóí atõng parnai o tẽ Yê-su Crít.

### *Phau-lô Cóp Ba-naba Tâng Vil Lutơ*

<sup>8</sup> Tâng vil Lutơ bũn manoaq samiang yõtt ayũng tẽ mpiq án canõt. Án tở têq pupỏq. <sup>9</sup> Án tamũng tê Phau-lô atõng. Tữ Phau-lô cloãn níc chu án, Phau-lô hũm án lúq sa-âm Yiang Sursĩ têq táq bán ayũng án. <sup>10</sup> Ngkíq Phau-lô ón án casang lúq: “Mới yuor tayũng!”

Yóiq toáp án yuor. Chơ án pỏq. <sup>11</sup> Toáq cūai clúng hũm Phau-lô táq ranáq nãi, alóí pruum pai casang lúq toáq parnai alóí bũm, la parnai



Lu-cani, neq: “Yiang oiq alói bar náq nâi! Yiang samblót cõt cūai!”

<sup>12</sup> Cóp alói dõq Ba-naba la yiang Yubi-tõ. Cóp alói dõq Phau-lô la yiang Mer-curi, cõ án la cūai nghêl bõq ariang yiang ki tê. <sup>13</sup> Tõp sang yiang Yubi-tõ, alói bữn muoi lám prông cheq ramõh vil. Án ca yõng tampúc yiang ki dũng ntroõq tangcáh cóp piar pỡ ngoah toong viang vil, cõ ẽ toõng Ba-naba cóp Phau-lô. <sup>14</sup> Tữ Ba-naba cóp Phau-lô sâng tốp ki ẽ sang alói, alói háq chíq tampác bữm, táq tếc alói tỡ ẽq tốp ki táq ngkiq. Chơ alói lúh chu cūai chũng ki cóp pai casang lứq neq: “Sẽm ai ơi! Nõq anhia yoc ẽ toõng hếq?

<sup>15</sup> Hếq la cūai machõng anhia tê. Hếq toâq pỡ nâi yoc ẽ atõng anhia dáng chõi toõng noâng yiang canõh, yuaq yiang ki tỡ têq chuai anhia ntróu. Ma cóq anhia sang ống Yiang Sursĩ sâng. Ống Yiang Sursĩ toâp la Yiang tamoong níc. Lứq ống Yiang Sursĩ toâp tẽng paloõng, cutẽq, dõq, cóp dũ ramứh tâng ki. <sup>16</sup> Tâng máh dõi nhũang Yiang Sursĩ yõn nheq tốp cūai puai ngê alói bữm. <sup>17</sup> Ma noâng Yiang Sursĩ táq sa-ữi tếc o yõn nheq tữh cūai ki dáng samoât lứq, án la Yiang ca sõt lứq. Án yõn alói bữn li phũac mia cóp bữn crong sarnóh, p̄ieiq catữ. Ngkiq mút pahõm alói cõt bũi lứq.”

<sup>18</sup> Ma Phau-lô mán ẽ pê sươq alói chõi tutoõng án cóp Ba-naba.

<sup>19</sup> Tỡ bữn dũn noâng tốp I-sarel tẽ vil Anti-ôt, cruang Bi-sadi, cóp tẽ vil I-cuni, alói toâq. Alói radũng cūai proai tám tamáu chóq Phau-lô, ẽ

cachĩt án. Tũr alóĩ chanchóm pai Phau-lô khiq cuchĩt chơ, alóĩ hor aloõh tũ án yáng tiah vil. <sup>20</sup> Ma toáq tốp sa-âm Yê-su rôm mpẽr tũ Phau-lô, ngkĩq Phau-lô yuor tayúng cốp án mut loah tâng vil ki. Máh tangái parnõ ẽn Phau-lô cốp Ba-naba loõh tũ vil ki pỡq chu vil Der-bơ ẽn.

*Alóĩ Chu Pỡ Vil Anti-õt Sĩa Tâng Cruang Si-ri*

<sup>21</sup> Tâng vil Der-bơ alóĩ atõng sĩa parnai o tũ Yê-su Crĩt, cốp chũng cũai sa-âm Yê-su Crĩt tê. Moâm alóĩ atõng tâng vil Der-bơ, chơ alóĩ pĩh chu loah pỡ vil Lutrơ, vil I-cuni, cốp vil Anti-õt tâng cruang Bi-sadi. <sup>22</sup> Tâng máh vil ki Phau-lô cốp Ba-naba catoaih atõng máh cũai puai Yê-su yõn alóĩ sa-âm nheq rangũh cốp yõng pacái lứq máh ốc alóĩ khiq sa-âm chơ. Alóĩ atõng tốp ki neq: “Khân hái yoc ẽ mut tâng ntốq Yiang Sursĩ sốt, cốp hái chũuq sa-ũĩ ramũh túh coat.”

<sup>23</sup> Phau-lô cốp Ba-naba ruroh cũai tũ tốp sa-âm cu vil dõq cõt sốt tâng tốp sa-âm vil ki. Alóĩ rôm câu, cốp alóĩ ốt sana. Chơ alóĩ chiau pỡ Yiang Sursĩ máh cũai alóĩ khiq ruroh, sũq Yiang Sursĩ bán kĩaq máh cũai ki, yuaq máh cũai ki sa-âm Yiang Sursĩ samoat samoi.

<sup>24</sup> Vốt ki Phau-lô cốp Ba-naba pỡq luat cruang Bi-sadi, chơ toáq pỡ cruang Bam-phuli. <sup>25</sup> Alóĩ mut tâng vil Pêr-ca; chơ alóĩ atõng parnai o tũ Yiang Sursĩ tâng vil ki. Moâm ki alóĩ mut tâng vil A-talia ẽn; chơ alóĩ chõn tâng tuoc chu loah pỡ vil Anti-õt tâng cruang Si-ri. <sup>26</sup> Tốp sa-âm tâng vil Anti-õt khiq rôm câu yõn Phau-lô cốp Ba-naba

bo ki, nhũang alóí tở yũah pởq atởng. Tởp ki khoi q sẻq Yiang Sursĩ chuai alóí bar náq pởq táq ranáq Yiang Sursĩ rươh yỏn alóí táq. Sanua alóí bar náq khoi q táq moâm chơ máh ranáq ki. <sup>27</sup> Tở Phau-lô cớp Ba-naba toáq loah pở vil Anti-ôt, alóí parỏm loah máh tởp sa-âm Yê-su yoc atởng loah yỏn alóí ki dáng máh ranáq Yiang Sursĩ khoi q chuai alóí táq. Cớp alóí atởng tởp sa-âm ki dáng Yiang Sursĩ yỏn cũai ca tở cởn cũai I-sarel sa-âm parnai án tê. <sup>28</sup> Chơ Phau-lô cớp Ba-naba ỏt dũn cớp tởp puai Yê-su tâng vil Anti-ôt cruang Si-ri.

## 15

### *Tởp Puai Yê-su Rôm Tâng Vil Yaru-salem*

<sup>1</sup> Vớ t ki bữn cũai tẻ cruang Yudê toáq atởng tởp sa-âm Yê-su tâng vil Anti-ôt neq: “Khân cũai aléq tở yũah táq rit cú t puai phẻp rit Mỏi-se, Yiang Sursĩ lứq tở nai chuai amoong cũai ki.”

<sup>2</sup> Phau-lô cớp Ba-naba tở bữn pruam cớp ỏc ki. Ngkíq alóí rasuon la-ỏq tẻ ỏc nài cớp tởp sẻm ai tẻ cruang Yudê. Chơ máh tởp puai Yê-su tâng vil ki ỏn Phau-lô cớp Ba-naba, đẻh cũai canỏh tẻ tởp ki, pởq blớh tởp ayửng atĩ Yê-su Crít cớp máh cũai sỏt tởp puai Yê-su tâng vil Yaru-salem tẻ ỏc nài.

<sup>3</sup> Tởp sa-âm Yê-su tâng vil Anti-ôt pởq satoá tởp Phau-lô cớp Ba-naba vớ ramỏh vil yỏn alóí pởq chu vil Yaru-salem. Bo alóí pởq chu vil Yaru-salem, alóí pha cruang Phê-nasi cớp cruang Samari. Cớp alóí atởng máh cũai puai Yê-su tâng bar cruang ki, yỏn alóí dáng bữn cũai tở cởn cũai

I-sarel sa-âm tê Yê-su Crĩt. Ngkĩq từ máh cũai sa-âm Yê-su tâng bar cruang ki sâng ngkĩq, alóí sâng bũi lứq. <sup>4</sup> Từ tộp Phau-lô cốp Ba-naba toâq pở vil Yaru-salem, tộp sa-âm Yê-su tâng vil ki, dẻh tộp ayũng atĩ Yê-su cốp máh cũai sỏt canỏh, alóí cubán cusũan bũi lứq tộp Anti-ỏt ki. Chơ Phau-lô cốp Ba-naba atẻng loah tẻ máh ranáq Yiang Sursĩ yỏn alóí táq. <sup>5</sup> Ma bũn cũai tẻ tộp Pha-rasi ca khoi q sa-âm Yê-su, alóí tayũng cốp pai neq: “Máh cũai tở cởn cũai I-sarel, khân alóí yoc ẻ puai ngẻ Yê-su Crĩt, cốp alóí táq rit cứt cốp puai máh ỏc Mỏi-se patập tộp I-sarel tẻ mbỏq.”

<sup>6</sup> Ngkĩq tộp ayũng atĩ Yê-su Crĩt cốp máh cũai sỏt tộp sa-âm Yê-su, alóí rỏm sarhỏng yoc ẻ tutuai q tẻ ỏc nâi. <sup>7</sup> Alóí sarhỏng dũn lứq; chơ Phi-er yuor tayũng cốp pai chỏq alóí neq: “Sẻm ai ỏi! Khoi q anhia dáng chơ, tẻ bo ki Yiang Sursĩ rườh cứq pở q atẻng máh cũai tở cởn cũai I-sarel đỏq alóí dáng tê parnai o tẻ Yê-su Crĩt, cốp đỏq alóí sa-âm tê parnai ki. <sup>8</sup> Yiang Sursĩ dáng nheq tâng mút pahỏm cũai. Cốp từ Yiang Sursĩ yỏn cũai tở cởn cũai I-sarel bũn Raviei án machỏng án khoi q yỏn hái, ki án apáh yỏn hái dáng án ẻq máh cũai tở cởn cũai I-sarel sa-âm án tê. <sup>9</sup> Yiang Sursĩ ayooq alóí lĩ-ralĩ cốp hái tê. Cũai alẻq sa-âm án samoât samỏi, án táq yỏn mút cũai ki cứt o ẻn. <sup>10</sup> Ma sanua, nỏq anhia yoc ẻ ẻp cũai sa-âm ca tở cởn cũai I-sarel cốp puai phẻp rit coat lứq? Phẻp rit nâi, hái cốp achúc achiac hái tẻ mbỏq la tở rỏi

táq puai. <sup>11</sup> Lúq tở têq! Háı sa-âm Yiang Sursĩ chuai amoong háı cõ nhơ tẽ ốc chuai miat Yê-su Crít, Ncháu háı. Cóp Yiang Sursĩ táq machóng nâi tê yõn máh cũai tở cõn cũai I-sarel ca khoiq sa-âm Yê-su.”

<sup>12</sup> Moâm ki tốp alói tở bữn pai ntróu noâng, ma alói tamúng Ba-naba cóp Phau-lô ruaih loah tẽ máh ranáq salẽh Yiang Sursĩ táq bo alói atõng parnai án yõn cũai tở cõn cũai I-sarel. <sup>13</sup> Vót alói bar náq ki táq ntõng moâm, chơ Yacõ ẽn pai neq: “Sẽm ai ơi! Sẻq anhia tamúng santoiq cúq. <sup>14</sup> Si-môn Phi-er khoiq atõng háı chơ tẽ máh ranáq Yiang Sursĩ ruoh cũai tở cõn cũai I-sarel yõn alói cõt con acái án tê. <sup>15</sup> Máh ranáq ca toáq sanua, cũai tang bỗq Yiang Sursĩ khoiq chĩc tẽ mbỗq neq:

<sup>16</sup> ‘Bữn muoi tangái cúq lúq toáq atức loah cruang cutẻq Davít,  
samoát noau atức muoi lánq đống khoiq rúng ralốh.

Cúq lúq atức tamái viang vil  
yõn cõt samoát loah tẽ nhũang.

<sup>17</sup> Ngkíq nheq tửh cũai tâng dũ cruang têq puai ngê cúq.

Cúq táq ngkíq yõn cũai tở cõn cũai I-sarel  
têq cõt tốp cúq tê.

<sup>18</sup> Máh ốc nâi Yiang Sursĩ khoiq atõng tẽ mbỗq chơ.’ ”✧

<sup>19</sup> Yacõ pai ẽn neq: “Puai rangứh cúq la neq: Máh cũai tở cõn cũai I-sarel ca yoc ẽ puai

ngê Yiang Sursĩ, hái chõĩ táq coat alóĩ. <sup>20</sup> Ma cóq hái chĩc choaiq catoaih atõng alóĩ chõĩ cha noâng máh crong noau tutoõng. Cũai mansẽm samiang tở bữn lacuoi cayac chõĩ bẻq parnoi. Chõĩ cha sâiq charán noau éc. Cóp chõĩ cha aham charán. <sup>21</sup> Hái patâp ngkíq, yuaq cu Tangái Rlu cũai I-sarel doc níc tẻ phẻp rit Mõi-se tâng đõng sang tốp I-sarel dũ vil, tẻ dõĩ mbỏq toau toâq sanua.”

### *Saraq Cơiq Yõn Cũai Tở Cờn Cũai I-sarel*

<sup>22</sup> Moâm Yacõ atõng ngkíq, tốp ayũng atĩ Yê-su cóp máh cũai sốt tốp sa-âm Yê-su, alóĩ pruum cóp parnai Yacõ. Alóĩ ruroh bar náq, ramứh Yuda Ba-saba cóp Si-la, la cũai sốt tâng tốp puai Yê-su, yõn alóĩ bar náq pỡq chu vil Anti-ôt nứng Phaulô cóp Ba-naba.

<sup>23</sup> Ngkíq bar náq ki dứng choaiq noau chĩc neq: “Sẽm ai ơi! Hẻq la tốp ayũng atĩ Yê-su Crĩt pruum cóp máh tốp puai Yê-su tâng vil Yarusalem cóp máh cũai sốt tốp ki, đởq chĩc choaiq nâi cơiq sa-óh máh sẽm ai hẻq ca tở cờn cũai I-sarel tâng vil Anti-ôt cruang Si-ri, cóp tâng cruang Si-lasi hỡ. <sup>24</sup> Hẻq sâng yóu hẻq khoiq atõng anhia táq yõn anhia cõt saria sarnóm. Ma lứq hẻq tở bữn ỏn alóĩ ki pỡq atõng anhia ngkíq. <sup>25</sup> Ngkíq yuaq hẻq pruum ỏn bar náq tẻ tốp hẻq yõn pỡq nứng yóu hái Phaulô cóp Ba-naba toâq sa-óh anhia. <sup>26</sup> Ba-naba cóp Phaulô khoiq tở dáng sẻq trỏ chơ alóĩ chũuq noau cachĩt cõ tian alóĩ dứng parnai Yê-su Crĩt, Ncháu hái. <sup>27</sup> Ngkíq

hếq ớn Yuda cớp Si-la pớq atõng anhia, yõn anhia dáng raloaih lứq tể santoiq tâng choaiq nâi. <sup>28</sup> Raviei Yiang Sursĩ khoiq chuai hếq tềq sarhõng ốc nâi; ngkíq hếq pruum tở ểq anhia puai phễp rit coat lứq. Ma hếq chĩc yõn anhia pái põn ramứh tâng choaiq nâi yõn anhia táq puai, la neq: <sup>29</sup> Anhia chõi cha noâng crõng sana noau khoiq tutoõng. Chõi cha aham charán. Chõi cha sâiq charán noau éc. Mansẽm samiang tở bữn lacuoi cayac chõi bếq parnõi. Khân anhia trĩh máh ốc patâp nâi, anhia lứq táq pĩeiq. Máh ki toâp hếq yoc patâp anhia. Sếq Yiang Sursĩ yõn anhia ốt bán sũan ien khể níc.”

<sup>30</sup> Chơ tốp puai Yê-su tâng vil Yaru-salem ớn Yuda cớp Si-la pớq nứng Phau-lô cớp Ba-naba chu pỡ vil Anti-ôt. Tữ alới toâq pỡ vil ki, alới parõm tốp puai Yê-su cớp avõr yõn alới choaiq ki. <sup>31</sup> Tữ alới doc choaiq ki, cớp alới dáng raloaih tể máh ốc tâng ki, alới sâng bũi lứq tể ốc yóu catoaih atõng alới. <sup>32</sup> Chơ Yuda cớp Si-la atõng tốp puai Yê-su tâng vil ki yõn dáng sa-ũrĩ lứq ển ngê Yiang Sursĩ. Yuda cớp Si-la la cũai tang bõq Yiang Sursĩ tề. <sup>33</sup> Toâq Yuda cớp Si-la ốt pỡ ki khoiq dũn chơ, tốp puai Yê-su tâng vil ki carbán carsũan yõn alới chu ien khể pỡ vil Yaru-salem đõq ramóh loah máh cũai ca ớn alới pớq. <sup>34</sup> Ma Si-la noâng ể ốt loah tâng vil Anti-ôt.\* <sup>35</sup> Phau-lô cớp Ba-naba noâng ốt tâng vil Anti-ôt tề. Alới bar náq ki cớp chũng cũai canõh hỡ ốt atõng níc

---

\* **15:34** 15:34 Sa-ũrĩ tâm saráq tiaq tở bữn bữn rana 34 nâi.

parnai o tẽ Yê-su Crĩt tâng vil ki.

*Phau-lô Cóp Ba-naba Cayoah Põq Miar Rana*

<sup>36</sup> Vót máh tangái ki, Phau-lô sarhống Ba-naba neq: “Hâi! Háı põq sa-óh loah máh sêm ai tâng vil háı khoıq atõng parnai o tẽ Yê-su Crĩt bo nhũang. Háı yoc ẽ dáng alóı táq põq nõq sanua.”

<sup>37</sup> Ba-naba pruum põq, cóp ẽ dững Yang Mac põq cóp alóı tẽ. <sup>38</sup> Ma Phau-lô tở bữn pruum yõn Yang Mac põq cóp alóı, yuaq Yang Mac khoıq táh alóı tâng cruang Bam-phuli tẽ nhũang ki, cóp tở ẽq chuai noâng ranáq alóı. <sup>39</sup> Ngkıq Ba-naba cóp Phau-lô rasuon tẽ ốc nâı; chơ alóı miar põq. Ba-naba dững Yang Mac chõn tâng tuoc cóp põq chu cõn Sip-rơ. <sup>40</sup> Ma Phau-lô dững Si-la põq cóp án. Toáq moâm tốp puai Yê-su tâng vil ki câu sêq Yiang Sursĩ chuai alóı, chơ Phau-lô cóp Si-la põq tẽ. <sup>41</sup> Alóı põq pha cruang Si-ri cóp cruang Si-lasi. Alóı atõng máh tốp sa-âm Yê-su tâng cruang ki yõn sa-âm pacái lứq ẽn.

## 16

*Ti-muthê Põq Nứng Phau-lô Cóp Si-la*

<sup>1</sup> Moâm ki Phau-lô cóp Si-la põq loah chu vil Der-bơ cóp vil Lutơ. Tâng vil Lutơ alóı ramóh manoaq tẽ tốp puai Yê-su ramứh Ti-muthê. Mpiq án la cũai I-sarel ca khoıq sa-âm Yê-su. Ma mpoaq Ti-muthê la cũai Créc. <sup>2</sup> Tốp puai Yê-su tâng vil Lutơ cóp vil I-cuni, alóı khẽn Ti-muthê, pai án la cũai patoat lứq. <sup>3</sup> Ngkıq Phau-lô yoc ẽ dững Ti-muthê põq cóp alóı. Ma nhũang alóı



loõh tê vil ki, Phau-lô yõn Ti-muthê táq rit cút puai phẽp rit I-sarel. Phau-lô táq tếc ngkíq yuaq tâng sa-ũi ntóq alóí yoc ẽ pởq bữn sa-ũi cũai I-sarel. Cóp Phau-lô ngcõh alóí ki tở ẽq Ti-muthê, yuaq alóí dáng mpoaq án la cũai Créc, tở cõn cũai I-sarel. <sup>4</sup> Tữ alóí mut máh vil, alóí atõng tốp puai Yê-su tễ máh ọc tốp ayững atĩ Yê-su cóp máh cũai sốt tốp sa-âm Yê-su tâng vil Yaru-salem khoi q pruam chơ yõn cũai tở cõn cũai I-sarel têq táq puai. <sup>5</sup> Ngkíq tốp sa-âm Yê-su tâng máh vil ki sa-âm pacái lữq ẽn. Cóp cu rangái bữn sa-ũi náq cũai mut sa-âm.

*Manoaq Samiang Tễ Cruang Ma-sadôn Arô Phau-lô*

<sup>6</sup> Raviei Yiang Sursĩ tở bữn yõn Phau-lô cóp yóu án mut atõng parnai o tễ Yê-su Crít tâng cruang Asia. Ngkíq alóí pởq chu cruang Phu-rayia cóp cruang Ca-lati. <sup>7</sup> Tữ alóí toâq pở raloan cruang Mi-sia, alóí yoc ẽ mut tâng cruang Bi-thuni, ma Raviei Yiang Sursĩ tở yõn alóí mut. <sup>8</sup> Ngkíq alóí pởq luat cruang Mi-sia cóp mut tâng vil Trô-at. <sup>9</sup> Toâq sadâu Yiang Sursĩ sapáh yõn Phau-lô hữm manoaq samiang tễ cruang Ma-sadôn. Cũai ki tayững cuclõiq chók Phau-lô neq: “Sẽq mới toâq pở cruang Ma-sadôn, chuai hếq nứng!”

<sup>10</sup> Toâq Phau-lô hữm samiang ki, Phau-lô cóp yóu án, dếh cứq Luca, hếq thrũan pởq chu cruang Ma-sadôn. Hếq chanchóm lữq samoât Yiang Sursĩ yoc hếq pởq atõng parnai o tễ Yê-su Crít tâng cruang ki.

*Mansêm Ramúh Li-dia Sa-âm Yê-su Crît*

<sup>11</sup> Chơ hếq chôn tuoc tâng vil Trô-at, pởq chu cõn Samô-trasơ. Máh tangái parnở ẽn hếq toâq pở vil Nĩa-buli, cruang Ma-sadôn. <sup>12</sup> Toâq hếq sễng tễ tuoc, hếq pởq chu vil Phi-lip. Vil Phi-lip la vil toâr tâng cruang Ma-sadôn. Cũai Rô-ma cõt sốt tâng vil Phi-lip. <sup>13</sup> Toâq Tangái Rlu hếq loõh tễ vil cớp pởq chu dờq tũm. Cheq tor dờq tũm nâi tốp I-sarel dỏq rôm câu. Hếq tacu cớp atõng parnai o tễ Yê-su Crît yõn máh mansêm rôm ngki. <sup>14</sup> Tâng tốp ki bữn manoaq mansêm tễ vil Thia-turo, ramúh Li-dia. Án chếq aroaiq santúm ẽng cát o lứq. Án la cũai sang Yiang Sursĩ tê. Cớp Yiang Sursĩ pớh mút pahõm án yõn án noap ỉt máh ốc Phau-lô atõng alới. <sup>15</sup> Ngkíq Li-dia cớp nheq dõng sũ án roap batêm. Moâm ki án sễq tễ hếq neq: “Khân anhia chanchóm cứq lứq sa-âm Yê-su Crît, cứq sễq anhia mut õt tâng dõng cứq.”

Cõ án rasễq níc yõn hếq mut dõng án, yuaq ngkíq hếq mut õt dõng án.

*Phau-lô Cớp Si-la Tâng Cuaq Tũ Tâng Vil Phi-lip*

<sup>16</sup> Bữn muoi tangái, bo hếq pởq chu ntỏq hếq dỏq rôm câu, hếq ramóh manoaq mansêm sũl ca bữn yiang sâuq payõh án. Mansêm nâi cõt mo moaiq-mư, cớp ncháu án bữn sa-ữi práq tễ ranáq án táq. <sup>17</sup> Án puai Phau-lô cớp hếq, cớp án pai casang lứq neq: “Cũai nâi lứq táq ranáq Yiang Sursĩ ca sốt clũi nheq tễ canõh, cớp alới

atõng anhia tẽ ngê Yiang Sursĩ têq chuai amoong anhia.”

<sup>18</sup> Mansẽm nâi atõng ngkíq níc khoiq sa-ũĩ tangái chơ. Ma Phau-lô sàng pê tamúng án õt atõng níc ngkíq; chơ Phau-lô pih nhêng chu án, cớp pai chóq yiang sâuq ki neq: “Nhơ ramúh Yê-su Crít, cứq ớn mới loõh toáp tẽ tỗ mansẽm nâi.”

Tữ Phau-lô pai ngkíq, yiang sâuq ki loõh toáp tẽ tỗ mansẽm ki. <sup>19</sup> Tữ máh cũai ncháu mansẽm ki dáng alóí tở bữn bữn noâng práq tẽ mansẽm ki cõt mo moaiq-mư, alóí cớp Phau-lô cớp Si-la. Chơ alóí âc bar náq ki dũng chu ntốq cũai sốt õt. <sup>20</sup> Toâq alóí ramóh cũai sốt, chơ alóí atõng neq: “Bar náq nâi la cũai tẽ tỗ I-sarel. Sanua alóí radũng chũng cũai táq choac tâng vil hái. <sup>21</sup> Alóí atõng phễp rit mpha tẽ phễp rit cruang hái. Hái la cũai Rô-ma; hái tở têq puai phễp rit alóí atõng.”

<sup>22</sup> Chũng lứq cũai proai rôm parnơi ẽ táq Phau-lô cớp Si-la. Cớp cũai sốt ki ớn noau rứt tampác alóí cớp toân alóí. <sup>23</sup> Moâm noau toân hập lứq, chơ alóí nhoat amut tâng cuaq tũ. Cớp cũai sốt patâp án ca ndõm cuaq, cớq kĩaq bar náq nâi yõn samoât. <sup>24</sup> Ngkíq cũai ndõm cuaq tũ ki chóq Phau-lô cớp Si-la tâng muoi clõng cuaq ca khâm lứq. Án sacáp ayũng alóí toâq anúh.

<sup>25</sup> Sadâu ki, toâq muoi mpút, Phau-lô cớp Si-la câu cớp ũat khễn Yiang Sursĩ. Máh cũai tũ canõh tâng cuaq ki sâng alóí táq ngkíq. <sup>26</sup> Ma bo ki toáp cutẽq cacut hập lứq. Nheq cuaq ki cõt cacut cớp máh ngoah toong cuaq tũ cõt samoât noau pớh.

Máh sái-sô noau sacáp cūai tũ cõt rakiaq nheq.  
<sup>27</sup> Tũ cūai ndõm cuaq tũ ki tamõ, án hũm ngoah  
 toong raplõh. Ngkíq án thot dau tẽ sor ẽ choat tũ  
 án bũm, yuaq án chanchõm máh cūai tũ khoiq  
 racláh nheq chõ. <sup>28</sup> Ma Phau-lô pai casang lúq  
 neq: “Mói chõ yác! Nheq náq hẽq noâng tâng  
 cuaq!”

<sup>29</sup> Chõ cūai ndõm cuaq ki arô yõn noau dũng  
 tabong chu án. Án lúh amut chu cuaq chái lúq.  
 Án sâng croõq lúq cõp cangcoaih. Án sacõh racõl  
 yáng moat Phau-lô cõp Si-la. <sup>30</sup> Án dũng aloõh  
 alõi tẽ cuaq, cõp án blõh alõi neq: “Yõu õi! Cũq  
 cõq táq nõq yõn cũq bũn tamõng mantái?”

<sup>31</sup> Alõi ta-õi án neq: “Cõq mới sa-âm Yê-su,  
 Ncháu hái, chõ mới cõp dõng sũ mới lúq bũn  
 tamõng mantái.”

<sup>32</sup> Moâm ki, alõi atõng án cõp nheq dõng sũ án  
 parnai o tẽ Yê-su Crõt. <sup>33</sup> Sadâu ki noâng dĩ dõc,  
 cūai ndõm cuaq ki dũng rahâu tahâu bõc alõi.  
 Moâm án tahâu, chõ án cõp nheq dõng sũ án  
 roap batẽm. <sup>34</sup> Moâm ki án dũng Phau-lô cõp Si-  
 la mut tâng dõng án, cõp án aloõh cõng sana  
 yõn alõi cha. Án cõp nheq dõng sũ án sa-âm  
 Yiang Sursĩ; ngkíq alõi sâng bũi õh lúq.

<sup>35</sup> Toâq poang tarup parnõ, máh cūai sốt tâng  
 vil ki õn cūai põq atõng cūai ndõm cuaq tũ yõn  
 acláh Phau-lô cõp Si-la. <sup>36</sup> Chõ cūai ndõm cuaq  
 tũ ki atõng Phau-lô neq: “Máh cūai sốt õn cũq  
 acláh anhia. Sanua anhia loõh tẽ nãi. Põ léq  
 anhia ẽ põq, ki anhia põq ien khẽ nõ.”

<sup>37</sup> Ma Phau-lô atõng alói ca toâq dững parnai cūai sớt ki neq: “Hếq la cūai Rô-ma tề. Tề nhũang máh cūai sớt tở yũah radáng ọc lôi hếq, ma nõq coâp lứq alói toân hếq yõn clững cūai hữm. Cóp alói chóq hếq tâng cuaq tũ. Sanua alói yoc ẽ acláh hếq, ma alói táq clộp tở ểq cūai canõh dáng. Hếq tở bữn pruum máh cūai sớt táq ngkíq. Alói táq tở p̄ieiq chóq hếq la cūai Rô-ma. Khân alói yoc ẽ acláh hếq, cóq alói toâq acláh bữm.”

<sup>38</sup> Chơ máh cūai dững santoiq cūai sớt ki chu atõng loah cūai sớt tề máh santoiq Phau-lô patâp alói. Tữ máh cūai sớt dáng Phau-lô cóp Si-la la cūai Rô-ma, ngkíq alói sâng ngcõh lứq. <sup>39</sup> Chơ máh cūai sớt ki p̄õq toâp chu cuaq tũ s̄ẽq lôi Phau-lô cóp Si-la, cóp s̄ẽq alói loõh chíq tề vil ki. <sup>40</sup> Ngkíq Phau-lô cóp Si-la loõh tề cuaq tũ, cóp mut tâng dõng Li-dia. Tâng dõng ki alói rôm cóp atõng máh tộp puai Yê-su yõn sa-âm samoât lứq ẽn. Môam alói atõng, chơ alói loõh tề vil ki.

## 17

### *Phau-lô Cóp Si-la Tâng Vil Tê-salô-naca*

<sup>1</sup> Tữ Phau-lô cóp Si-la p̄õq luat vil Amphi-bulit cóp vil Ablô-ni, chơ alói mut vil Tê-salô-naca ẽn. Tâng vil ki bữn muoi lám dõng sang tộp I-sarel. <sup>2</sup> Cu Tangái Rlu, Phau-lô coi mut tâng dõng sang. Ngkíq yuaq án mut tâng dõng sang vil ki. Tâng pái Tangái Rlu Phau-lô atõng níc tề tâm saráq Yiang Sursĩ yõn máh cūai rôm ki. <sup>3</sup> Án atõng yõn alói dáng Crít, án ca Yiang Sursĩ ruroh dõq

chuai amoong cūai, cóq chĩuq sa-ũi túh coat cóp chĩuq cuchĩt; ma Crĩt lứq tamoong loah. Cóp án atōng alóit neq: “Yê-su, án ca cóq atōng yōn anhia dáng, án toáp la Crĩt.”

<sup>4</sup> Bữn cūai tể tộp I-sarel noap parnai ki, chơ alóit puai ngê Phau-lô cóp Si-la. Bữn cứng cūai Créc yám noap Yiang Sursĩ, alóit sa-âm Yê-su tề. Cóp bữn sa-ũi náq mansẽm ca noau yám tâng vil ki mut sa-âm tề.

<sup>5</sup> Ma cūai I-sarel ca tở ẽq sa-âm, alóit sâng ũan lứq. Ngkĩq alóit pỡq chuaq cūai loai cóp cūai pampła, yōn cūai ki sasrúc tâng vil ki. Alóit mut toáp tâng dống Yasôn, chuaq Phau-lô cóp Si-la, yuaq alóit yoc ẽ cộp bar náq ki dững chu cūai cứng. <sup>6</sup> Ma tữ alóit tở ramóh Phau-lô cóp Si-la tâng dống ki, alóit cộp Yasôn cóp máh cūai tể tộp puai Yê-su ẽn. Alóit âc aloỏh máh cūai puai Yê-su yōn ớt tayứng yáng moat cūai sớt vil ki. Chơ alóit cauq Phau-lô cóp Si-la neq: “Bar náq cūai ki mut cruang aléq, alóit táq choac tâng cruang ki. Sanua alóit mut tâng vil hái ẽn. <sup>7</sup> Cóp Yasôn yōn bar náq ki ớt tâng dống án. Alóit ki khoiq táh phễp rit puo hái, cóp alóit pai lứq bữn puo canỏh ẽn cớt sớt cruang. Ramứh puo nãi la Yê-su.”

<sup>8</sup> Toáp máh cūai proai cóp cūai sớt sâng ọc alóit cauq, nheq tữh alóit táq choac lứq ẽn. <sup>9</sup> Chơ noau ớn Yasôn cóp cūai tể tộp puai Yê-su cóq yōn práq pỡ cūai sớt, đọq pruan alóit tở bữn táq choac noâng. Moâm ki noau acláh yōn alóit chu.

*Phau-lô Cóp Yớu Án Ớt Tâng Vil Bê-rê*

10 Toâq sadâu ki, tốp puai Yê-su ớn Phau-lô cớp Si-la pớq chu vil Bê-rê ền. Tữ alới toâq vil Bê-rê, alới mut tâng đống sang tốp I-sarel vil ki. 11 Cũai I-sarel tâng vil ki bữn mút lamên hỡn tể cũai tâng vil Tê-salô-naca. Alới tamúng, cớp alới yoc ể dáng samoât lứq tể parnai Yiang Sursĩ. Ngkíq alới rien tâm saráq Yiang Sursĩ cu rangái cồ yoc ể dáng santoiq Phau-lô atỡng p̄ieiq lứq tể parnai Yiang Sursĩ, ma tỡ bữn. 12 Sa-ữi náq cũai I-sarel tâng vil ki sa-âm Yê-su Crít; cớp bữn cũai Créc hỡ sa-âm tê, đếh samiang cớp mansẽm ca noau yám noap tâng vil ki. 13 Ma tữ tốp I-sarel tâng vil Tê-salô-naca sâng Phau-lô atỡng parnai Yiang Sursĩ tâng vil Bê-rê ền, alới pớq tapun pỡ vil ki, cớp sasrúc máh cũai vil ki hỡ. 14 Ngkíq tốp puai Yê-su tâng vil ki yỗn Phau-lô loỏh toáp, cớp pớq chu tor đỡq mut. Ma Si-la cớp Ti-muthê noâng ốt tâng vil Bê-rê. 15 Bữn cũai pớq asuoi Phau-lô toâq pỡ vil Athên. Tữ alới ể pih chu, Phau-lô patáp alới yỗn atỡng Si-la cớp Ti-muthê yỗn toáp toáp pỡ án khân tềq.

### *Phau-lô Atỡng Tâng Vil Athên*

16 Bo Phau-lô ốt acoan alới bar náq Si-la cớp Ti-muthê tâng vil Athên, án hữm cũai tâng vil ki sang sa-ữi lứq rup yiang. Chơ mút pahỡm án sâng ngua lứq. 17 Ngkíq Phau-lô atỡng níc tâng đống sang tốp I-sarel. Án atỡng cũai I-sarel cớp máh cũai ca yám noap Yiang Sursĩ. Cu rangái Phau-lô atỡng tâng đống, ểq máh cũai proai ki sâng. 18 Chơ bữn cũai tể tốp Ep-curien cớp tốp

Satuoc toâq rasuon cóp án. Bar tốp ki rien tễ máh ngê rangoaiq tâng dôi nâi. Alói pai tễ Phaulô neq: “Án nâi la cũai sacũl. Án atỡng tở cõt ốc.”

Ma bữn cũai canõh pai neq: “Cõh lơ án atỡng tễ yiang ca hái tở yũah dáng.”

Alói pai ngkíq cõ Phaulô atỡng tễ Yê-su, cóp án pai Yê-su cuchĩt tamoong loah. <sup>19</sup> Cũai ki dũng asuoi Phaulô toâq muoi ntốq cũai sốt dốq ẽ sarhống. Ntốq nâi ớt tâng cóh Arêu-ba. Alói pai chốq Phaulô neq: “Hếq yoc ẽ dáng samoât samoi ramứh tamái ca mới atỡng la ntrứu? <sup>20</sup> Hếq sâng liaq lứq tễ ốc mới atỡng ki; chơ hếq yoc ẽ dáng nheq máh ramứh tễ ốc mới atỡng ki.” <sup>21</sup> (Máh cũai Athên, cóp máh cũai canõh tâng vil ki, tữ alói sâng ranáq tamái, alói ẽr áiq lứq ẽ sarhống tễ ranáq ki. Alói tở ếq táq noâng ranáq canõh.)

<sup>22</sup> Phaulô tayứng tâng ntốq alói rôm tâng cóh Arêu-ba cóp atỡng alói neq: “Cũai tâng vil Athên nâi ơi! Cứq khoi q dáng chơ anhia sang toam yiang anhia samoât samoi. <sup>23</sup> Tữ cứq pờq tâng vil anhia, cứq hữm sa-ũĩ lứq prông anhia sang sa-ũĩ thữ yiang. Cóp cứq hữm muoi lám prông noau chĩc chũq tâng ki neq: ‘Prông nâi la prông yiang ca tở yũah dáng ramứh.’ Ngkíq anhia yoc ẽ sang yiang nâi, ma anhia tở yũah dáng. Ramứh yiang nâi cứq ẽ atỡng anhia. <sup>24</sup> Yiang nâi la Yiang Sursĩ. Án toâp tễng paloõng, cóp tễng dũ ramứh tâng pũn paloõng cutrứq nâi. Án sốt nheq máh ramứh tâng pỡng paloõng cóp



tâng pưn paloõng. Lứq án tở bữn õt tâng prông atĩ cũai táq. <sup>25</sup> Hái tở têq táq ntróu chuai yõn Yiang Sursĩ, yuaq án tở bữn ốq muoi ramúh ntróu. Lứq Yiang Sursĩ toáp yõn cũai tamooing, cóp yõn cũai cõt bán rêng. Cóp án têng dũ ramúh canõh yõn cũai hữ. <sup>26</sup> Yiang Sursĩ têng dũ thữ cũai la cõt tẽ manoaq. Cóp Yiang Sursĩ yõn máh tốp cũai nãi õt dũ cruang chũop cóc cutẽq nãi. Ớng Yiang Sursĩ toáp anoat dũ thữ cũai, tangái alóı toâq cóp ntốq alóı õt, tẽ nhũang tở yũah bữn cũai ki. <sup>27</sup> Yiang Sursĩ táq ngkıq, la yõn nheq tữh cũai têq chuaq án cóp têq ramóh án. Ma Yiang Sursĩ lứq tở bữn õt yong tẽ hái. <sup>28</sup> Yiang Sursĩ toáp chuai hái yõn têq tamooing, têq pupõq, cóp têq tutáq. Ốc nãi la samoât cũai tẽ tốp anhia khoiq chĩc chơ neq: ‘Yuaq Yiang têng hái, ngkıq hái cõt con án.’ <sup>29</sup> Khãn hái lứq con Yiang Sursĩ, hái chõı chanchóm Yiang Sursĩ la samoât rup noau táq toâq yẽng, práq, tở la tamáu. Nheq ramúh ki cũai chõng táq ỉn alóı chanchóm tẽ mút alóı bữm. <sup>30</sup> Ma tẽ nhũang Yiang Sursĩ nhêng sâng cũai táq ranáq ngkıq, yuaq alóı tở yũah dáng. Ma sanua Yiang Sursĩ atõng yõn nheq tữh cũai dáng cóq alóı ngin lỏih lêq cõt mút tamái ẽn. <sup>31</sup> Yuaq Yiang Sursĩ khoiq anoat tangái chumát án ẽ yõn manoaq ca án khoiq ruroh toâq, án rasữq tanoang tapúng yõn nheq tữh cũai tâng cóc cutẽq nãi. Yiang Sursĩ khoiq yõn Yê-su tamooing loah đốq táq tếc yõn noau dáng samoât lứq án ruroh Yê-su đốq rasữq

nheq tũh cũai.”

<sup>32</sup> Tũ noau sâng parnai Phau-lô pai cũai cuchĩt tẽq tamoong loah, bũn cũai ayê ra-ac Phau-lô. Ma bũn cũai pai neq: “Ntun hẽq yoc ẽ tamúng sĩa tẽ ọc mới atõng nãi.”

<sup>33</sup> Moâm ki Phau-lô loõh tẽ ntõq ki. <sup>34</sup> Ma bũn cũai tẽ tốp ki noap cốp sa-âm, cốp alóı põq núng Phau-lô hữ. Manoaq tẽ cũai ki ramứh Dê-ni. Án la tẽ cũai sốt dõq sarhõng tâng cóh Arêu-ba. Cốp bũn manoaq mansẽm hữ sa-âm tê. Ramứh án la Da-mari. Cốp bũn cũai canõh hữ sa-âm Yê-su.

## 18

### *Phau-lô Tâng Vil Cờ-ntô*

<sup>1</sup> Vót ki Phau-lô loõh tẽ vil Athên, chơ põq chu vil Cờ-ntô ẽn. <sup>2</sup> Tâng vil ki Phau-lô ramóh manoaq samiang tẽ tốp I-sarel, ramứh Aki-la. Án la cũai tẽ cruang Pôn-tu, cốp lacuoi án la ramứh Barit-sin. Bar náq lacuoi cayac nãi mbõıq toâq pữ vil Cờ-ntô tẽ cruang I-tali, yuaq puo Calôt tuih aloõh nheq máh cũai I-sarel tẽ vil Rô-ma, cruang I-tali. Chơ Phau-lô põq sa-óh bar náq ki. <sup>3</sup> Án mut õt cốp alóı, yuaq alóı bar náq táq ranáq machõng Phau-lô tê. Alóı táq đõng toâq aroâıq; chơ chẽq đõq bũn tampác tâc sana cha. <sup>4</sup> Cu Tangái Rlu Phau-lô atõng níc tâng đõng sang tốp I-sarel, ẽq cũai I-sarel cốp cũai Créc sa-âm Yê-su Crĩt.

<sup>5</sup> Tũ Si-la cốp Ti-muthê sẽng tẽ cruang Masadôn, alóı hũm Phau-lô cutõng atõng níc tốp

I-sarel yõn dáng samoât lúq, Yê-su la án ca alói õt nguang, la án ca Yiang Sursĩ ruroh dõq chuai amoong alói. <sup>6</sup> Ma tốp I-sarel vil ki tở ẽq tamúng, cốp alói acrieiq Phau-lô. Ngkíq Phau-lô tutõh máh brẽh tẽ tampác án, táq tếc alói tở ẽq tamúng santoiq án atõng. Cốp Phau-lô atõng alói neq: “Khân anhia tở ẽq raviei anhia bữn tamoong níc cốp Yiang Sursĩ, ki tam anhia. Cúq khoiq vót chơ lỏih chỏq anhia. Sanua cúq ẽ pỏq atõng cũai tở cõn cũai I-sarel ẽn.”

<sup>7</sup> Chơ Phau-lô loõh tẽ alói cốp mut tâng dõng Ti-tiu Yutu. Yutu la cũai sang Yiang Sursĩ tê, cốp dõng án õt tũng dõng sang tốp I-sarel. <sup>8</sup> Bữn manoaq ẽn ramúh Crit-bu. Án la cũai ndõm dõng sang tốp I-sarel ki. Án cốp nheq dõng sũ án sa-âm Yê-su Crít. Cốp bữn cứng cũai Cờn-tô sâng parnai o tẽ Yê-su Crít, ki alói sa-âm cốp roap batẽm.

<sup>9</sup> Bữn muoi sadâu, Yê-su sapáh yõn Phau-lô cốp atõng án neq: “Mới chõỉ ngcõh ntróu. Cỏq mới atõng níc parnai o tẽ cúq. Mới chõỉ cubĩm bỗq. <sup>10</sup> Cúq õt níc cốp mới. Cũai aléq la tở têq táq ntróu mới. Tâng vil nâi bữn cứng cũai cõt khong cúq.”

<sup>11</sup> Ngkíq Phau-lô õt tâng vil ki nheq muoi cumo tadĩ, cốp án atõng níc parnai Yiang Sursĩ.

<sup>12</sup> Bo Cali-ô cõt sớt tâng cruang Achai, bữn máh cũai tẽ tốp I-sarel yoc ẽ táq Phau-lô. Ngkíq alói dũng Phau-lô chu Cali-ô yõn parchĩn parnai.

<sup>13</sup> Alói cauq Phau-lô neq: “Cũai nâi radũng máh

cũai sang Yiang Sursĩ, ma tở bữn p̃ieiq cớp phễp rit Yiang Sursĩ.”

14 Toâq Phau-lô ẽ ta-õi loah, Cali-ô atỡng tốp I-sarel ki neq: “Anhia tốp I-sarel ời! Khân án nâi tutuoig, tở la cachĩt cũai, tở la táq ranáq sâuq canõh, ki tẽq cứq parchĩn yõn anhia. 15 Ma khân anhia ùan cõ án atỡng parnai mpha tẽ phễp rit anhia, ki tam anhia. Cứq tở ẽq parchĩn ớc nneq.”

16 Ngkĩq cũai Cali-ô tuih aloõh alới tẽ ki. 17 Chơ máh cũai cứng ki cớp Sô-then, la cũai ndõm đồng sang tốp I-sarel tâng vil ki. Alới toân án yáng moat ntốq noau rasũq. Ma Cali-ô táq riang tở bữn hữm.

### *Phau-lô Chu Loah Pở Vil Anti-õt Tâng Cruang Si-ri*

18 Phau-lô õt tâng vil Cờ-ntô dũn tangái. Ntun ki án cubán cusũan tốp puai Yê-su pở ki, chơ án pởq na tuoc chu vil Sen-cơ ẽn. Aki-la cớp Barit-sin pởq parnơi cớp án tẽ. Tâng vil Sen-cơ, Phau-lô cũah plở án táq alống nheq, táq tẽc án khoiq par-ữq muoi ramứh cớp Yiang Sursĩ. Vớt ki, alới pái náq chõn tâng tuoc pởq chu cruang Si-ri. 19 Tở alới toâq pở vil Ê-phê-sô, Phau-lô miar pởq tẽ Aki-la cớp Barit-sin. Chơ án mut tâng đồng sang tốp I-sarel, cớp án atỡng tốp I-sarel tâng đồng sang ki. 20 Cũai ki sễq án õt dũn cớp alới, ma án miạq coâp ẽ pởq chu canõh ẽn. 21 Toâq án ẽ loõh tẽ alới, án pai neq: “Khân Yiang Sursĩ yõn, chumát cứq toâq loah pở anhia.”

Moâm án pai ngíq, án chõn tâng tuoc pǒq tẽ vil Ê-phê-sô. <sup>22</sup> Tũ án toâq pǒ vil Sê-sarê, án chõn sa-óh tǒp sa-âm Yê-su tâng vil ki. Vót ki án pǒq chu vil Anti-ôt ẽn. <sup>23</sup> Án ốt tâng vil Anti-ôt sa-ũi tangái, chơ án pǒq pha cruang Ca-lati cóp Phu-rayia. Án atõng tǒp puai Yê-su tâng bar cruang ki yõn alói sa-âm pacái lǔq ẽn.

### *Ablô Tâng Vil Ê-phê-sô Cóp Vil Côr-ntô*

<sup>24</sup> Tâng máh tangái ki, bữn manoaq ramứh Ablô toâq pǒ vil Ê-phê-sô. Án la cũai I-sarel tẽ vil Alec-santri. Santoiq án atõng la rangoaiq lǔq, cóp án dáng samoat lǔq tẽ tâm saráq Yiang Sursĩ. <sup>25</sup> Bữn cũai khoiq atõng án chơ tẽ ngê Yê-su Crít. Án bữn mút pahõm yoc atõng pǐeiq lǔq tẽ Yê-su. Ma án dáng ống tẽ ranáq batẽm Yang táq sâng. <sup>26</sup> Ablô atõng clóq lǔq tâng đõng sang tǒp I-sarel. Chơ toâq Aki-la cóp Barit-sin, sâng án atõng ngíq, alói đứng án pǒq chu đõng alói; chơ alói atõng Ablô, yõn án dáng raloaih hõn ẽn tẽ ngê Yiang Sursĩ. <sup>27</sup> Vót ki Ablô yoc ẽ pǒq chu cruang Achai ẽn. Ngíq tǒp puai Yê-su tâng vil Ê-phê-sô táq choaiq thữ yõn án đứng pǒ tǒp puai Yê-su tâng cruang Achai, yõn alói tabõp o án. Tũ Ablô toâq pǒ cruang Achai, án chuai sa-ũi lǔq máh tǒp puai Yê-su ca khoiq sa-âm cũ Yiang Sursĩ chuai miat alói. <sup>28</sup> Toâq án atõng parnai Yiang Sursĩ yõn máh cũai I-sarel, alói tữ têq suon án. Ngíq Ablô atõng tẽ tâm saráq Yiang Sursĩ

yõn alói dáng samoât lúq, Yê-su la Crít, án ca Yiang Sursĩ rườh đởq chuai amoong cũai.

## 19

### *Phau-lô Tânq Vil Ê-phê-sô*

<sup>1</sup> Bo Ablô ốt tâng vil Côr-ntô, Phau-lô ntôm pởq pha cruang án khoi q pởq tễ nhũang, chơ chu loah pở vil Ê-phê-sô. Tânq vil ki án ramóh cũai sa-âm. <sup>2</sup> Phau-lô blóh alói ki neq: “Tữ anhia sa-âm, Raviei Yiang Sursĩ mut ốt tâng mút pahõm, ma tở yũah anhia?”

Alói ta-õi án neq: “Hếq tở nai sâng loâng tễ Raviei Yiang Sursĩ.”

<sup>3</sup> Ngkíq Phau-lô blóh alói ễn neq: “Tữ anhia roap batẽm, anhia puai ngê ntróu?”

Alói ta-õi neq: “Hếq puai ngê Yang, án ca đởq táq batẽm.”

<sup>4</sup> Phau-lô atõng alói neq: “Yang lúq táq batẽm yõn cũai ca ngin lôih lêq cõt mút tamái ễn. Ma Yang atõng yõn cũai dáng alói cóq sa-âm manoaq ca toâq ntun án. Manoaq nâi la Yê-su.”

<sup>5</sup> Tữ alói sâng ngkíq, alói roap batẽm nhơ ramúh Yê-su ễn. <sup>6</sup> Toâq Phau-lô satoaq atĩ tâng alói, Raviei Yiang Sursĩ mut toâp tâng mút alói. Chơ alói táq ntõng máh parnai ca alói tở yũah rien. Cóp alói atõng tang bởq Yiang Sursĩ. <sup>7</sup> Tởp alói bữn sám muoi chít la bar náq cũai samiang.

<sup>8</sup> Nheq pái casâi Phau-lô atõng níc tâng đõng sang tởp I-sarel. Án atõng clỏq lúq parnai tễ Yiang Sursĩ cõt sốt tâng mút pahõm cũai, ễq alói

sa-âm ngê ki. <sup>9</sup> Ma bữn cũai tễ tốp alói bữn mút coang, tở ểq trĩh parnai ki. Cóp alói pai sâuq tễ ngê Yê-su Crĩt. Ngkĩq Phau-lô cóp máh cũai sa-âm loõh tễ ntốq ki, chơ mut tâng đống rien Ti-ranu ndõm. Cu rangái Phau-lô atõng tâng đống rien ki. <sup>10</sup> Phau-lô atõng tâng đống rien ki neq bar cumo. Ngkĩq neq tữh cũai tâng cruang Asia tamứng parnai o tễ Yê-su Crĩt, dếh cũai I-sarel, dếh cũai tở cõn cũai I-sarel.

### *Con Samiang Sê-va*

<sup>11</sup> Yiang Sursĩ yõn Phau-lô bữn chóc têq táq sa-ữi ranáq salễh. <sup>12</sup> Khân cũai ãt khán tở la tampác Phau-lô, chơ atót tâng tở cũai a-ĩ, lứq cũai a-ĩ ki cõt bán toáp, cóp yiang sâuq loõh toáp tễ tở alói. <sup>13</sup> Chơ bữn muoi tốp cũai I-sarel cõt mo cóp pởq chu nài chu ki yoc ể tuih aloõh chíq yiang sâuq tễ tở cũai. Alói chanchóm khân alói taléq ramứh Yê-su, alói rơi tuih aloõh yiang sâuq ariang Phau-lô táq. Ngkĩq alói ớn yiang sâuq neq: “Hếq ớn mới loõh chíq tễ tở cũai nài cõ nhơ hếq taléq ramứh Yê-su, án ca Phau-lô đốq atõng.”

<sup>14</sup> Máh cũai táq ranáq ki, la tapul náq con samiang Sê-va. Sê-va la cũai sốt tốp tểng rit sang Yiang Sursĩ. <sup>15</sup> Ma yiang sâuq ta-õi tapul náq ki neq: “Yê-su cứq dáng, cóp Phau-lô cứq saccoal, ma anhia la noau?”

<sup>16</sup> Ngkĩq cũai ca bữn yiang sâuq, án palõng chu tapul náq ki. Án rêng hõn tễ alói. Án táq alói cõt chũl hập lứq, cóp alói loõh tễ đống ki muoi rariat. <sup>17</sup> Ranáq nài cõt parchia parhan chũop

vil Ê-phê-sô. Máh cũai I-sarel, cốp máh cũai tở cõn cũai I-sarel, tữ alóí sâng ngkíq, nheq tữh alóí sâng ngcõh lứq. Cốp sa-ữi náq ẽn tâng vil ki yám noap lứq ramứh Yê-su Crít, Ncháu hái. <sup>18</sup> Bữn cứng cũai tể tốp puai Yê-su ngin kho máh lôih alóí, cốp alóí atõng yõn cũai canõh dáng alóí khoiq puai cũai mo tê. Ma sanua alóí tở ẽq puai noâng. <sup>19</sup> Sa-ữi náq tể tốp alóí táq samoát cũai mo tể nhũang. Ma sanua alóí parõm máh saráq alóí khoiq rien táq mo, chơ alóí chõng yáng moat cũai cứng. Khân tếng loah máh kia choaiq ki la sám sỡng chít ngin ọc práq dóng liang. <sup>20</sup> Ngkíq parnai o tể Yê-su Crít cõt parhan la-ữt la-ữi. Cốp parnai ki cõt blẽng lứq ẽn.

*Máh Cũai Ê-phê-sô Ừan Lứq Tốp Yê-su Crít*

<sup>21</sup> Moâm ki Phau-lô chanchóm yoc ẽ pờq pha cruang Ma-sadôn cốp cruang Achai, ẽ pờq chu vil Yaru-salem. Án pai neq: “Vót cứq pờq vil Yaru-salem, cứq yoc ẽ pờq chu vil Rô-ma ẽn.”

<sup>22</sup> Phau-lô ớn bar náq Ti-muthê cốp Ê-rat pờq nhũang án pỡ cruang Ma-sadôn. Alóí ki đốq táq ranáq chuai Phau-lô. Ma Phau-lô noâng õt loah tâng cruang Asia.

<sup>23</sup> Bo ki tâng vil Ê-phê-sô bữn cứng cũai ừan lứq chók tốp Yê-su Crít. <sup>24</sup> Bữn manoaq tâng vil ki ramứh Dê-matri. Án la cũai Chiang táq rup yiang Dian toaq práq. Án cốp yóu án bữn lơi sa-ữi lứq tể alóí chếp rup ki. <sup>25</sup> Dê-matri arô máh yóu án cốp máh cũai ca táq ranáq machớng án. Án atõng alóí neq: “Sẽm ai ơi! Anhia dáng



chơ hái khoiq bữn sa-ữi lơi tễ ranáq hái táq. <sup>26</sup> Anhia hữm cớp sâng chơ tễ ranáq cũai ramứh Phau-lô khoiq táq. Ân atỡng nheq tửh cũai neq: yiang atĩ cũai táq la tở cõn lứq yiang. Khoiq bữn cứng cũai noap santoiq Phau-lô atỡng, tở cõn ống tâng vil Ê-phê-sô nâi sâng ma chũop nheq cruang Asia hỡ. <sup>27</sup> Ốc nâi lớp lứq yõn hái. Ngcõh ranáq hái táq cõt pút miat. Cớp ngcõh tở bữn dũn noâng đống sang yiang Dian nâi tở bữn noau yám noap noâng. Sanua cứng cũai tâng cruang Asia cớp nheq cruang canõh sang yiang Dian nâi, ma ngcõh nỡ pra tở bữn noau ẽ sang noâng yiang Dian.”

<sup>28</sup> Tử máh cũai rôm ngki sâng santoiq ki, mút alới cõt nsóq. Chơ alới pai casang lứq neq: “Toâr lứq yiang Dian hái, la yiang nheq tửh cũai Ê-phê-sô sang.”

<sup>29</sup> Chơ máh cũai tâng vil ki pỡq atửng pỡq atooc, pruum hỡ casang lứq. Cớp alới cớp Cai-ut cớp Ari-tac, bar náq yớu Phau-lô ca đốq pỡq parnơi cớp án. Alới la tễ cruang Ma-sadôn. Cũai cứng đững bar náq ki chu ntốq noau đốq ẽ lơiq. <sup>30</sup> Phau-lô yoc ẽ mut tê tâng ntốq ki đốq atỡng cũai cứng ki, ma tốp puai Yê-su tở yõn án mut. <sup>31</sup> Bữn cũai sốt tâng cruang ki cõt yớu Phau-lô, án cớiq parnai sểq Phau-lô chõi mut chu ntốq cũai cứng. <sup>32</sup> Chơ máh cũai cứng ki hỡ casang lứq. Manoaq hỡ pai nneq, manoaq ẽn hỡ pai ngkíq. Ma sa-ữi náq tễ cũai cứng ki tở dáng ntrớu tễ alới rôm ngki. <sup>33</sup> Ngkíq cũai I-sarel cutól ớn Alec-sandơ yuor tayửng yáng moat

cūai cứng cóp atōng alói. Alói khoiq atōng Alec-sandơ máh ốc alói yōn án atōng máh cūai rôm ki. Ngkíq Alec-sandơ avút atĩ yōn alói chōi tabōq, yuaq án yoc ẽ atōng alói chōi ũan tốp I-sarel. <sup>34</sup> Ma tử cūai cứng ki saccoal Alec-sandơ la cūai I-sarel tê, cóp alói dáng cūai I-sarel tở bữn sang yiang Dian, alói pai casang lứq ễn mán chĩn bar adéh dũi neq: “Toâr lứq yiang Dian hái, la yiang nheq tửh cūai Ê-phê-sô sang.”

<sup>35</sup> Vót ki bữn manoaq tễ vil Ê-phê-sô, án táq saráq yōn cūai sốt tâng vil ki. Án sễq alói ốt rangiac, yuaq án atōng alói muoi ramứh neq: “Sễm ai vil Ê-phê-sô ơi! Nheq tửh cūai dáng chơ vil Ê-phê-sô bán kĩaq níc dống sang toâr yiang Dian. Cóp nheq tửh cūai dáng tê hái bán kĩaq níc rup yiang Dian ca sễng tễ paloōng. <sup>36</sup> Tở bữn noau têq suon tễ ốc nâi. Ngkíq anhia ốt o; chōi coáp nsóq mút. <sup>37</sup> Alói bar náq ca anhia khoiq dững pỡ nâi, alói tở bữn tuoiq crong ntróu tễ dống sang yiang Dian. Cóp alói tở bữn acrieiq yiang ki. <sup>38</sup> Khân Dê-matri cóp yóu án bữn ralíh ntróu, yōn alói pỡq cauq pỡ cūai sốt. Lứq tở bữn ốq cūai parchĩn parnai. <sup>39</sup> Khân anhia bữn ốc ntróu ễn, cóq anhia atōng yōn cūai sốt dáng. Ngkíq la phễp rit hái. <sup>40</sup> Ma máh anhia rôm ntốq nâi sanua, cứq ngcõh lứq cūai sốt hái chanchóm pai hái yoc ẽ cheng sốt tễ alói. Khân cūai sốt hái ma chanchóm ngkíq, nheq náq hái tở têq pai ntróu noâng.”

<sup>41</sup> Moâm cūai ki pai ngkíq, chơ án ớn máh cūai

clúng ki loõh nehq.

## 20

### *Phau-lô Põq Loah Põ Cruang Ma-sadôn*

<sup>1</sup> Toâq vil Ê-phê-sô cõt ien loah, Phau-lô arô máh tốp puai Yê-su. Án catoaih atõng alóí yõn sa-âm pacái lứq ẽn. Moâm ki Phau-lô cubán cusũan alóí, chơ án loõh pỡq chu cruang Ma-sadôn ẽn. <sup>2</sup> Án pỡq vil léq, án sa-óh tốp puai Yê-su vil ki. Cóp án catoaih atõng alóí yõn sa-âm pacái lứq ẽn. Moâm ki Phau-lô pỡq chu cruang Créc ẽn. <sup>3</sup> Án õt tâng cruang Créc nehq pái casâi. Án chanchóm yoc ẽ pỡq chu cruang Si-ri ẽn, ma án sâng noau pai tốp I-sarel yoc ẽ táq án. Ngkíq, án chanchóm o hõn án chu na cruang Ma-sadôn ẽn. <sup>4</sup> Bữn tapul náq pỡq cốp án. Ramứh tapul náq ki la neq: Sô-batê con samiang Phi-rut tẽ vil Bê-rê, Ari-tac cốp Sê-cundơ tẽ vil Tê-salô-naca, Cai-ut tẽ vil Der-bơ, Ti-chacơ cốp Trô-phim tẽ cruang Asia, cốp Ti-muthê. <sup>5</sup> Tapul náq ki pỡq nhũang cốp acoan hếq tâng vil Trô-at.\* <sup>6</sup> Moâm máh tangái tốp I-sarel Táq Rit Cha Bểng Mi Ớq Cơng Pluoih, hếq chõn tâng tuoc loõh tẽ vil Phi-lip. Vót sớng tangái, hếq toâq pỡ vil Trô-at, cốp hếq õt ngki tapul tangái.

### *Phau-lô Tâng Vil Trô-at*

---

\* **20:5** 20:5 Phau-lô khoiқ ramóh Luca tâng vil Phi-lip.

<sup>7</sup> Tangái muoi tâng tổn ki, toâq sadâu, máh tốp puai Yê-su rôm cha sanhữ loah tangái Yê-su cuchĩt. Phau-lô atỡng alói tể plở tabữ toau toâq muoi mpút. Án atỡng dũn lứq ngkíq, yuaq án chanchóm tangái parnở án yoc ẽ pởq chu canỏh ễn. <sup>8</sup> Alói rôm tâng đống ki tran pái, cớp tâng clống ki bữn sa-ữi chớp tóu. <sup>9</sup> Bữn manoaq samiang tatoam, ramứh Ớ-tic, án tacu tâng ngoah toong piang. Ma Phau-lô atỡng dũn lứq. Ngkíq cũai tatoam ki sâng lakéh lakiei, chớ án hếq tut. Moâm ki langét tháng, chớ án satooh tể ngoah toong piang tran pái ki chu cutểq. Bữn cũai pởq acốq án, ma án khoiạ cuchĩt chớ. <sup>10</sup> Phau-lô sễng kĩaú án, cớp atỡng neq: “Anhia chỡi croốq. Án lứq tamoong.”

<sup>11</sup> Chớ Phau-lô chỡn loah tâng tran pỡng. Án pĩh bẻng cớp dững nheq tữh yóu ki cha sanhữ Yê-su cuchĩt. Moâm ki án atỡng alói toau toâq poang. Poang tarựp án loỏh tể tốp ki. <sup>12</sup> Chớ máh yóu cũai tatoam ca tamoong loah ki, alói pởq asuoi án chu đống. Alói sâng bữi lứq, yuaq yóu alói bữn tamoong loah.

### *Phau-lô Cớp Yóu Án Pởq Chu Vil Mi-lê-tu Ễn*

<sup>13</sup> Tể ki Phau-lô pởq chu vil Asôt ễn. Án pởq ayững na cóh, ma hếq pởq na tuoc. Phau-lô chanchóm bo án toâq pở vil Asôt, án ẽ chỡn tuoc cớp hếq tể. <sup>14</sup> Toâq hếq ramóh loah án tâng vil Asôt, Phau-lô chỡn tuoc nứng hếq, chớ hếq pởq parnới chu vil Mi-tulen. <sup>15</sup> Máh tangái parnở ễn tuoc hếq pởq pha cruang Chi-ô. Máh tangái pra

hếq toáq pở cruang Samôt. Chơ máh tangái prái  
 hếq toáq pở vil Mi-lê-tu. <sup>16</sup> Tữ ki Phau-lô ể pởq  
 luat vil Ê-phê-sô cruang Asia. Án tở ểq ốt dũn  
 tâng cruang Asia. Án yoc ể pởq chái chu vil Yaru-  
 salem yỗn satỗm tangái tỗp I-sarel cha bũi Tangái  
 Susot.†

*Phau-lô Atỡng Cũai Sốt Tỗp Puai Yê-su Tể Vil  
 Ê-phê-sô*

<sup>17</sup> Ma tể vil Mi-lê-tu, Phau-lô cớq parnai chu  
 vil Ê-phê-sô, yỗn máh cũai sốt tỗp sa-âm Yê-su  
 tâng vil ki toáq sa-óh án pở vil Mi-lê-tu. <sup>18</sup> Tữ  
 alới toáq, Phau-lô atỡng alới neq: “Anhia khoi  
 dáng chơ nỏq cứq táq bo cứq ốt cớp anhia tể  
 tangái cứq mbỡiq mut tâng cruang Asia. <sup>19</sup> Cớp  
 anhia dáng samoât chơ, cứq táq ranáq Yiang  
 Sursĩ nheq tể mút pahỡm cứq. Cứq tở ểq noau  
 yám noap cứq. Cớp cứq yoc ể nhiam toáq noau  
 tở ểq tapun ngê Yiang Sursĩ. Anhia dáng chơ  
 cứq chiũq sa-ũi túh coat máh tỗp I-sarel táq cứq.  
<sup>20</sup> Anhia dáng tê, ốc aléq ma cõt kia yỗn anhia,  
 cứq tở bũn cutooq muoi ốc ntrớu. Cứq atỡng  
 níc anhia, tở bũn ntrớu anhia rôm cứng tở la  
 bĩq. <sup>21</sup> Cứq atỡng cũai I-sarel cớp cũai tở cỡn  
 cũai I-sarel la machớng nheq; cứq atỡng cóq  
 alới ngin lỏih lêq cõt mút tamái ển cớp sa-âm  
 samoât samỡi Yê-su, Ncháu hái. <sup>22</sup> Sanua Raviei  
 Yiang Sursĩ yỗn cứq chu pở vil Yaru-salem. Cứq  
 tở dáng ntrớu noau ể táq chỏq cứq pở ki. <sup>23</sup> Ma  
 dũ vil cứq mut, lứq Raviei Yiang Sursĩ atỡng cứq,

† **20:16** 20:16 Tangái Susot la sỡng chít tangái ntun Tangái Loỏh.

la cúq cóq ramóh sa-ũri ramúh túh coat, cóp noau chók cúq tâng cuaq tũ hỡ. <sup>24</sup> Ma máh ranáq ki, cúq tỡ bữn sâng ngcõh ntróu. Tỡ bữn ntróu cúq pút rangúh. Ma cúq yoc ẽ bữn muoi ramúh sâng. Cúq yoc ẽ táq yõn moâm máh ranáq Yê-su Crít, Ncháu hái, khoiq ón cúq táq. Ranáq nâi la atõng níc parnai o tẽ Yiang Sursĩ chuai miat.

<sup>25</sup> “Cúq khoiq atõng anhia chớ tẽ parnai Yiang Sursĩ táq sôt. Ma sanua cúq ẽ atõng anhia neq: Tẽ tangái nâi anhia tỡ bữn hữm noâng roáp cúq tâng cutêq nâi. <sup>26</sup> Ngkíq cúq atõng anhia tangái nâi samoât lứq, khân bữn cũai tẽ anhia ma tỡ ẽq sa-âm Yê-su Crít, cúq vót chớ tột tẽ óc ki. <sup>27</sup> Cúq khoiq atõng anhia chớ neq ngê Yiang Sursĩ. Cúq tỡ bữn cutooq muoi óc ntróu. <sup>28</sup> Ngkíq cóq anhia kĩaq rabán o tỡ anhia bữm. Cóp cóq anhia kĩaq rabán tộp sa-âm Yê-su samoât cũai mantán kĩaq charán cũu tẽ. Ranáq nâi la ranáq Raviei Yiang Sursĩ yõn anhia táq. Tộp sa-âm Yê-su cõt con Yiang Sursĩ cũ nhớ tẽ aham Yê-su. <sup>29</sup> Cúq dáng samoât lứq, toâq cúq loõh tẽ anhia lứq bữn cũai toâq ẽ talõh tộp anhia. Cũai ki la samoât ayoõng palõng ẽ cha máh charán cũu. <sup>30</sup> Nỡ-ra lứq bữn cũai tẽ tộp anhia toáp phéq thũ anhia. Alói táq ntõng languat laham ẽq anhia puai alói, cóp alói atõng parnai tỡ p̄ieiq. <sup>31</sup> Ngkíq cóq anhia õt o. Chõi yõn mút anhia yoc ẽ puai santoiq noau thũ. Anhia sanhữ neq pái cumo chớ cúq õt cóp anhia, cóp cúq atõng anhia neq tangái sadâu. Yuaq cúq sâng sarũiq táq lứq anhia, ngkíq cúq sâng yoc ẽ nhiam.

32 “Sanua cúq sêq Yiang Sursĩ bán kĩaq anhia. Cóp cúq sêq parnai Yiang Sursĩ chuai miat anhia bán kĩaq mút pahõm anhia. Parnai ki têt táq yõn anhia sa-âm pacái lúq ẽn, cóp yõn anhia chống tê máh mun Yiang Sursĩ thũan ẽ yõn cũai án khoiq rườh. 33 Cúq tở nai ham tĩen práq tở la tampác noau. 34 Anhia khoiq dáng chơ, atĩ cúq bũm táq ranáq yõn cúq cóp yóu cúq bũn dũ tác khám cha. 35 Cúq khoiq apáh anhia dáng cóq hái táq ranáq sarâng lúq, ki nõq hái têt chuai cũai túh cadĩt. Táq ngkíq hái lúq sanhữ loah tễ santoiq Yê-su, Ncháu hái, pai neq: ‘Khân anhia yõn cớng anhia chuai yõn cũai canõh, ốc ki la bũi hõn tễ anhia roap cớng cũai canõh chuai yõn anhia.’ ”

36 Moâm Phau-lô atõng máh santoiq ki, án sacõh racól, cóp câu parnoi cóp alói. 37-38 Chơ alói kĩa Phau-lô cóp hũn án. Alói sâng ngua lúq cóp alói nhiam cõ alói sanhữ Phau-lô atõng pai alói tở bũn hũm noâng roáp án tâng cutêq nái. Vót ki alói pởq asuoi Phau-lô toâq pở tuoc.

## 21

### *Phau-lô Chu Loah Pở Vil Yaru-salem*

1 Tữ hếq ratáh tễ yóu tâng vil Ê-phê-sô, hếq chõn tâng tuoc pởq tanoang chu cruang Côt. Tangái ntun ẽn hếq toâq pở cruang Rô-dơ. Tễ cruang ki hếq pởq chu vil Ba-tara. 2 Tễ vil ki hếq ramóh tuoc canõh pởq chu cruang Phê-nasi. 3 Hếq pởq viaq cõn Sip-rơ coah angia pũn. Cóp hếq toâq pở vil Ti-rơ tâng cruang Si-ri. Tâng vil

ki cũai ndõm tuoc ruoh cõng tẽ tuoc ki. <sup>4</sup> Tâng vil Ti-rơ hếq ramóh tốp sa-âm Yê-su, cớp hếq ốt cớp alóí tapul sadâu. Raviei Yiang Sursĩ yõn tốp sa-âm Yê-su tâng vil ki atõng Phau-lô chõỉ pớq chu vil Yaru-salem. <sup>5</sup> Ma catâm tangái tacual hếq chõn tuoc sĩa; chơ loõh tẽ alóí. Nheq dũ náq tốp sa-âm ki, mansẽm samiang, carnẽn carsai, alóí pớq satoal hếq vớt ramóh vil. Toâq tor đõq mut hếq sacóh racól cớp câu. <sup>6</sup> Moâm câu, hếq cubán cusũan tốp alóí. Chơ hếq chõn tâng tuoc, ma alóí chu loah pớ đõng alóí.

<sup>7</sup> Hếq loõh tẽ vil Ti-rơ, chơ pớq chu vil Patô-lamai. Tâng vil ki hếq mut sa-óh tốp sa-âm Yê-su, cớp hếq ốt cớp alóí muoi tangái muoi sadâu. <sup>8</sup> Máh tangái parnõ hếq loõh tẽ vil Patô-lamai pớq chu vil Sê-sarê ẽn. Tâng vil ki hếq ốt tâng đõng Phi-lip. Án la tẽ tốp alóí tapul náq ca noau ruoh yõn tampẽq cõng tac sana cha tâng vil Yaru-salem. Cớp Phi-lip pớq atõng parnai o tẽ Yê-su Crít yõn cũai canõh sâng tê. <sup>9</sup> Án bữn põn lám con cumũr la cũai atõng tang parnai Yiang Sursĩ. <sup>10</sup> Hếq ốt pớ ki pái põn tangái; chơ toâq manoaq samiang ramứh A-cabut tẽ cruang Yudê. Án la cũai tang bớq Yiang Sursĩ. <sup>11</sup> Án toâq pớ hếq, cớp án ít parnoân tẽ ngkĩng Phau-lô; chơ án chốq ayũng atĩ án bữm. Án pai neq: “Raviei Yiang Sursĩ yõn cứq pai neq: Án ca ndõm parnoân nãi, nữ-ra tốp I-sarel tâng vil Yaru-salem chốq án machóng cứq chốq ayũng atĩ cứq sanua. Cớp tốp I-sarel ẽ dũng án pớ atĩ cũai tở cõn cũai I-



sarel.”

<sup>12</sup> Toáq hếq sâng santiago nâi, hếq cốp nheq tốp sa-âm Yê-su catoaih Phau-lô chỗi pớq noâng pớ vil Yaru-salem. <sup>13</sup> Ma Phau-lô ta-ôi hếq neq: “Anhia nhiam táq ntróu? Sếq anhia chỗi catoâng cứq. Cứq tở bữn ngcõh ntróu noau chốq ayững atĩ cứq, tở la noau cachĩt cứq. Cứq tở bữn ngcõh ntróu noau táq cứq cồ cứq cleu ramứh Yê-su, Ncháu hái.”

<sup>14</sup> Ngkíq Phau-lô tở bữn trĩh parnai hếq catoaih án. Chơ hếq tở bữn pai ntróu noâng. Hếq pai bĩq neq sâng: “Tam Yiang Sursĩ. Ranáq ntróu Yiang Sursĩ yoc ể táq, lứq án táq.”

<sup>15</sup> Vót ki hếq thữan chõn chu vil Yaru-salem.

<sup>16</sup> Bữn cũai tể tốp sa-âm Yê-su tâng vil Sê-sarê pớq cốp hếq tê. Tâng vil Yaru-salem alóí dững asuoi hếq pớ dống Ma-nasôn. Ma-nasôn la cũai tể cõn Sip-rơ, cốp án sa-âm Yê-su khoiq dũn chơ.

### *Phau-lô Pớq Sa-óh Yacõ*

<sup>17</sup> Tữ hếq toáq pớ vil Yaru-salem, tốp sa-âm Yê-su tâng vil ki tabõp tabéh hếq o lứq. <sup>18</sup> Ma tangái parnõ Phau-lô cốp hếq pớq sa-óh Yacõ cốp nheq máh cũai sốt tốp sa-âm Yê-su tâng vil Yaru-salem. <sup>19</sup> Phau-lô tabõp alóí, cốp atõng alóí nheq máh ranáq Yiang Sursĩ khoiq chuai cũai tở cõn cũai I-sarel, cõ nhơ án khoiq atõng alóí. <sup>20</sup> Tữ alóí sâng Phau-lô atõng ngkíq, alóí khễn Yiang Sursĩ. Chơ alóí pai chốq Phau-lô neq: “Ai ời! Mới khoiq dáng chơ bữn sa-ữi vian náq tể tốp I-sarel khoiq sa-âm Yê-su Crít. Alóí pai nheq tữh cũai I-sarel ca puai ngê Yê-su cóq trĩh phếp rit

Môi-se hõ. <sup>21</sup> Bữn cũai cauq mới pữ cũai I-sarel, pai mới atõng tốp I-sarel tâng cruang canõh chõỉ  
 puai noâng phễp rit Môi-se, cớp chõỉ táq noâng  
 rit cút yõn con samiang alóỉ. Cớp alóỉ cauq neq  
 hõ: Pai mới atõng tỡ bữn puai noâng máh rit  
 achúc achiac háỉ, la tỡ bữn pân ntróu. <sup>22</sup> Tỡ  
 bữn dũn noâng alóỉ ca cauq mới dáng mới toâq  
 pữ vil nâỉ. Ngkíq nõq háỉ ẽ táq sanua? <sup>23</sup> Hếq  
 chanchóm o lứq la mới tamứng hếq atõng. Bữn  
 põn náq tễ tốp hếq khoỉq par-ữq muoi ramứh  
 cớp Yiang Sursĩ, ma táq tỡ yũah moâm. <sup>24</sup> Cớq  
 mới dũng põn náq nâỉ, cớp táq machớng alóỉ  
 tê puai phễp rit I-sarel, yõn anhia cõt bráh puai  
 rit. Práq ntróu põn náq ki cớq yõn, ki mới chuai  
 yõn alóỉ bữn práq. Chớ anhia têq cũah plớ anhia  
 alớng nheq, ngkíq tốp I-sarel lứq dáng samoât  
 tỡ bữn pỉeỉq noau cauq mới. Chớ alóỉ dáng mới  
 noâng puai phễp rit Môi-se tê. <sup>25</sup> Ma máh cũai  
 tỡ cõn cũai I-sarel ca khoỉq sa-âm Yê-su Crít, hếq  
 khoỉq táq choâỉq yõn alóỉ dáng, ntróu hếq yoc  
 alóỉ táq. Alóỉ cớq táq neq: chõỉ cha crớng sana  
 noau tutoõng; chõỉ cha aham; chõỉ cha charán  
 noau éc; cớp mansẽm samiang tỡ bữn lacuoi  
 cayac chõỉ bếq parnỏỉ.”

<sup>26</sup> Chớ tangáỉ ntun, Phau-lô pữq cớp põn náq  
 ki táq ariang alóỉ khoỉq par-ữq cớp Yiang Sursĩ.  
 Moâm ki án mut tâng Dống Sang Toâr yõn noau  
 dáng raloaih noâng sếq tangáỉ ẽn án táq moâm  
 ranáq án par-ữq cớp Yiang Sursĩ. Catâm tapul  
 tangáỉ ẽn alóỉ ẽ chiau sang crớng dỏq puai phễp

rit I-sarel.

*Noau Cõp Phau-lô Tânq Dõng Sang Toâr*

<sup>27</sup> Tữ cheq ẽ neq tapul tangái ki, bữn muoi tộp cũai I-sarel tẽ cruang Asia, alóí hữm Phau-lô tânq Dõng Sang Toâr. Chơ alóí sasruc máh cũai cứng ẽq alóí ùan chóq Phau-lô. Chơ cũai cứng ki cõp Phau-lô. <sup>28</sup> Cóp alóí pai casang lứq neq: “Nheq tữh cũai I-sarel ơi! Anhia chuai hẽq nứng! Cũai nâi ơiq ca pỡq chu dũ cruang atõng tỡ p̄ieiq tẽ cũai I-sarel. Án atõng tỡ p̄ieiq tẽ p̄hẽp rit Mũi-se, cõp án atõng tỡ p̄ieiq tẽ Dõng Sang Toâr hái. Án dững cũai tỡ cõn cũai I-sarel mut tânq Dõng Sang Toâr hái hỡ. Án táq ngkíq yõn dõng sang hái tỡ bữn bráh o noâng puai rit.”

<sup>29</sup> Alóí pai ngkíq, yuaq alóí khoiq hữm Phau-lô pỡq cõp Trô-phim tânq rana. Trô-phim la cũai tẽ vil Ê-phê-sô. Ngkíq alóí chanchóm Phau-lô dững Trô-phim mut tânq Dõng Sang Toâr. Ma lứq Trô-phim tỡ bữn mut tânq dõng sang. <sup>30</sup> Nheq máh cũai tânq vil ki parlõng ẽ táq Phau-lô, cõp alóí âc sadõh Phau-lô aloõh tẽ Dõng Sang Toâr. Vót alóí táq ngkíq, alóí catáih chíq ngoah toong Dõng Sang Toâr. <sup>31</sup> Nheq alóí ki táq Phau-lô ẽq yõn án cuchĩt. Ma bữn cũai pỡq atõng sõt tahan Rô-ma tânq vil Yaru-salem, pai máh cũai tânq vil táq thúc-parthác ẽ cachĩt cũai. <sup>32</sup> Cũai sõt tahan dững cũai sõt purn án cõp máh tahan pỡq cháiq lứq chu ntốq bữn srong ra-õq ramẽq ki. Tữ máh cũai cứng hữm tahan toâq, alóí tỡ bữn toân

noâng Phau-lô. <sup>33</sup> Cũai sôt tahan pờq cheq Phau-lô, cốp án ớn tahan cốp Phau-lô, cốp chỏq án toâq bar ntreh sái-sô. Moâm ki án blóh: “Án nâi la noau? Ntróu án táq?”

<sup>34</sup> Mách cũai cứng cu-ôi pai casang lứq. Án ca pai neq, án ca pai ngkíq. Ma cũai sôt tở têq sâng ớc ntróu. Ngkíq án ớn tahan dững Phau-lô chu dẫn. <sup>35</sup> Tữ alóí toâq pờ ntruang mut dẫn, máh tahan acốq Phau-lô achôn, ngcòh cũai cứng cachĩt án. <sup>36</sup> Yuaq cũai cứng ki puai cheq lứq cốp pai casang lứq: “Cachĩt chíq án!”

*Phau-lô Atõng Loah Tẽ Mách Ranáq Án Khoiq Táq*

<sup>37</sup> Tữ alóí cheq mut tâng dẫn, Phau-lô atõng cũai sôt tahan toâq parnai Créc neq: “Cứq sễq táq ntõng mahôi cốp mới.”

Cũai sôt tahan dốt lứq, cốp án blóh Phau-lô neq: “Nốq mới ma dáng parnai Créc? <sup>38</sup> Lứq tở, mới la cũai tẽ cruang Ê-yip-tô ca ẽ cheng sôt cruang nâi? Cốp mới dững pỗn ngin náq chu ntỏq aiq, chơ loõh rachĩl?”

<sup>39</sup> Ma Phau-lô ta-ôi án neq: “Tở cõn. Cứq la cũai I-sarel tẽ vil Tarso, la vil toâr tâng cruang Si-lasi. Cứq sễq mới yõn cứq táq ntõng cốp cũai cứng nâi.”

<sup>40</sup> Toâq cũai sôt ki yõn Phau-lô táq ntõng cốp cũai cứng ki, chơ Phau-lô tayứng tâng ntruang, cốp avứt atĩ yõn alóí chõĩ tabỏq. Toâq alóí õt rangiac, Phau-lô atõng alóí toâq parnai Hê-bơ, la parnai cũai I-sarel.

## 22

<sup>1</sup> Phau-lô atõng neq: “Máh cũn anhi sễm ai ời! Anhia tamúng santoiq cứq. Cứq yoc atõng anhia dáng tễ máh ranáq cứq táq.”

<sup>2</sup> Từ alói sâng Phau-lô atõng toâq parnai Hê-brơ, la parnai alói bữm, alói õt rangiac yoc ễ tamúng lứq.

Chơ Phau-lô atõng ễn neq: <sup>3</sup> “Cứq la lứq cũai I-sarel. Mpiq cứq canõt cứq tâng vil Tarso cruang Si-lasi, ma tễ bo cứq noâng cacót, cứq õt tâng vil Yaru-salem nâi. Cứq rien tễ thâi Ca-maliel yõn dáng samoât lứq tễ dũ ọc tâng phễp rit achúc achiac hái. Cóp cứq ễr áiq lứq yoc ễ puai ngê Yiang Sursĩ machóng anhia sanua. <sup>4</sup> Bo ki cứq yoc ễ pupút chíq ngê Yê-su. Ngkíq cứq cõp máh cũai ca puai ngê ki, dếh mansễm, dếh samiang, cõp chỏq alói tâng cuaq tũ yõn noau cachĩt. <sup>5</sup> Ân ca sốt neq tễ rit sang Yiang Sursĩ cõp máh cũai sốt canõh, alói ki dáng cứq pai lứq, yuaq alói toâp yõn cứq bữn choâiq têq cõp máh cũai sa-âm Yê-su tâng vil Damac. Từ cứq apáh choâiq ki yõn máh cũai sốt tộp I-sarel tâng vil ki, alói dáng lứq samoât cứq têq pỡq chuaq cõp máh cũai puai ngê Yê-su, cõp chỏq dững asuoi alói pỡ vil Yaru-salem yõn alói roap tột tâng vil ki.”

### *Phau-lô Atõng Sĩa Ân Ramóh Yê-su Tâng Rana*

<sup>6</sup> “Cheq moat mandang toâng, cứq pỡq tâng rana cheq ễ toâq vil Damac. Bo ki toâp bữn poang tễ paloõng claq asễng chu tỗ cứq. <sup>7</sup> Chơ cứq dớm tâng rana, cõp cứq sâng sường sabau

chóq cúq neq: ‘Salơ ơi! Ở Salơ! Nỗq mới táq cúq?’ <sup>8</sup> Cúq ta-ỡi srong ki neq: ‘Ncháu ơi! Anhia la noau?’ Án ta-ỡi cúq neq: ‘Cúq la Yê-su tễ vil Na-sarêt. Mới táq ngkiq tỡ p̄ieiq chóq cúq.’ <sup>9</sup> Mách cũai p̄ỏq cớp cúq, alới hữm tê poang ki, ma alới tỡ bữn sâng srong ntrớu. <sup>10</sup> Chơ cúq blớh Yê-su ẻn neq: ‘Ncháu ơi! Nỗq cúq ẻ táq sanua?’ Yê-su ta-ỡi loah cúq neq: ‘Mớỉ yuor tayứng, chơ mut tâng vil Damac. Tâng vil ki bữn cũai atỡng mới dáng ntrớu cúq yoc mới táq.’ <sup>11</sup> Tỡ poang ki claq tâng tỡ cúq, moat cúq cõt sũt chíq. Ngkiq yớu cúq tếc ayũar cúq amut tâng vil Damac.

<sup>12</sup> “Tâng vil Damac bữn manoaq samiang ramứh A-nania. Án trỡh lứq phễp rit hái, cớp tốp I-sarel tâng vil ki yám noap lứq án. <sup>13</sup> A-nania toâq atỡng cúq neq: ‘Salơ ơi! Mới la sễm ai cúq. Moat mới lứq cõt poang loah.’ Bo ki toâp moat cúq cõt poang loah, cớp cúq hữm A-nania. <sup>14</sup> Chơ án atỡng cúq ẻn neq: ‘Yiang Sursĩ achúc achiac hái sang tễ mbỏq, lứq án toâp rườh mới yỗn dáng ngê án. Án apáh yỗn mới hữm Yê-su, án ca tanoang o lứq. Cớp án rườh mới yỗn bữn sâng srong Yê-su. <sup>15</sup> Yiang Sursĩ táq ngkiq đỏq têq mới p̄ỏq atỡng nheq tữh cũai dáng tễ máh ramứh mới khiq hữm cớp sâng chơ. <sup>16</sup> Nỗq mới noâng ỡt acoan? Mới yuor tayứng toâp, chơ roap batễm, cớp mới câu sễq Yê-su táh lờih mới.’ ”

*Yê-su Ởn Phau-lô Atỡng Cũai Tỡ Cỡn Cũai I-sarel*

17-18 “Tũr cúq chu pũr vil Yaru-salem, cúq mut tâng Dóng Sang Toár yoc ẽ câu. Bo cúq câu, cúq hũm Yê-su sapáh tũ án, cốp atõng cúq neq: ‘Põq cháí! Mớí loõh sanua toáp tẽ vil Yaru-salem. Cũai õt tâng vil nâi tũ ẽq tamúng santoiq mớí atõng tẽ cúq.’ <sup>19</sup> Chơ cúq ta-õi Yê-su neq: ‘Ncháu ơi! Tõp nâi khoiq dáng chơ bo ki cúq dốq mut tâng dóng sang ẽ cốp máh cũai sa-âm Ncháu. Cốp cúq chốq alóí tâng cuaq tũ, cõ yoc ẽ cachĩt alóí. <sup>20</sup> Bo noau cachĩt Satien cõ án atõng parnai anhia, cúq lứq pruam tê cốp alóí cachĩt án. Cúq toáp õt kĩaq tampác alóí.’ <sup>21</sup> Ma Yê-su ta-õi loah cúq neq: ‘Mớí pũq cháí! Cúq ớn mớí pũq chu cruang cũai tũ cõn cũai I-sarel.’ ”

### *Cũai Sốt Tahan Yoc Ẽ Toân Phau-lô*

<sup>22</sup> Tẽ dâu lứq Phau-lô atõng cũai cứng ki, alóí tamúng samoât lứq. Ma tũ alóí sâng án pai Yê-su ớn án pũq atõng cũai tũ cõn cũai I-sarel ẽn, ki alóí tũ ẽq tamúng noâng. Cốp alóí pai casang lứq neq: “Hái táh chíq cũai nâi! Cachĩt chíq án! Tũ pĩeiq yõn án tamoong noâng tâng cutẽq nâi!”

<sup>23</sup> Bo cũai cứng ki pai casang ngkíq, alóí háq tampác bũm, cốp trứh cutẽq phõn, táq tếc alóí sâng nsóq lứq. <sup>24</sup> Chơ cũai sốt tahan ớn noau dũng amut Phau-lô tâng dõn tahan. Cốp án ớn alóí toân Phau-lô, cõ yoc ẽ dáng Phau-lô táq lỏih ntróu chốq cũai I-sarel. <sup>25</sup> Tũ alóí chốq Phau-lô ẽ toân án, Phau-lô hũm cũai sốt muoi culám tahan õt tayúng cheq án. Chơ án blóh cũai ki

neq: “Têq tở noau toân cũai proai Rô-ma khân tở yũah radáng lôi?”

<sup>26</sup> Tữ tahan ki sâng ngkíq, án pởq atởng toáp cũai sôt án neq: “Nỏq mới ẽ táq chỏq cũai nâi? Án la cũai proai cruang Rô-ma!”

<sup>27</sup> Chơ cũai sôt ki toáp toáp pở Phau-lô, cớp blớh án neq: “Mới atởng cứq samoât, mới lứq cũai proai Rô-ma tở?”

Phau-lô ta-ỡi neq: “Ớq. Cứq cũai proai Rô-ma.”

<sup>28</sup> Cũai sôt ki pai ẽn neq: “Cứq khoi q pứt práq sa-ũi lứq yoc ẽ cởt proai Rô-ma.”

Phau-lô atởng loah án neq: “Ma cứq la proai Rô-ma, yuaq mpoaq cứq la cũai proai Rô-ma.”

<sup>29</sup> Tữ alới sâng Phau-lô atởng ngkíq, máh tahan ẽ táq án loỏh lui-tui toáp. Cớp cũai sôt tahan ki sâng ngcỏh tê, cở án khoi q ớn noau chỏq Phau-lô, la cũai proai Rô-ma.

### *Phau-lô Tayứng Yáng Moat Tởp Cũai Sôt*

<sup>30</sup> Cũai sôt tahan ki yoc ẽ dáng samoât lứq nỏq tởp I-sarel yoc ẽ táq Phau-lô. Ngkíq tangái parnở, cũai sôt tahan ki ớn noau leh sái-sô tễ ayứng Phau-lô. Cớp án ớn máh cũai sôt tởp tềng rit sang Yiang Sursĩ, cớp máh cũai sôt canỏh tễ tởp I-sarel, toáp rôm muoi ntỏq. Chơ án dừng aloỏh Phau-lô yỏn tayứng yáng moat máh cũai sôt ki.

## 23

<sup>1</sup> Phau-lô cloân níc chu cũai sôt tởp I-sarel, cớp án pai neq: “Sẽm ai ới! Cứq khoi q puai ngê Yiang



Sursĩ nehq rangúh rahõ tẽ cúq noâng cõt toau toâq tangái nãi.”

<sup>2</sup> Ma tử Phau-lô pai ngkíq, A-nania, án ca sõt nehq tẽ rit sang Yiang Sursĩ, ớn cũai ớt cheq Phau-lô tapáh bõq Phau-lô. <sup>3</sup> Chơ Phau-lô pai chók án neq: “Nõ-ra Yiang Sursĩ táq mới samoât mới táq cúq sanua. Bõq mới táq ntõng samoât riang o, ma mút pahõm mới cooc lúq. Mới yoc ẽ parchĩn cúq puai phẽp rit Yiang Sursĩ, ma toâq mới ớn noau tapáh cúq, mới táq claiq phẽp rit Yiang Sursĩ.”

<sup>4</sup> Moâm Phau-lô pai ngkíq, cũai ớt cheq án blóh án neq: “Nốq mới pupap cũai sõt nehq tẽ rit sang Yiang Sursĩ?”

<sup>5</sup> Phau-lô ta-õi neq: “Sẽm ai ơi! Cúq tở bữn dáng án la cũai sõt nehq tẽ rit sang Yiang Sursĩ. Khãn cúq dáng, cúq tở bữn pai ngkíq, yuaq tâm saráq Yiang Sursĩ atõng hái neq: ‘Chõn pupap cũai sõt anhia.’ ”✧

<sup>6</sup> Phau-lô dáng máh cũai sõt ki cõt bar tốp. Muoi tốp la Sa-dusê, ma muoi tốp ẽn la Pha-rasi. Ngkíq án atõng casang lúq neq: “Sẽm ai ơi! Cúq la tẽ tốp Pha-rasi, cớp mpoaq cúq la cũai Pha-rasi tê. Hữm cúq tayúng yáng moat anhia sanua, la cõ cúq sa-âm cũai khoiq cuchĩt tẽq tamoong loah.”

<sup>7</sup> Tử cũai sõt ki sâng Phau-lô pai ngkíq, bar tốp ki rasuon ratuaq. Ngkíq alóit cõt miar mút. <sup>8</sup> Tốp Pha-rasi sa-âm cũai khoiq cuchĩt tẽq tamoong loah. Alóit sa-âm bữn ranẽng Yiang Sursĩ tẽ

✧ 23:5 23:5 Loõh Tẽ Ê-yip-tô 22:28

paloŋg. Cóp alóí sa-âm dũ náq lúq bũn raviei. Ma tốp Sa-dusê tở bũn sa-âm máh ọc ki. <sup>9</sup> Ngkíq bar tốp ki rasuon casang lúq. Bũn máh cũai yống rit tể tốp Pha-rasi yuor tayúng cóp pai neq: “Hếq tở hũm ọc ntróu cũai nâi táq lôih. Cõh lơ lúq bũn raviei tở la ranẽng Yiang Sursĩ atõng án.”

<sup>10</sup> Ngkíq bar tốp ki ralõih lúq lơ ẽn. Cũai sốt tahan ngcõh Phau-lô cuchĩt, yuaq bar tốp ki ác sarnháh án pỡq chu. Ngkíq sốt tahan ớn tahan án ác aloõh Phau-lô tể ntốq ki dũng achu pỡ dõn. <sup>11</sup> Ma sadâu ki, Yê-su toâq pỡ Phau-lô cóp atõng án neq: “Chõih ngcõh ntróu. Cúq yõn mới atõng parnai o tể cúq tâng vil Rô-ma, samoât mới khoiq atõng tâng vil Yaru-salem nâi tê.”

### *Noau Pruum Muoi Mút Yoc Ê Cachĩt Phau-lô*

<sup>12</sup> Poang tarup parnõ bũn muoi tốp cũai I-sarel, alóí pruum muoi mút tở bũn cha nguaiq ntróu toau toâq alóí bũn cachĩt Phau-lô. Alóí thể dũan ngkíq cóp yóu alóí. <sup>13</sup> Alóí ca pruum táq ngkíq, bũn clũih põn chít náq. <sup>14</sup> Alóí pỡq chu cũai sốt tốp tểng rit sang Yiang Sursĩ, cóp máh cũai sốt canõh tâng tốp I-sarel, pai neq: “Nheq náq tốp hếq khoiq thể dũan tở bũn cha nguaiq ntróu yõn toau toâq hếq bũn cachĩt Phau-lô. <sup>15</sup> Sanua sêq anhia cóp nheq tũh cũai sốt tốp I-sarel táq choaiq yõn cũai sốt tahan, ớn án dũng aloõh loah Phau-lô. Anhia táq nan ẽ blóh loah Phau-lô. Chơ hếq ớt crốq dĩ ria rana. Hếq bũn cachĩt Phau-lô nhũang án toâq pỡ anhia.”

16 Ma pñeiq ramon Phau-lô sâng alói pai ngkíq. Chơ án chu toáp pở dẫn tahan; cớp án atởng yỗn Phau-lô dáng tể máh ốc ki. 17 Phau-lô arô cũai sốt muoi culám náq tahan, cớp atởng án neq: “Mới dững asuoi samiang póng nâi pở cũai sốt nheq tữh tahan. Án bữn muoi ramứh ẽ atởng cũai sốt dáng.”

18 Ngkíq tahan ki dững ramon Phau-lô pở cũai sốt, cớp atởng án neq: “Phau-lô, án ca ốt tâng cuaq tữ, sễq cứq dững samiang póng nâi pở mới. Tatoam nâi yoc ẽ ramóh mới.”

19 Cũai sốt ki tếc atĩ samiang póng, dững án yong tể cũai canỏh, chơ blóh án: “Ntróu mới yoc atởng cứq?”

20 Cũai póng ta-ỡi neq: “Máh tốp I-sarel pruum ẽq sốt alói sễq achuaih dững asuoi loah Phau-lô pở cũai sốt alói tangái parnỏ. Alói táq nan yoc ẽ blóh loah Phau-lô. 21 Ma achuaih chỏi tamứng parnai alói. Yuaq bữn clữi pỏn chít náq khoiq thể dũan tở bữn cha nguaiq ntróu toau alói bữn cachĩt Phau-lô. Alói ẽ ốt crốq dĩ ria rana acoan Phau-lô toaq, chơ ẽ cachĩt án. Alói khoiq thữan chơ, ma noâng alói acoan achuaih ta-ỡi alói.”

22 Cũai sốt ki patáp samiang póng ki neq: “Chỏi atởng cũai canỏh dáng tể santoiq mới mbởiq atởng cứq sanua.”

Moâm án patáp ngkíq, án yỗn samiang póng ki chu.

*Tốp Tahan Dững Asuoi Phau-lô Pở Phê-lit*

<sup>23</sup> Cũai sôt tahan arô bar náq cũai sôt tahan muoi culám náq, cốp án ớn alóí neq: “Anhia thrũan đợq bar culám tahan pợq na ayũng, tapul chít tahan pợq na aséh, cốp bar culám tahan ễn yỗn đũng coih. Sadâu nâi yỗn nheq tũh anhia pợq chu vil Sê-sarê. <sup>24</sup> Anhia thrũan aséh yỗn Phau-lô ốt; chơ anhia đũng asuoi Phau-lô yỗn án toàq pợ Phê-lit, la cũai sôt cruang nâi.”

<sup>25</sup> Moâm ki cũai sôt tahan ki chĩc choaiq atõng Phê-lit neq: <sup>26</sup> “Cứq la ramứh Calôt Lusìa chĩc choaiq nâi cợq sa-óh achuaih Phê-lit. <sup>27</sup> Cứq táq choaiq nâi sễq atõng achuaih bĩq tễ cũai nâi. Tốp I-sarel cốp cốp ễ cachĩt án. Ma tũ cứq dáng án la cũai proai Rô-ma, ngkĩq cứq cốp tốp tahan cứq pợq ít án tễ ntốq alóí ễ cachĩt án. <sup>28</sup> Cứq yoc ễ dáng samoât lứq ramứh ntrớu án táq lôih chók alóí. Chơ cứq đũng amóh án cốp cũai sôt tốp I-sarel yoc ễ tamứng ntrớu alóí ễ blớh án. <sup>29</sup> Cứq dáng tốp I-sarel ũan cũai nâi, yuaq alóí chanchóm án tở bữn puai phễp rit alóí. Ma cứq tở ramóh muoi ốc lôih ntrớu án táq yỗn noau tềq chók án tâng cuaq tũ cốp cachĩt án. <sup>30</sup> Ma tũ cứq sâng tốp I-sarel pruam muoi mút yoc ễ cachĩt án dĩ ria rana, ngkĩq cứq yỗn án toàq pợ achuaih. Cốp cứq ớn tốp I-sarel pợq chu achuaih tê. Ntrớu alóí yoc ễ cauq, ki yỗn alóí cauq pợ achuaih.”

<sup>31</sup> Ngkĩq tốp tahan trĩh santoiq sôt alóí. Sadâu ki alóí đũng asuoi Phau-lô pợ vil Anti-batri. <sup>32</sup> Mách tangái parnữ ễn tahan ca pợq ayũng chu loah pợ đõn. Ma alóí ca pợq na aséh, noâng pợq

cóp Phau-lô. <sup>33</sup> Tữ alói toâq pở vil Sê-sarê, alói avoi choaiq pở cũai sôt, cóp alói chiau Phau-lô yỗn án. <sup>34</sup> Moâm cũai sôt doc choaiq ki, án blóh Phau-lô neq: “Mới tễ cruang léq?”

Phau-lô ta-ôi neq: “Cứq la cũai tễ cruang Si-lasi.”

<sup>35</sup> Tữ án sâng Phau-lô pai ngkíq, án atởng loah Phau-lô neq: “Acoan cũai ca cauq mới toâq pở nâi voai, cứq yoc tamứng ỏc ntrứu mới ể atởng cứq.”

Moâm án pai ngkíq, án ớn noau kĩaq Phau-lô tâng đổng toâr puo Hê-rôt khoi q táq.

## 24

### *Tổp I-sarel Cauq Loah Phau-lô*

<sup>1</sup> Catâm sỡng tangái ntun ễn, A-nania, án ca sôt neq tễ rit sang Yiang Sursĩ, cóp cũai sôt tổp I-sarel, dẻh Tet-tulu, neq náq alói toâq pở vil Sê-sarê tê. Tet-tulu la cũai noau mian đỏq rapai chuai yỏu. Nheq tữh alói cauq Phau-lô yỗn achuaih sôt ki tamứng.

<sup>2</sup> Toâq noau đứng Phau-lô pở ntỏq alói rôm, Tet-tulu cauq Phau-lô neq:

“Cứq sẻq lỏih, cứq yoc ể táq ntởng cóp achuaih sanua. Hẻq sa-ỡn achuaih yuaq sanua hẻq bữn ỏt ien khẻ lứq. Cóp cruang hẻq cõt bủi lứq, yuaq achuaih táq ranáq o lứq yỗn cruang hẻq.

<sup>3</sup> Achuaih ỏi! Hẻq yám noap lứq achuaih, cóp hẻq sa-ỡn lứq achuaih. <sup>4</sup> Hẻq dáng achuaih sa-ữi miaq, ma hẻq sẻq táq ntởng bẻq cóp achuaih tễ Phau-lô nâi. <sup>5</sup> Cũai nâi, alẻq la tở ẻq hửm án.

Án pǝ́q cruang aléq, án talǝ́h cũai I-sarel cruang ki. Cóp án paryǝ́ng máh cũai yǝ́n puai ngé Yê-su tẽ vil Na-sarêt hǝ́. <sup>6</sup> Án táq ranáq tǝ́ pǝ́iq tâng dǝ́ng sang hếq. Yuaq ngkíq hếq cǝ́p án. <sup>7</sup> Hếq yoc ẽ parchĩn án puai phếp rit hếq. Ma Lusica sǝ́t tahan, toâq cháil lúq, cǝ́p án sadǝ́h Phaulô rêng lúq tẽ hếq.\* <sup>8</sup> Cóp Lusica ỏn hếq toâq pǝ́ achuaih hǝ́. Khân achuaih blǝ́h Phaulô, lúq achuaih dǝ́ng tẽ máh ỏc hếq atǝ́ng tẽ án la lúq pǝ́iq.”

<sup>9</sup> Moâm Tet-tulu pai ngkíq, chơ máh tǝ́p I-sarel ỏt ntǝ́q ki pai lúq pǝ́iq nheq máh ỏc ki.

### *Phaulô Cóp Phê-lit*

<sup>10</sup> Moâm ki, achuaih sǝ́t ki yǝ́n Phaulô ẽn atǝ́ng tẽ máh ỏc ki. Chơ Phaulô atǝ́ng neq: “Achuaih ỏi! Cúq dǝ́ng achuaih khoiq parchĩn clúng lúq cũai cǝ́p sa-ũi cumo chơ tâng cruang nâi. Ngkíq, achuaih ỏi, cúq bũi lúq bũn atǝ́ng santoiq nâi yǝ́n achuaih dǝ́ng. <sup>11</sup> Mbǝ́iq muoi chít la bar tangái nhũang nâi, cúq pǝ́q chu vil Yaru-salem yoc ẽ sang toam Yiang Sursĩ. Khân achuaih yoc ẽ dǝ́ng samoât samǝ́i tẽ ỏc nâi, bũn cũai canǝ́h atǝ́ng ariang cúq tẽ. <sup>12</sup> Tǝ́p I-sarel nâi tǝ́ bũn ramóh cúq rasuon cǝ́p noau tâng Dǝ́ng Sang Toâr, tǝ́ la tâng dǝ́ng sang cǝ́t, tǝ́ la ntǝ́q canǝ́h tâng vil Yaru-salem. <sup>13</sup> Ma alǝ́i chǝ́ng ẽ cauq apót cúq. Khân lúq alǝ́i bũn tẽc, ki yǝ́n alǝ́i aloǝ́h. Ma alǝ́i tǝ́ bũn bũn tẽc ntrǝ́u. <sup>14</sup> Ma

\* **24:7** 24:7 Sa-ũi tâm saráq tiaq tǝ́ bũn bũn rana 7 nâi cǝ́p muoi pún tẽ dâu rana 8.

bữn muoi ramúh lúq p̄ieiq alóí cauq. Ramúh ki la cúq puai ngê tamái yoc ẽ sang toam Yiang Sursĩ. Yiang Sursĩ la Yiang tốp hếq sang. Tốp sôt cũai I-sarel nâi chanchóm ngê tamái nâi la tở bữn p̄ieiq. Ma lúq cúq sa-âm tê dũ ramúh Mòi-se cốp cũai tang bỗq Yiang Sursĩ khoiq chĩc đốq tâng tâm saráq Yiang Sursĩ tể mbỗq. <sup>15</sup> Cốp cúq nguang Yiang Sursĩ táq yỗn cũai cuchĩt bữn tamoong loah, đêh cũai tanoang o, đêh cũai cooc machóng alóí nguang tê. <sup>16</sup> Yuaq ngkíq cúq cutóng táq ranáq o níc chóq Yiang Sursĩ cốp chóq máh cũai, đốq mút cúq tở têq tềq loah cúq.

<sup>17</sup> “Ngkíq, vót cúq p̄õq chu canõh bữn bĩq cumo, chơ cúq chu loah p̄õ vil Yaru-salem. Cúq đũng achu đêh práq đốq chuai cũai tâng cruang cúq. Cốp cúq đũng cớng ẽ chiau sang yỗn Yiang Sursĩ tê. <sup>18</sup> Ngkíq cúq mut tâng Dống Sang Toâr yoc ẽ chiau máh cớng sang ki. Cúq táq ngkíq yuaq cúq khoiq par-ũq muoi ramúh cốp Yiang Sursĩ, cốp cúq khoiq táq moâm chơ. Bo ki cúq tở bữn đũng cớng cũai mut tâng Dống Sang Toâr, cốp nheq náq hếq ốt o tâng ki. <sup>19</sup> Ma bữn muoi tốp cũai I-sarel tể cruang Asia toâq p̄õ đống sang ki. Khân cúq táq lôih ntróu chóq alóí, cốp alóí p̄õq cauq cúq p̄õ achuaih. <sup>20</sup> Ma máh cũai I-sarel ốt nnâi sanua, alóí khoiq blóh cúq chơ. Khân alóí ramóh muoi ốc ntróu cúq táq lôih chóq alóí, yỗn alóí atõng achuaih dáng. <sup>21</sup> Ma bữn muoi ramúh toâp cúq khoiq pai casang lúq yáng moat alóí. Cúq pai neq: ‘Hữm cúq tayứng yáng moat anhia sanua, la cõ cúq sa-âm cũai khoiq cuchĩt

têq tamoong loah.' ”

<sup>22</sup> Tữ achuaih Phê-lit sâng máh parnai nâi, án chanchóm yoc ẽ parchĩn loah tangái ntun ẽn. Chơ án pai neq: “Toâq Lusia, án ca sốt tahan tâng vil Yaru-salem, toâq pở nâi, cứq parchĩn loah anhia.”

Phê-lit khoiạ dáng sa-ữi chơ tễ ngê tốp puai Yê-su. <sup>23</sup> Chơ Phê-lit ớn tahan kĩaq Phau-lô tâng dống. Ma án patáp tahan chõi catáng yớu Phau-lô mut sa-óh tở la chuai án.

<sup>24</sup> Bữn bĩa tangái ẽn Phê-lit toâq loah pở ntốq án dốq parchĩn cũai. Lacuoi án, ramứh Dơ-rusi, toâq cốp án tề. Dơ-rusi la cũai I-sarel. Phê-lit ớn noau dững Phau-lô toâq pở án. Án ẽq Phau-lô atống án tễ ranáq sa-âm Yê-su Crít. <sup>25</sup> Phau-lô atống Phê-lit pai Yiang Sursĩ yoc cũai bữn mút tanoang o. Cốp Yiang Sursĩ yoc cũai têq viaq ranáq sáuq. Cốp án pai chumát Yiang Sursĩ lứq rablớh nheq tữh cũai. Tữ Phê-lit sâng máh santoiq ki, án sâng ngcõh lứq; chơ án atống Phau-lô neq: “Sanua cứq miaq. Khân nỡ pra cứq tở bữn miaq ntrớu, cứq arô loah mới, yuaq cứq yoc ẽ tamứng ẽn mới atống cứq.”

<sup>26</sup> Ma bo ki, Phê-lit nguang Phau-lô aloõh yõn án práq chang án acláh. Ngkíq yuaq án arô Phau-lô sa-ữi trỗ yõn táq ntống. <sup>27</sup> Vót bar cumo, bữn manoaq ramứh Pờ-siu Phê-tu pláih loah Phê-lit cõt sốt tâng cruang ki. Ma Phê-lit yoc tốp I-sarel ốt bũi cốp án. Ngkíq án dốq níc Phau-lô, cốp tở bữn acláh.



## 25

*Phau-lô Sêq Yõn Puo Rô-ma Toâp Pachĩn Yõn*  
*Án*

<sup>1</sup> Phê-tu cõt sõt mbõiq pái tangái sâng tâng cruang ki, chơ án loõh tẽ vil Sê-sarê põq sa-óh vil Yaru-salem. <sup>2</sup> Tâng vil ki máh cũai sõt tốp têng rit sang Yiang Sursĩ, cốp nheq máh cũai sõt tốp I-sarel, alóí cauq Phau-lô chók Phê-tu. <sup>3</sup> Alóí sêq Phê-tu yõn Phau-lô chu pỡ vil Yaru-salem, yuaq alóí khoiq pruam ẽ cachĩt Phau-lô tâng rana. <sup>4</sup> Ma Phê-tu atõng alóí neq: “Yõn Phau-lô tıng õt tũ tâng vil Sê-sarê. Tỡ bữn dũn noâng cứq chu loah pỡ vil ki. <sup>5</sup> Ngkíq anhia ớn cũai tẽ tốp anhia põq cốp cứq chu vil Sê-sarê. Khãn Phau-lô táq lỏih ntrứu chók anhia, yõn anhia cauq án pỡ ki.”

<sup>6</sup> Toâq Phê-tu õt tâng vil Yaru-salem cốp alóí sám muoi chít tangái, án chu loah pỡ vil Sê-sarê. Cốp máh tangái parnõ án mut tacu tâng ntốq đốq án parchĩn parnai. Án ớn noau dũng Phau-lô toâq pỡ án. <sup>7</sup> Tỡ Phau-lô toâq, cũai I-sarel tẽ vil Yaru-salem lavıng mpẽr Phau-lô cốp cauq án, pai án táq lỏih toâr lứq. Ma alóí chống cauq sâng; alóí ốq tếc ntrứu. <sup>8</sup> Chơ Phau-lô pai neq: “Lứq cứq tỡ bữn táq lỏih ntrứu chók phếp rit tốp I-sarel, tỡ la chók Dống Sang Toâr, tỡ la chók puo Rô-ma.”

<sup>9</sup> Ma Phê-tu chống pahõm cũai I-sarel ẽq alóí ayooq án. Ngkíq án blóh Phau-lô neq: “Mớí pruam chu pỡ vil Yaru-salem đốq cứq parchĩn anhia pỡ vil ki tỡ?”

10 Phau-lô ta-õi án neq: “Tõ p̄ieiq noau parchĩn p̄õ vil ki. Ntốq nâi toâp la lứq p̄ieiq yõn noau parchĩn cũai Rô-ma. Achuaih khoiq dáng chơ cứq tõ bữn táq ranáq sâuq ntróu chóq tốp I-sarel. 11 Khân cứq tõ bữn trĩh p̄hẽp rit anhia, ki anhia cachĩt cứq la thõi, cứq chũuq cuchĩt. Ma khân alóı cauq cứq tõ bữn p̄ieiq, ki anhia tõ tẽq chiau cứq p̄õ alóı. Sanua cứq sếq puo Rô-ma toâp parchĩn cứq.”

12 Moâm Phau-lô pai ngkıq, Phê-tu sarhống loah cớp yóu án. Chơ án pai chóq Phau-lô neq: “Mói sếq puo Rô-ma parchĩn mới, ki cứq yõn mới p̄õq chu puo Rô-ma.”

### *Phê-tu Atõng Acri-pa Tẽ Phau-lô*

13 Tõ bữn dũn tangái, puo Acri-pa cớp amuaq án, ramứh Bê-ranit, p̄õq chu vil Sê-sarê ẽ sa-óh achuaih Phê-tu. 14 Alóı bar náq õt ngki khoiq pái p̄õn tangái, chơ Phê-tu atõng puo Acri-pa tẽ Phau-lô neq: “Bữn manoaq cũai tũ p̄õ nâi tẽ tangái Phê-lit noâng cõt sốt cruang nâi. Phê-lit tõ yũah acláh án. 15 Tũ cứq p̄õq p̄õ vil Yaru-salem, máh cũai sốt tốp tẽng rit sang Yiang Sursĩ, cớp máh cũai sốt nheq sâu tẽ tốp I-sarel, nheq alóı cauq án ẽq cứq táq coat án. 16 Ma cứq ta-õi tốp I-sarel neq: ‘Rit cũai Rô-ma la neq: Tõ tẽq táq coat cũai khân tõ yũah radáng loh. Cóq bữn bar coah ramóh parnơi đõq cũai noau cauq tẽq ta-õi tẽ máh ốc noau cauq án.’ 17 Ma tũ tốp I-sarel toâq p̄õ vil Sê-sarê nâi, cứq parchĩn toâp parnai ki. Khân tangái nâi alóı toâq, ki tangái

parnõ cúq parchĩn. <sup>18</sup> Tẽ nhũang cúq chanchóm Phau-lô bũn lòi h toâr lúq. Ma tũ cúq sâng noau cauq án, cúq tũ hũm ốc ntróu lòi h toâr. <sup>19</sup> Alói cauq Phau-lô ống tẽ rit sang sâng. Cóp alói pai tẽ manoaq cũai ramúh Yê-su hõ. Alói ki pai Yê-su lúq khiq cuchĩt thánq, ma Phau-lô pai Yê-su khiq tamoong. <sup>20</sup> Ngkíq cúq dót sarnóm, tũ dáng nõq ẽ parchĩn yõn alói. Ngkíq yuaq cúq blóh Phau-lô, án pruam ẽ chu pũ vil Yaru-salem ma tũ bũn. Cúq chanchóm o lúq cúq parchĩn alói pũ vil ki. <sup>21</sup> Ma Phau-lô sũq puo Rô-ma toáp parchĩn án. Ngkíq cúq ón noau kĩaq án yõn toau toâq tangái cúq tẽq cơiq án pũ puo Rô-ma.”

<sup>22</sup> Moâm Phê-tu atõng ngkíq, Acri-pa ta-õi án neq: “Cúq yoc ẽ tamúng tê santoiq án pai.”

Chơ Phê-tu atõng Acri-pa neq: “Lúq samoât tangái parnõ mới bũn sâng santoiq án.”

<sup>23</sup> Máh tangái parnõ Acri-pa cốp Bê-ranit tác tampác nêuq o lúq, chơ alói mut tâng ntốq noau dốq rasũq. Cốp bũn máh cũai toâq hâu alói pũ dống ki. Tâng ntốq ki bũn cũai sốt tahan sa-ũĩ lúq, cốp bũn máh sốt cũai proai tâng vil ki hõ. Ngkíq Phê-tu ón noau dũng Phau-lô toâq pũ ntốq ki. <sup>24</sup> Chơ Phê-tu pai neq: “Puo Acri-pa cốp máh sũm ai cũn anhi ời! Anhia hũm cũai ca nheq tũh cũai I-sarel cauq pũ cúq. Alói cauq án tâng vil Yaru-salem cốp tâng vil nâi hõ. Alói sũq níc tẽ cúq, yõn cúq cachĩt chíq án. <sup>25</sup> Ma cúq tũ bũn ramóh ốc lòi h ntróu tẽq cachĩt án. Ma sanua án khiq sũq yõn puo Rô-ma toáp parchĩn án.

Ngkíq cúq chanchóm yoc ẽ cõiq án põ puo Rô-ma. <sup>26</sup> Ma sanua cúq tớ dáng ẽ chĩc ramũh ntróu tâng choaiq đõq atõng puo Rô-ma dáng raloaih tẽ Phau-lô táq lôih. Ngkíq cúq đũng Phau-lô põ nheq tũh anhia cõp põ puo Acri-pa. Sẽq anhia blóh án yõn dáng raloaih ốc ntróu toâp án táq lôih, ien cúq chĩc choaiq atõng yõn puo Rô-ma dáng. <sup>27</sup> Cúq chanchóm tớ bũn o khân cõiq cũai tũ põ puo Rô-ma, ma tớ bũn radáng lôih án.”

## 26

### *Phau-lô Atõng Loah Yáng Moat Acri-pa*

<sup>1</sup> Moâm Phê-tu pai ngkíq, Acri-pa pai chók Phau-lô neq: “Ntróu mới yoc ẽ táq ntõng, mới atõng sanua.”

Chơ Phau-lô avút atĩ cõp pai neq: “Puo Acri-pa ơi! <sup>2</sup> Cúq sâng bũi lúq bũn táq ntõng cõp anhia tẽ máh ốc tốp I-sarel cauq cúq. <sup>3</sup> Yuaq anhia dáng sa-ũi tẽ máh phẽp rit tốp I-sarel, cõp máh ốc cũai I-sarel đõq sarhõng. Ngkíq cúq sẽq anhia tamúng yõn samoât tẽ ốc cúq ẽ atõng anhia.

<sup>4</sup> “Máh cũai I-sarel dáng nheq tẽ máh ranáq cúq táq bo cúq noâng póng õt tâng cruang cúq, cõp tâng vil Yaru-salem. <sup>5</sup> Khân alóit yoc, tẽq alóit pai cúq la cũai Pha-rasi. Cõp anhia khoiq dáng chơ tốp Pha-rasi trĩh phẽp rit I-sarel cũi nheq tẽ tốp canõh. <sup>6</sup> Ma sanua cúq tayúng yáng moat anhia cõ tian cúq sa-âm santoiq Yiang Sursĩ khoiq par-ũq cõp achúc achiac hẽq tẽ mbõq. <sup>7</sup> Nheq tũh muoi chít la bar tốp tâng cruang I-sarel sang toam Yiang Sursĩ cu tangái sadâu. Cõp

alóí nguang níc máh óc Yiang Sursĩ khoiq ũq cóp alóí. Ngkíq puo ơ, cõ cúq nguang óc nâi, yuaq alóí ũan cúq cóp cauq cúq. <sup>8</sup> Nổq anhia sâng salêh Yiang Sursĩ têq táq yõn cũai cuchĩt cõt tamoonq loah?

<sup>9</sup> “Tễ nhũang, cúq chanchóm p̄ieiq lúq cúq táq túh coat máh cũai ca puai ngê Yê-su tễ vil Nasarêt. <sup>10</sup> Máh cũai sôt tốp tễng rit sang Yiang Sursĩ tâng vil Yaru-salem yõn cúq bữn chóc têq chóc máh tốp puai Yê-su tâng cuaq. Khân cũai sôt yoc ẽ cachĩt alóí, ki cúq pruan tê. <sup>11</sup> Khoiq sa-ũi trỗ chơ cúq táq alóí, êq alóí táh chíq ngê Yê-su cóp acrieiq ramúh án. Cúq táq ngkíq sa-ũi ntốq tâng đống sang tốp I-sarel. Cúq sâng ũan lúq chóc máh cũai sa-âm Yê-su. Cóp cúq p̄oq táq alóí tâng máh cruang canõh hữ.”

### *Phau-lô Atõng Loah Án Ramóh Yê-su Tâng Rana*

<sup>12</sup> “Bữn muoi tangái, cúq p̄oq chu vil Damac, yoc ẽ cõp máh cũai sa-âm Yê-su. Máh cũai sôt tốp tễng rit sang Yiang Sursĩ khoiq táq choaiq yõn cúq têq cõp cũai sa-âm. <sup>13</sup> Puo ơ, toâq moat mandang toâng tangái ki, bo cúq noâng p̄oq tâng rana cheq ẽ toâq p̄ vil Damac, cúq hữm poang claq tễ paloõng. Poang ki clũi poang tễ moat mandang. Án claq chũop nheq tỗ cúq cóp yóu ca p̄oq nứng cúq. <sup>14</sup> Nheq tữh hếq dóm proac prêq tâng cutêq. Cóp cúq sâng sường sabau atõng cúq toâq parnai cúq bữm, la parnai Hê-brơ neq: ‘Salơ ơ! Ở Salơ! Nổq mới táq cúq?’

Mới táq ngkíq la ariang tariac noau clóh múh  
 ẽ təc án chu tíh, ma án nhanhoar ẽ pǒq chu  
 canǒh, tǒ ẽq puai ncháu án. Mới táq ngkíq la  
 coat lúq yǒn mới. <sup>15</sup> Chơ cúq ta-õi sường ki neq:  
 ‘Ncháu ời! Anhia la noau?’ Sường ki ta-õi loah  
 cúq neq: ‘Cúq la Yê-su. Mới táq ngkíq tǒ pǐeiq  
 chók cúq. <sup>16</sup> Ma sanua mới yuor tayǔng. Cúq  
 toâq pǒ mới sanua cǒ cúq yoc mới táq ranáq cúq.  
 Cóp cúq yoc mới atǔng yǒn cũai canǒh dáng tê  
 tể máh ramúh mới hǔm sanua, cóp máh ramúh  
 cúq apáh mới nǒ-ra hǒ. <sup>17</sup> Cúq chuai mới yǒn  
 vót tể máh cũai I-sarel cóp máh cũai tǒ cǒn cũai  
 I-sarel ca ẽ táq mới. Cúq ón mới pǒq atǔng máh  
 cũai tǒ cǒn cũai I-sarel. <sup>18</sup> Toâq mới atǔng alóí  
 tể máh parnai tể cúq, lúq cúq pǒh mút pahǒm  
 alóí yǒn alóí tǔq táh chíq ngê sâuq, chơ puai ngê  
 o ẽn. Cóp cúq yǒn alóí tǒ bǔn cǒt sǔl noâng  
 yiang Satan, ma yǒn alóí puai óng ngê Yiang  
 Sursĩ sâng. Chơ cúq táh lôih alóí, cóp cúq yǒn  
 alóí chǒng tê máh mun cúq pruam ẽ yǒn cũai  
 sa-âm cúq.’ ”

*Phau-lô Atǔng Sĩa Tể Ranáq Án Khoiq Táq Chơ*

<sup>19</sup> “Ngkíq, puo Acrida ời, cúq trǐh nheq máh  
 ốc Yê-su khoiq atǔng cúq tể paloǔng. <sup>20</sup> Cúq  
 atǔng dũ náq cũai cóq alóí ngin lôih lêq cǒt mút  
 tamái ẽn, cóp cóq alóí puai óng ngê Yiang Sursĩ  
 sâng. Cóp cúq atǔng alóí cóq alóí táq ranáq  
 o níc, đǒq cũai canǒh dáng samoât samǒi alóí  
 khoiq ngin lôih lêq cǒt mút tamái ẽn. Cúq atǔng  
 máh ramúh nâi tâng vil Damac nhũang, chơ cúq

atõng ntun ên tâng vil Yaru-salem cõp tâng nheq cruang Yudê hõ. Moâm ki cứq atõng põ cruang cũai canõh ên. <sup>21</sup> Cõ cứq táq ranáq nâi yuaq cũai I-sarel cõp cứq tâng Dõng Sang Toâr, cõp ẽ cachit cứq. <sup>22</sup> Ma toau toâq tangái nâi Yiang Sursĩ chuai cứq tõi yõn noau têq cachit cứq. Ngkíq cứq têq tayúng atõng parnai o yõn nheq tũh cũai sâng, dẽh cũai toâr cõp cũai cõt. Cứq atõng loah máh parnai Yiang Sursĩ yõn na Mõi-se cõp na cũai tang bõq án tẽ mbõq atõng saccoaiq. <sup>23</sup> Alõi pai Crít, án ca Yiang Sursĩ ruoh đõq chuai amoong cũai, cõq chiũq sa-ũĩ túh coat, cõp noau cachit án. Chơ án tamoong loah nhũang tẽ cũai canõh. Án la samoât riang poang claq yõn cũai I-sarel cõp cũai tõi cõn cũai I-sarel hõ.”

<sup>24</sup> Moâm Phau-lô atõng máh santoiq ki, Phê-tu pai casang lứq neq: “Phau-lô ơi! Mới lứq cũai yúh! Cõ mới rien sa-ũĩ lứq, ngkíq yuaq mới cõt yúh!”

<sup>25</sup> Ma Phau-lô ta-õi án neq: “Achuaih Phê-tu ơi! Cứq tõi bữn yúh. Máh parnai cứq atõng la lứq pĩeiq. <sup>26</sup> Puo Acri-pa ơi! Cõ anhia dáng chơ máh ramứh nâi, ngkíq yuaq cứq khõn atõng anhia. Máh ốc nâi tõi bữn noau cutooq. Ngkíq cứq dáng anhia khoiq dáng samoât samõi máh ramứh nâi. <sup>27</sup> Puo Acri-pa ơi! Anhia lứq sa-âm máh parnai cũai tang bõq Yiang Sursĩ khoiq chĩc tõi? Cứq dáng lứq samoât anhia sa-âm tê.”

<sup>28</sup> Ma Acri-pa ta-õi Phau-lô neq: “Nõq mới atõng pahõi sâng, ma chanchóm cứq ẽ mut sa-âm Yê-su tê bõh?”

29 Chơ Phau-lô ta-đi loah án neq: “Dũn tở la mahõ, tở bữn ntróu. Cứq sếq Yiang Sursĩ yõn anhia cớp nheq tữh cũai ca tamứng santonq cứq sanua, sa-âm machớng cứq sa-âm tê. Ma cứq tở ểq noau táq anhia ariang noau chớq cứq toâq sái-sô nâi.”

30 Moâm Phau-lô pai ngkíq, puo Acri-pa, achuaih Phê-tu, Bê-ranit, cớp nheq tữh cũai ớt ntốq ki, alóí yuor tayứng. 31 Cớp alóí pai neq: “Phau-lô lứq tở bữn lóih ntróu yõn têq noau cachĩt, tở la chớq án tâng cuaq.”

32 Chơ Acri-pa atống Phê-tu neq: “Khân Phau-lô tở bữn sếq puo Rô-ma parchĩn án, ki têq hái acláh án.”

## 27

### *Phau-lô Pớq Pờ Vil Rô-ma*

1 Toâq cũai sớt ki thrũan cớiq Phau-lô pớ cruang I-tali, cứq Luca pớq cớp Phau-lô tê. Cũai sớt ki chiau Phau-lô cớp máh cũai tũ canõh pớ Yulo, la cũai sớt muoi culám náq tahan. Tốp sớt tahan ca noau đớq Tốp Acu-tơ. 2 Hếq chõn tuoc tâng vil A-tramit. Tuoc nâi ể pớq chu máh vil ca ớt cheq tor đớq mựt tâng cruang Asia. Bữn manoaq yóu pớq cớp hếq, ramứh Ari-tac tể vil Tê-salô-naca, cruang Ma-sadôn. 3 Máh tangái parnõ hếq toâq pớ vil Sadôn. Yulo sâng ayooq táq Phau-lô; chơ án yõn Phau-lô pớq sa-òh yóu án tâng vil ki, cớp yõn yóu Phau-lô chuai án. 4 Chơ hếq loõh tể vil Sadôn, ma cuyal phát hập lứq ể dũng đếh tuoc. Ngkíq tuoc hếq pớq viaq



coah cõn Sip-ro' coah angia mandang loõh. <sup>5</sup> Vót ki hếq pởq luat cruang Si-lasi cớp cruang Bam-phuli; chơ toãq pở vil Mi-ra tâng cruang Li-sia.

<sup>6</sup> Tâng vil ki, án ca sốt muoi culám tahan chuaq tuoc canõh ẽn. Toãq án ramóh muoi lám tuoc ca toãq tẽ vil Alec-santri ẽ pởq chu cruang I-tali; chơ án yõn hếq chõn tâng tuoc ki. <sup>7</sup> Tờ dáng sếq tangái noãng hếq ngcuai pởq. Coat lứq cuyal phát. Mán tờ toãq pở vil Cơ-nit. Ma vót ki cuyal phát hập lứq ẽn. Ngkíq hếq pởq luat ntốq noau dõq Sal-môn pởq cheq tor dõq cõn Crêr ẽn. <sup>8</sup> Hếq pởq pẽr tor dõq coah pũn cõn Crêr, cớp hếq pachốq tuoc bân ntốq dõq viq ving cheq vil Lasê.

<sup>9</sup> Hếq õt dũn lứq tâng vil ki; chơ hếq yoc ẽ pởq ẽn, ma casai ki khoiq cheq nheq cumo chơ. Casai ki paloõng mia choãn lứq, cớp cuyal rapuq; coat lứq pởq na tuoc. Ngkíq Phau-lô sươq alới neq: “Sẽm ai ơi! <sup>10</sup> Khãn hái pởq tẽ ntốq nãi sanua, cứq chanchóm hái ramóh sa-ũĩ túh coat. Tờ bũn pút ống cớng cớp tuoc sãng, ma tở hái la cuchĩt tẽ.”

<sup>11</sup> Ma cũai sốt muoi culám tahan ki tờ bũn noap santoiq Phau-lô atõng. Án noap santoiq cũai dũng tuoc, cớp cũai ncháu tuoc. <sup>12</sup> Ntốq dõq viq ving ki tờ bũn o dõq tuoc tâng casai sangẽt. Ngkíq moãm alới sarhõng máh cũai ca ẽ pởq tâng tuoc ki, bũn clũng hõn tẽ cũai yoc ẽ pởq. Alới cutóng ẽ pởq pở vil Phê-nit tâng cõn Crêr. Alới yoc ẽ õt vil ki tâng casai sangẽt, yuaq vil ki bũn ntốq viq ving o hõn tẽ vil Lasê.

*Bũn Rapuq Tâng Dõq Mut*

13 Tũ alói hũm cuyal phát laviei o, máh cũai tâng tuoc ki chanchóm têq pỏq. Ngkíq alói leh tuoc, chơ hếq pỏq cheq tor đờq cõn Crê. 14 Ma tở bữn dũn noâng cuyal rapuq hập lứq tể angia cõn Crê ki. 15 Cớp cuyal ki clủh tuoc rêng lứq. Ngkíq hếq tở têq abĩat noâng tuoc hếq, yuaq cuyal ỏt dũng níc tuoc hếq. 16 Ngkíq tuoc hếq pỏq luat coah angia pũn cõn cớt bữn ramứh Co-da. Ỏt ngki cuyal laviei bĩq. Ngkíq tuoc cacớt hếq ti coah clĩ, hếq riap ác achõn tâng tuoc toâr hếq ẽn. 17 Moâm hếq achõn tuoc cacớt ki, chơ hếq ỉt proat, tán tuoc toâr ẽn, ngcõh án pacháh. Cũai dũng tuoc hếq, ngcõh tuoc hếq mut bân ntỏq sa-ũĩ chũah, noau đờq Sir-tơ. Ngkíq alói yial máh aroaiq noau yoang tâng tuoc yõn cuyal clủh dũng. Chơ alói tở bữn voah noâng tuoc; alói ỉt ống cuyal dũng sâng. 18 Máh tangái parnở cuyal phát hập lứq ẽn. Ngkíq máh cũai dũng tuoc hếq voang asẽng nheq máh crơng alói patiang tâng đờq. Alói ẽq tuoc cớt nghẽ. 19 Chơ máh tangái pra ẽn, hếq voang đẽh aroaiq cớp sarva tâng đờq. 20 Sa-ũĩ tangái chơ, hếq tở bữn hũm noâng moat mandang cớp mantở, yuaq rapuq hập lứq. Hếq tở bữn ngcuang têq bữn tamoong noâng.

21 Khoiq sa-ũĩ tangái chơ hếq tở bữn chi-cha ntrớu. Ngkíq Phau-lô tayứng yáng moat nheq cũai tâng tuoc hếq, cớp án atởng alói ki neq: “Sẽm ai ơi! Khân anhia trĩh parnai cứq atởng tể nhũang, anhia tở bữn loỏh tể cõn Crê ki. Chơ hái tở bữn ramóh túh coat nãi, cớp crơng hái la

tở bữn pút. <sup>22</sup> Ma sanua anhia chỗi ngcõh ntróu. Nheq náq hái ca õt tâng tuoc nâi tờ bữn noau cuchĩt. Ma pút ống tuoc sâng. <sup>23</sup> Anhia khoiq dáng chơ cứq la cũai táq ranáq Yiang Sursĩ. Sadâu mahái bữn ranẽng Yiang Sursĩ tẽ paloõng toâq pỡ cứq. <sup>24</sup> Án atõng cứq neq: ‘Phau-lô ơi! Mới chỗi ngcõh ntróu. Cóq mới ramóh puo Rô-ma. Cỗ Yiang Sursĩ ayooq lứq mới, ngkíq án chuai nheq từh cũai ca õt parnơi cốp mới tâng tuoc nâi, yõn tờ bữn cuchĩt.’ <sup>25</sup> Ngkíq sễm ai ơi, anhia chỗi ngcõh ntróu. Cứq sa-âm samoât samơi máh santoiq Yiang Sursĩ ữq cốp cứq. Lứq án táq nheq máh ốc ki. <sup>26</sup> Ma cuyal nâi lứq dững hái toâq pỡ muoi cõn; chơ hái raclõng nheq chu cõn ki.”

<sup>27</sup> Nheq muoi chít la põn tangái cuyal dững tưng-tooc tuoc hếq pỡq tâng dỡq mưt Atria-tic. Tâng sadâu muoi chít la põn, cheq muoi mpút, cũai dững tuoc hếq chanchóm tuoc khoiq cheq toâq tor chơ. <sup>28</sup> Ngkíq alóí chiaq dỡq, yoc ẽ dáng maléq yarũ. Toâq alóí dáng dỡq ki yarũ bar chít achoang. Alóí pỡq bĩq ẽn, alóí chiaq sĩa, chơ alóí dáng dỡq ki yarũ muoi chít la sỡng achoang. <sup>29</sup> Alóí ngcõh tuoc hếq clúh tamáu, chơ cõt pacháh. Alóí bữn põn cốc tac ntâng, ngkíq alóí chốq panũar; chơ alóí apõng tac ki tẽ soi tuoc tâng dỡq, ẽq tuoc õt dóng muoi ntốq. Cốp alóí câu níc ẽq yõn poang cháí. <sup>30</sup> Máh cũai ca dững tuoc hếq asẽng loah tuoc cõt tâng dỡq. Alóí pai alóí yoc ẽ apõng cốc tac canõh hỡ tâng dỡq cheq plỡ tuoc. Ma alóí táq nan sâng, ốc lứq la alóí ẽ

lúh luoiq tẽ tuoc. <sup>31</sup> Ma Phau-lô atõng nheq máh tahan tâng tuoc hếq neq: “Khân cũai dững tuoc hái ma tỡ bữn ốt níc tâng tuoc, nheq tữh anhia lứq cuchĩt nheq.”

<sup>32</sup> Ngkíq cũai tahan cứt panũar noau chốq tuoc cớt ki; chơ alóí táh loâng.

<sup>33</sup> Sadâu ki khoiq cheq ẽ poang, Phau-lô atõng yõn nheq náq cũai tâng tuoc ki chi-cha dõĩ. Án pai neq: “Khoiq nheq muoi chít la pỏn sadâu chơ anhia tỡ bữn cha ntrứ. <sup>34</sup> Cứq sếq anhia cha yõn tẽq anhia tamooing. Lứq samoât anhia tỡ bữn bớch chũl ntrứ.”

<sup>35</sup> Moâm Phau-lô pai ngkíq, án ỉt bẽng; chơ án câu sa-õn Yiang Sursĩ yáng moat nheq tữh cũai tâng tuoc ki. Moâm ki án pỉh bẽng, cớp án cha. <sup>36</sup> Tỡ alóí ki hữm Phau-lô táq ngkíq, alóí sâng bũi tẽ tâng mút alóí. Ngkíq alóí cha tẽ. <sup>37</sup> Tâng tuoc hếq bữn bar culám tapul chít tapoât náq. <sup>38</sup> Moâm nheq tữh cũai ki cha pasâi, chơ hếq apõng táh nheq saro tẽ tuoc, ẽq yõn tuoc cớt nghễl loah.

### *Tuoc Ki Cốt Pacháh Chíq*

<sup>39</sup> Toâq poang tarừp, nheq tữh cũai tâng tuoc hếq tỡ bữn noau dáng tháng tor ki. Ma cũai dững tuoc hữm muoi nốq viq ving tâng tor ki. Alóí cutóng dững tuoc amut tâng viq ving ki. <sup>40</sup> Alóí cứt táh chíq panũar chốq cớt tac yõn satooh chíq tâng dỡq. Cớp alóí leh chíq acán abĩat tuoc ki. Alóí chỏn yoang loah aroaiq tâng plỡ tuoc yõn cuyal clúh dững, ẽq tuoc hếq pỡq tanoang chu tor nốq bữn viq ving ki. <sup>41</sup> Ma tuoc

hếq cáI tâng chũah. Chơ samoât noau chi-chít plờ tuoc tâng chũah tưng loâng. Cóp yoah soi tuoc đờq lampoáp níc; chơ táq yỗn soi tuoc cõt pacháh nheq.

<sup>42</sup> Ngkíq tahan tâng tuoc hếq, alớI chanchóm yoc ẽ cachít nheq máh cũai tũ tâng tuoc ki. AlớI ngcõh cũai tũ ki lờI chu tor, chơ lúh chíq chu canõh. <sup>43</sup> Ma cũai sớt tahan ki, án tỡ ẽq noau cachít Phau-lô. Ngkíq án tỡ yỗn tahan cachít máh cũai tũ. Chơ án ớn máh cũai tâng tuoc, aléq dáng lờI, ki pống nhũang cóp lờI chu tor. <sup>44</sup> Máh cũai tỡ dáng lờI, án ớn alớI ít pian cóp crơng ca chuai yỗn alớI têq lờI amut chu tor. Ngkíq nheq náq hếq toâq nheq pỡ tor. Aléq la tỡ bữn bớc chũl ntróu mỗ.

## 28

### *Phau-lô Ớt Tâng Cỗn Mal-ta*

<sup>1</sup> Tữ hếq toâq pỡ tor cỗn, noau atờng hếq ramứh cỗn ki la Mal-ta. <sup>2</sup> Máh cũai ớt tâng cỗn ki ayooq táq lứq hếq. Paloõng noâng mia, alớI hữm hếq sangết lứq. Ngkíq alớI chuaq ùih parlúng, chơ alớI nhúq yỗn hếq nghẽng. <sup>3</sup> Phau-lô chuaq ùih tê. Toâq án ẽ chóq tâng tapéh, bữn muoi lám cusân loõh tẽ nlũiq ùih ki, chơ tot atĩ án, tỡ bữn táh noâng. <sup>4</sup> Toâq cũai tâng cỗn ki hữm Phau-lô ayõng cusân tot atĩ án, manoaq atờng manoaq neq: “Cõh lơ cũai nâi khoiq cachít cũai. Ngkíq yiang yỗn án cóq cuchít tê. Án vót tẽ đờq, ma án cuchít na cóh ẽn.”

<sup>5</sup> Ma Phau-lô trutrêh cusân ki apông tâng tapéh ùih, cốp atĩ án tở bữn a-ĩ ntróu. <sup>6</sup> Cũai tâng cõn ki nhêng, cốp alóí têng atĩ án cõt áih, chơ án dóm cuchĩt toáp. Alóí ốt cloân nhêng dũn lứq, ma Phau-lô tở bữn pân ntróu. Chơ alóí pai neq ẽn: “Cũai nâi lứq yiang.”

<sup>7</sup> Cũai sốt cõn ki la ramứh Pupliu. Cheq ntốq hếq ốt tâng tor dớq mut ki, cũai sốt bữn tâm cutêq la-a. Ngkíq án tabõp tabéh hếq o lứq, cốp án yõn hếq ốt cốp án pái tangái. <sup>8</sup> Mpoaq Pupliu a-ĩ cutâu tở cốp a-ĩ ayoam hỡ. Ngkíq Phau-lô mut tâng clống mpoaq Pupliu bếq, cốp câu chuai yõn án. Án satoaq atĩ tâng tở achuaih ki; chơ mpoaq Pupliu cõt bán toáp. <sup>9</sup> Tữ máh cũai tâng cõn ki sâng ngkíq, alóí ca bữn a-ĩ toáp pỡ Phau-lô. Cốp nheq tữh alóí cõt bán tê. <sup>10</sup> Ngkíq máh cũai tâng cõn ki tabõp tabéh cốp yám noap hếq. Cốp toáp tangái hếq ẽ loõh tẽ cõn ki, alóí thrũan sa-ũi lứq crong chuai hếq.

### *Phau-lô Toáq Pỡ Vil Rô-ma*

<sup>11</sup> Hếq ốt tâng cõn ki nheq pái casâi. Vót ki hếq chõn tâng muoi lám tuoc ca toáp tẽ vil Alec-santri. Tuoc nâi bữn ramứh Yiang Cartuan. Tuoc nâi khoiq ốt tâng cõn ki yõn nheq máh casâi sangết. <sup>12</sup> Chơ hếq toáp pỡ vil Sura-cusơ, cốp ốt ngki pái tangái. <sup>13</sup> Tẽ vil ki hếq pỡq na tuoc chu vil Rêc-yum ẽn. Máh tangái parnữ cuyal phát tẽ clĩ tuoc, ngkíq bar tangái sâng hếq toáp toáp pỡ vil Puti-uli. <sup>14</sup> Toáp hếq sêng tẽ tuoc, hếq ramóh cũai tẽ tốp sa-âm Yê-su tâng vil ki. Alóí sếq tốp

hếq ốt cóp alóí tapul tangái. Moâm ki hếq pờq tâng rana pờq chu vil Rô-ma. <sup>15</sup> Tốp puai Yê-su tâng vil Rô-ma khoiq sâng han hếq toâq. Chơ alóí pờq crốq hếq dĩ ria rana. Muoi tốp tễ alóí ramóh hếq tâng vil Dông Apiu. Muoi tốp ễn ramóh hếq tâng vil noau đốq Pái Ntốq Cũai Rlu. Tữ Phau-lô hữm cũai tễ tốp puai Yê-su, án sa-ỡn Yiang Sursĩ, cóp mút án cớt sabóng loah.

*Phau-lô Atỡng Tễ Yê-su Tâng Vil Rô-ma*

<sup>16</sup> Ớt vil Rô-ma, cũai sớt tahan yỗn Phau-lô tềq ốt ntốq aléq án sâng yoc ễ ốt. Ma noâng bữn cũai tahan kĩaq níc án. <sup>17</sup> Tữ hếq ốt tâng vil Rô-ma khoiq pái tangái, Phau-lô arô máh cũai sớt tốp I-sarel tâng vil ki toâq pờ án; chơ án atỡng alóí neq: “Sễm ai ơ! Cứq tữ bữn táq lôih ntróu chốq cũai hái. Cóp cứq tữ bữn táh máh phễp rit tống toiq hái tễ mbốq atỡng. Ma alóí chống ễ cốp cứq tâng vil Yaru-salem, cóp chiau cứq pờ cũai Rô-ma. <sup>18</sup> Máh cũai Rô-ma blớh cứq tễ ranáq cứq táq. Ma alóí tữ bữn ramóh muoi ốc ntróu tềq cachĩt cứq. Ngkíq alóí yoc ễ acláh cứq. <sup>19</sup> Ma cồ tốp I-sarel tữ ểq noau acláh cứq, ngkíq yuaq cứq sếq puo Rô-ma ễn parchĩn cứq. Ma cứq tữ bữn cauq ntróu cũai hái. <sup>20</sup> Ngkíq cứq arô anhia toâq pờ nâi cồ cứq yoc ễ ramóh anhia. Cóp cứq yoc atỡng anhia dáng samoât samơi tễ cứq. Yuaq cứq sa-âm án ca nheq tữh cũai I-sarel ngcuang, ngkíq noau chốq cứq toâq sái-sô nâi.”

<sup>21</sup> Moâm Phau-lô atỡng ngkíq, tốp I-sarel ta-ỡi án neq: “Hếq tữ bữn roap choaiq ntróu tễ cruang

Yudê atõng tẽ mới. Cóp hếq tở bữn sâng noau voõq ntróu tẽ mới. <sup>22</sup> Ma hếq sâng dót lúq, tâng dũ vil noau pai sâuq tẽ tộp sa-âm Yê-su. Ngkíq sanua hếq yoc ẽ tamúng tẽ mới, nõq mới chanchóm tẽ ốc ki.”

<sup>23</sup> Alói pruum pỡq rôm loah tangái ntun ẽn cốp Phau-lô. Chơ toâq tangái ki bữn sa-ũi lứq ẽn cũai I-sarel toâq rôm tâng dống Phau-lô chang. Tẽ tarựp toau toâq tabữ Phau-lô atõng alói tẽ Yiang Sursĩ táq sốt. Án atõng alói tẽ phễp rit Mũi-se, cốp tẽ saráq cũai tang bỗq Yiang Sursĩ khoi q chĩc tẽ mbỗq. Án ẽq alói dáng, chơ sa-âm Yê-su. <sup>24</sup> Tẽ tộp I-sarel ki, bữn alói ca noap parnai Phau-lô atõng. Ma bữn alói ca tở ẽq noap. <sup>25</sup> Tộp I-sarel tở bữn pruum muoi mút. Chơ alói loõh, ma Phau-lô atõng ẽn chốq alói neq: “Máh parnai Ê-sai atõng tang Raviei Yiang Sursĩ tẽ mbỗq chốq achúc achiac hái, parnai ki lứq pĩei q. Án atõng neq:

<sup>26</sup> ‘Mới cốp pỡq atõng tộp I-sarel nâi neq:  
“Lứq anhia tamúng níc, ma anhia tở bữn sâng.  
Anhia nhêng níc, ma anhia tở bữn hữm.”

<sup>27</sup> Yuaq cũai nâi bữn mút coang,  
ngkíq alói cupât chíq cutũr, tở ẽq sâng.  
Cóp alói canhĩt chíq moat, tở ẽq hữm.  
Khân moat alói hữm, cutũr alói sâng, cốp mút pahõm alói dáng,  
cõh lơ alói ẽ pĩ loah lêq cõt mút tamái ẽn,;  
chơ cứq tahâu yõn alói cõt bán.’ ”✧



28 Phau-lô atõng tốp I-sarel ki ẽn neq: “Sanua cóq anhia dáng yõn samoat, parnai o tẽ Yê-su Crĩt toaq pỡ cũai tỡ cõn cũai I-sarel hỡ. Alói yoc lứq tamứng, cóp alói noap ỉt parnai nãi.”

29 Moâm Phau-lô pai ngkíq, nheq tốp I-sarel ki loõh tẽ ntốq ki, chơ alói rasuon loah tẽ ngê Phau-lô atõng.\*

30 Chơ Phau-lô õt tâng dõng án chang ki nheq bar cumo. Cóp án tabõp o lứq nheq tữh cũai ca toaq pỡ án. 31 Án atõng clốq lứq tẽ parnai Yiang Sursĩ táq sốt. Cóp án atõng parnai o tẽ Yê-su Crĩt, Ncháu hái, hỡ. Tỡ bữn cũai aléq catáng án.

---

\* 28:29 Sa-ũĩ tâm saráq tiaq tỡ bữn bữn rana 29 nãi.

CXXX

**Parnai Yiang Sursĩ - Kinh Thánh tiếng Bru  
Bru, Eastern: Parnai Yiang Sursĩ - Kinh Thánh tiếng  
Bru Bible**

copyright © 2015 Wycliffe Bible Translators, Inc.

Language: Eastern Bru

Contributor: Wycliffe Bible Translators, Inc.

All rights reserved.

2020-11-17

---

PDF generated using Haiola and XeLaTeX on 21 Feb 2024 from source  
files dated 29 Jan 2022

2f74bcbe-d4f1-5386-8c30-29d0147bb706